






BIBLIOTHEQUE
DE M.
J. RENARD



N^o 7 his



RECUEIL

GENERAL

DES QVAQVETS
de l'Accouchée.

Le tout discours & caquité par Dames, Damoiselles,
Bougeoises, & autres.

Mis par ordre en huit apref dinées, ou
elles ont faict leurs assemblées, par
vn Secretaire qui à le tout
ouy & escrit.



A TROYES,
Chez NICOLAS OYDOR, demeurant
en la ruë nostre Dame, au Chapon
d'Or Couronné 1630.

VERS DE L'AVTHEVR.

L'Oisiveté est dommageable
A vn esprit infatigable,
Qui chérit la diuersité,
Le mien qui iamais ne se lasse
Veut faire veoir comme se passe
Le temps aux couches limité.

Apprestez vos gorges pour rire,
De ce que j'ay voulu d'escrite
En ces caquets d'Accouchement,
La matiere est si triuiuale,
Qu'il n'y a sujet qui l'egalle,
Pour prendre du contentement.

Si l'Accouchée est en cholere
De me veoir conter ce mystere,
Du secret dit en sa maison,
L'appaiseray sa fantaisie,
Et d'une parole adoucie
Le luy en diray ma raison.



AV LECTEUR CVRIEVX.



Velques Critiques (m'asseuray-
je) voyant que le Frontispice de
ces diuerses iournées du caquet de
l'Accouchée n'est decoré d'aucun
titre autre que celuy que la chose luy don-
ne, riront a gorge desployee du Secretaire
qui a ramassé vne chose infructueuse, pour
en faire part au public, & d'une posture s'ef-
forceront a tenir sa reputation: Mais ie ne
veux en cela arrester leur ordinaire regime,
m'estant vne chose indifferente ce qu'ils en
pourront dire, pardonnant aussi librement
a leur calomnie, comme l'on pardonne aux
Corbeaux croassans, parce qu'ils ont le lan-
gage de nature: iamais les corps des Cionnes
n'ont esté invulnerables aux traits des Cè-
taures, que mon ame l'est au langage des
langues mesdisantes.

Ce n'est a eux; ny pour eux que ie me suis
addonné a ceste occupation: ains pour les
esprits vuides de passion, & qui desireux de
ronger la moëlle des escrits, ne s'arrestent

à l'escorce; La chose pour naïue qu'elle soit
conient en loy de l'en phaze, & touz des
apparences basses il y a des effets releuez,
dignes de contenter les ames les plus diffi-
les. Voy donc, amiable Lecteur, cét ouura-
ge de bõ œil, il n'a esté mis au iour que pour
reformer les mœurs, reigler les actions, &
retrancher les abus. Cét escrit ne retient rié
de la flatterie, il publie meurement les cho-
ses comme elles sont, retenant de la liberté
de viure des anciens, qui proferoient le lup-
plice à la complaisance, quand tu scaurois
quel ie suis, volontiers aggrerois tu d'auā-
tage cét œuure, voyant qu'estant ce que Dieu
m'a fait nastre & colloqué en vn rang qui
me separe du vulgaire, tu croirois qu'il y au-
roit apparence que ie ne me fusse appliqué
à ce traual, s'il n'estoit profitable, ie cache
mon dessein aussi bien que mon nom, pour
ce coup, me contentant de t'asseurer qu'au-
cune intention de mesdire ne m'a fait pré-
dre tant de peine, mais seulement afin que
plusieurs qui se récréeront à la lecture de ce-
ste piece, profitent de mon labeur. Lis attē-
tiuement cét abregé de la vicissitude hu-
maine. & tu trouueras quelque chose pro-
pre à assouuir tõ appetit, si au moins desbau-
ché & despraué, toutes sortes de viandes ne
luy sont a cœur. Adieu.



LA PREMIERE IOVRNEE de la uisitation de l'Accouchée.

Pres auoir esté releué d'une gran-
de & penible maladie, de laquelle
i'auois esté fort bien penlé, ce qui
me donna sujet de me gouverner
dorefnauāt par le regime de viure, que l'on
m'en donneroit, cause pourquoy ie fis as-
sembler deux Medecins de diuers aages, &
de diuers humeurs, qui apres m'auoir veu
en bon estat, chascun d'eux dit son aduis,
sur mon futur gouvernement, & pour re-
tourner en ma pristine santé.

Le plus ieune oppina le premier, & me dit
qu'il donnoit conseil à autruy, selon qu'il se
gouuernoit luy mesme, qui estoit d'aller
souuent en la maison des champs, pour se-
couier l'oreilie de la Tulippe, & du Marti-
gon, faire cinq ou six tours de lardin, pren-
dre la dragme de vin clairer, puis mōter sur
son Mulet & reuenir soupper à Paris, & que
ainsi l'air des champs diuertissoit les mau-

Discours de l'Accouchée.

raïses humeurs, restauroit les membres, & resueilloit l'esprit.

L'autre Medecin plus vieil, fut d'avis que ce plaisir estoit trop court, & que souuent reytteré, en fin il ennuyoit plus qu'il ne donnoit de plaisir.

Pour son regard qu'il ne trouuoit point vn plus grand diuertissement d'esprit que la Comedie, la Tragedie & la Farce, & que souuent il la faisoit iouïer en sa presence, & par ses enfans mesmes, sans auoir esgard a ce vieux dicton (Corrompunt mores coliquia praua) & quoy que parmy les jeux, les enfans imprintent milles astuces & fallaces en leurs ames, se mocquans ordinairement de toutes personnes sans sujet: mais passe, c'est pourtant vn des plaisirs que ie vous conseille de prendre, plaisir qui est a present ordinaire dans Paris, & tout ainsi (Dieu mercy) que la Religion catholique Apostolique & Romaine, sort de France pour habiter au Perou, & terres Estrangeres; ainsi l'Italie commence à se purger de telles follies: de jeux publicqs qu'ils nous renuoyent à Paris, pour nous rendre encores plus vicieux qu'eux, estant bien informez, que les Officiers, qui ont le pouuoir de donner telles punitions, ou de l'empêcher, n'en s'ot aucune difficulté, ny de faire obseruer les Ordonnances de

Discours de l'Accouchée.

S Louys, qui de son temps auoit chassé toutes ses canailles hors de France.

Le second plaisir que vous prendrez, (& qui est le meilleur (c'est de tacher à accoster quelqu'vne de vos parentes, ou amyes, ou voisines accouchées, pour vous permettre de vous glisser en la ruelle du liêt vn Apres-dinée, pour entendre les nouvelles qui le racontent par la multitude des femmes, qui la vont veoir, & en tenir bon Registre, & ainsi vous aurez non seulement de quoy contenter vostre esprit: mais vous fera raieunir & remettre en vostre pristine santé.

Auis que j'ay trouué assez bon, qui a esté cause que d'vne plaine liberalité, ie leur donay à chascun droit de consultation, avec promesse de loüange, si ma santé en augmentoit.

Or pour l'executer, le lendemain, ie me fit conduire sur le Pont neuf, & taschois d'aller le petit pas: mais il me fut impossible, pour estre poulsé par vne multitude de peuple de toutes sortes d'estats, qui auoient quitté leur boutique pour venir veoir le Charlatan, les vas y menioient leurs enfans plus soigneusement qu'au Sermô, les autres estoïent criez de leurs femmes, qui disoient n'auoir point de pain à la maison, & que leur meschânt mary s'amusoit à la farce plus qu'à s'abesogner, &

Discours de l'Accouchée.

bref, quãd ie fut arriué sur le lieu, i'y vis vnê si grande confusion, mēlée de querelles & de batteries pour les coupe-bourfes, qui si rencontrent, que ie n'euz le loisir que d'entendre trois ou quatre mots de leur science, qui m'estonnerent de prime face, parce que le Charlatan promettoit de guarir toutes sortes de maux, en vingt quatre heures, & ce pour vne piece de huitz sols.

Ie suis bien miserable, ce dis ie alors, d'auoir despensé tant d'argent a me faire medeciner, & auoir eu tant de mal, puis qu'avec si peu d'argent on peut recouurer sa santé, & comme ie me plaignois, marmottant entre mes dents, vn homme de la troupe qui me escoutoit, me toucha sur l'espaule, & me dit, ne vous faschez point de n'auoir vsé de ses drogues; i'en ay acheté plusieurs fois & pour beaucoup d'argent, pour me guarir le mal d'estomach, les dents & les catherres, i'ay trouué pour en auoir vsé mon mal estre augmenté, & ce qui estoit mal procedant de chaleur auoir augmēté en chaleur, & ce qui estoit trop froid s'estre conuertý en mauuaise humeur: C'est pourquoy ie l'abandonne, & le donne au diable avec mon argent.

Ie disois qu'en cela l'aduis du Medecin ne me plaisoit plus; & que si celuy de l'Accouchée estoit pareil, que i'a uois perdu mon ar-

Discours de l'Accouchée.

gent aussi mal a propos que celuy qui auoit acheté les drogues du Charlatan.

Le lendemain, pour executer l'aduis tout entier, ie fut aduertý qu'une miēne confine demeurant en la ruē de Quinquenpoix, autrement diēte, ruē des mauuaises parolles, estoit accouchée, il n'y auoit que deux iours, ie l'allay veoir, & apres auoir congratulé l'Accouchée, ie la priay de me donner ce contentement de me cacher en la ruelle du liēt aux apredinées, pour entendre les discours des femmes qui la venoient veoir, ce qu'elle m'octroya facilement, a la charge de l'en dispenser si i'estois antiche de la maladie de la toux, parce que pour rien elle ne voudroit cela estre descouuert.

Or pour le faire court, le lendemain vingt-quatriesme Aupil, ie m'y transporte sur le midy, ou comme l'on m'auoit promis, ie trouuay en la ruelle du liēt vne Chaire tapissée pour me seoir, & vne petite selle pour mettre mes pieds, l'on ferme le rideau, & tout incontinent apres, a vne heure attendant deux, arriuerent de toutes parts, toutes sortes de belles Dames, Damoiselles, vieillles, ieunes, riches & mediocres de toutes façons, qui apres auoir fait le salut ordinaire prindrent place, chascun selon son rang commencerent a caqueter comme il s'en suit.

Discours de l'Accouchée.

Qui commença la querelle, ce fut la Mere de l'Accouchée, qui estoit assise proche le cheuet du liét, à costé droit de sa fille, & respondoit a vne Damoiselle, qui luy demandoit combien sa fille auoit d'enfans, & si estoit la le premier, l'Accouchée rioit & n'osoit parler, luy ayant esté deffendu, à cause de la fiebure, causée par l'abondance de son lait, la mere respond, vramy Madamoiselle c'est le septiesme, dont ie suis fort estonnée, si i'eusse bien pensé que ma fille eust esté si viste en besongne, ie luy eusse laissé gratter son deuant iusques en l'âge de vingt quatre ans sans estre mariée, ie ne fusse pas maintenant à la peine de veoir tant de canailles à ma queuë, & Madame, ce dit la Damoiselle, resiouyſſez vous, ce n'est que benediction, par S. Iean dit la mere, ce sont biens de dieu: mais ce ce sont pas des meilleurs, maintenât qu'on a tant de peine à marier les filles, & à pourueoir les garçons, il faudra à la fin bon gré, mal gré qu'ils en ayent qu'ils soient moines & Religieuses: car les Offices & les mariages sont trop chers.

C'est la verité ce que Madame dit, ce fit vne Damoiselle de haut parage, ie resens bien en moy mesme ceste incommodité, & tous les Financiers de mon calibre, qui s'estoient deliberez de pourueoir leurs filles à la No-

Discours de l'Accouchée.

blesse, pour auoir du support cy apres, en cas de recherche des Financiers, i'ay veu que nous estions quitte de tels mariages, pour cinquante ou soixante mil escus mais a present que l'vn de nos confreres a marié sa fille à vn Comte, avec dotiaire de cinq cês mil liures contant, & vingt mil escus pour les bagues, toute la Noblesse en veut auoir aurtât a present, ce qui nous reculle fort, ie voy bien que pour en marier vne doreſnauant, il faut que mon mary entre en charge deux ou trois ans plus qu'il ne pensoit.

Sa Damoiselle de chambre, qui estoit derriere la Maistresse, s'auanca de parler, & luy dit avec honneur, Madamoiselle, ie ne ſçay commēt ne me plaindre, puis que vous vous plaignez, qui auez acquis soixante mil liures de rente en trois ans, mō Pere, que vous ſçauiez estre Procureur, qui à des moyens assez honnestement, à marié au commencement ses premieres filles à deux mil escus, & à trouué d'honestes gens, à present quand il auroit douze mil liures contant, il ne pourroit trouuer vn party pour moy, occasiō qui a meu ma mere de cōnuertir ma souffrance en supercession, & me donner la coëffe & le masque, pour seruir de seruante, & auoir la superintendance sur le pot à piffer, & sur la vaisselle d'argent, & autres meubles.

Discours de l'Accouchée.

Et moy donc, se dit vne seruante qui estoit assise sur ses genoux, pres de la porte, ie suis plus a plaindre que vous autres: car autrefois quand nous auions seruy huiet ou neuf ans & qu'auions amassé vn demy ceint d'argent, & cent escus contant, tant a seruir qu'a ferrer la Mulle, nous trouuions vn bon Officier Sergent en mariage, ou vn bõ marchand Mercier, & a present pour nostre argent, nous ne pouuons auoir qu'vn Cocher, ou vn Palfrenier, qui nous fait trois ou quatre enfans d'arrachepied, puis ne les pouuât plus nourrir, pour le peu de gain qu'ils font: sommes contrainctes de nous en aller reseruir cõme deuant, ou de demander laumofne, on ne voit autre chose par les ruës.

Et vous, Madame à ce coing, vous ne dites mot, le temps ne vous importe: il point comme aux autres, ie vous assure Mademoiselle que ie ne m'estonne nullement de vos discours: car ce qui est cause en partie de ce delordre, ie recognois que ce sont les bonbances d'aucuns: car moy qui suis Marchande ie le cognois a la vente, il est aujour d'huy veau en nostre boutique vn nombre de Bourgeois conduisant vne fiacée, pour acheter des estoifes, le fiancé present, qui menoit sa fiancée par dessus les bras, & comme ie leur ay demandé qu'elles estoif

Discours de l'Accouchée.

fes ils vouloient, ils se regardoient l'vn l'autre, & se disoient, parlez Madame, moy? ie m'en rapporte aux parens les plus proches, & comme ie ne pouuois auoir raison d'aucun d'eux de le dire, ie demanday quel estat auoit le fiancé, vne bonne vieille respond, il est d'vn grand Estat, il est Thresorier & Recepueur, & payeur des gages des Conseillers & Iuges Presidiaux de Mont fort, Thresorier, ce dis ie alors, il faut donc des plus belles estoifes, & incontinent ie deploye vn Velours à la Turque, vn Satin à fleurs, vn velours à ramage, vn Damas meslé, & autres riches estoifes, & puis ie demanday au fiancé si ses estoifes luy plaisoient, il n'osoit respondre, ie m'en rapporte, dit il, à ma Maistresse, la fiancée dit que c'estoit la bien son cas, luy au contraire se nazarde de parler, & dit que ses choses la estoient d'vn trop grand prix pour sa qualité, & qu'il n'auoit que cent liures de gages de son Office, & qu'il ne pourroit pas entretenir si grande vogue: mais la mere de la fille qui n'a nul esgard à cela, dit qu'elle veut que sa fille soit braue, & partant qu'on coupe: si bien que i'ay deliuré pour douze cent liures à Monsieur le Thresorier.

Ho, ho, ce fit la femme d'vn Notaire, S. Gry mô mary n'a point de gage, & si ie por-

Discours de l'Accouchée.

te bien de pareilles estoﬀes, & si on ne m'en donnoit i'en trouuerois bien, ie ne veux pas estre moindre que ma Cousine, encores que son mary soit Officier du Roy.

Nous serions bien sottes, dit la femme d'un petit Aduocat du Chastelet, de porter de moindres estoﬀes que cela, ce que nous en faisons, donne d'auantage de courage a nos maris de plumer la Fauuette sur le Manant, pour nous entretenir, & s'il faut que nos maris portent la Soustane de Damas, pour nous honorer d'auantage, & non pas vn saye, cōme le temps passé, qui ne passe pas la braiette, pour les distinguer des Conseillers.

Madame, ce dit vne autre, quelques fois cela ne dure pas, le temps n'est pas tousiours propre a gagner, les hommes ont de la peine, & Madame, ce dit elle, quand ils ont de la peine trop, il faut leur donner des Aydes pour les soulager.

Ha, ha, ce dit vne ieune Bourgeoise, qui auoit espousé vn vieillard de cinquante six ans, qui estoit au milieu de la troupe, ie me ris de vos plaintes, mes Dames, pour moy ie ne me puis plaindre: car ce que i'ay le plus besoin c'est ce que i'autois tout a l'instant, si ie le voulois, il y a assez de ieunes gens qui m'en font l'offre.

Alors l'Accouchée s'azarde de parler tout

Discours de l'Accouchée.

doucement, & dit qu'autres-fois elle auoie esté ainsi curieuse d'estre braue. mais maintenant qu'elle auoit tant d'hoüiers, & ayant cause, qu'elle faisoit seruir ses vieilles besongnes à nabiller ses enfans, & moy ie me passe à peu: mais voulez vous que ie vous dise la verité, ce n'est pas de bonne volonté, ains par force & violente action: car ie suis aussi ambitieuse que iamais.

Or comme l'Accouchée eut prononcé vn Arrest, on fit silence, qui fut cause qu'on entendoit au pied du lié vne petite Bourgeoise qui parloit bas a sa voisine, & toutes deux sembloient se resiouyr, dont la compagnie fut ialouse, pour participer a quelque autre nouvelle, qui fut cause qu'une Damoiselle leur dit, mes Dame, vous auez quelque contentement en l'ame, puisque mesprisans nos premiers discours, vous vous estes entretenues vous deux sur vn plus beau sujet.

Madamoiselle, se sont petites affaires particulieres de nos maisons, qui ne touchent a personne, l'autre dit, ma voisine, vous ne serez pas des-honorée pour dire ce qui en est, la chose est honneste & profitable, tous ceux qui le meritent ne le font point, c'est que le mary de Madame brigue l'Escheuinage, & c'est ce dont elle se resiouyt.

Discours de l'Accouchée.

Ho, ho, il est donc fort aagé Monsieur vostre mary, c'est vostre grace Madamoiselle, il n'a pas plus de trente cinq ou quarante ans; mais c'est qu'il prend son temps, il a veu que ceux qui y sont à present, se sont gens (au moins quelques vns da) de si petite estofe, & que trois ou quatre Tauerniers commencent à briguer pour y entrer, qu'ils s'est hazardé comme les autres, encore qu'il ne soit que Procureur du Chastelet, il espere y faire ses affaires s'il y entre.

Ety gaigne on donc quelque chose, dit vne bonne Mere, qui auoit son chapperon destroussé à la mode ancienne, par le vray Dieu mon mary, defunct Monsieur D'ambroy. qui à esté trois fois Preuost des Marchands n'a iamais profité à l'hostel de ville, que d'un pain de Sucre par an, aux Estrenes & quand il est mort, il a laissé par Testamēt, que l'on mit la valeur de trois pains de Sucre au Tronc de l'Hostel Dieu de Paris, afin que sa conscience & son ame n'en fussent en peine.

Vramy si ceux qui ont esté depuis luy, & qui ont mis tant d'Estats de Charbonniers, Gaigne deniers, lurez, Racleurs, Porteurs de foin, & autres Officiers de la ville, en leur bourses estoient damnez. il yen auroit bien, & à present quand les Escheuins sortent de

Discours de l'Accouchée.

charge, ils se font payer cinq ou six mille liures de vieux arrerage de rente, sur toutes nature de deniers, pour leur derniere main, & s'ils n'ont point de rentes, ils achetēt des arrerages de la vesue, de l'orphelin, à six escus pour cent, & se font payer de tout, comme ayant droit par transport.

Nostre Dame, & ou prennent-il cēt argent là, l'on dit que c'est sur les deniers du domaine de la ville, & autre fond que nous ne sçauons point, il n'est que d'estre en charge pour le sçauoir, i'espere bien que si mon mary peut gaigner les voix à force de briguer, qu'il viendra bien à bout de tout, aussi bien que les autres.

Et voyez vous Madame (ce dit l'ancienne) au temps passé, le Preuost des Marchands & Escheuins auoient plus d'esgard au profit public, qu'au particulier, tout cēt argent que l'on mange à present, en banquetts: (car on y disne tous les iours) en estraines, en superfluitiez du feu de la sainct lean, en payement d'arrerages de rentes, & autres choses que nous ne sçauons pas, s'employent à fortifier la ville à refaire les quaiz rompus, dont l'argent se prend à present sur l'escu cinq solz, qui a esté imposé sur le vin des Bourgeois, & qui iamais ne sera osté: plus à faire traouiller les patures, à remuer la terre des fossez

Discours de l'Accouchée.

de la ville, & autres choses nécessaires, & de fait on ne voyoit point de pauures car pour les vieux & impotents on les nourrissoit à l'Hospital Saint Germain, toutesfois si depuis la mort de mon mary, s'ils ont obtenu lettres patentes du Roy pour faire leur profit particulier, de ce qui appartient au public à la verité ie ne le sçay pas.

Iay ouy murmurer que le Roy auoit donné commission a deux Maistres des Requestes, pour faire la recherche de ceux qui prennent des droits qui ne leur sont point attribuez : mais ie pense qu'ils ne s'attaqueront pas à ses gens la, ou ils ont trop d'amis & de faueur, & toutes fois il n'y auroit point de danger de s'informer pourquoy on prend dix sols, pour les fraiz de chascune voye de bois, & pourquoy les Escheuins permettēt que le bois se vende plus que le taux que l'on y met car autrement nous n'auons que faire d'Escheuins, s'ils ne seruent qu'à faire vendre les denrées plus cheres qu'il ne faut.

La, la, madame, vous auez fait vostre temps, laissez faire les affaires aux ieunes gens, & ne ramenteuez point le chat qui dort.

Ie m'estonne pourtant que la Cour de parlement n'y met ordre. Mamie cela n'est pas de leur Iustice, chacun à son cas a part, la reformatiō de la Iustice leur appartient, & nō

Discours de l'Accouchée.

pas du bois, ne sçauéz vous pas bien que ses iours passez Monsieur le President Cheualier à ressemblé a celuy, qui pour faire peur aux Souris, auoit eicorché vn Rat, depuis qu'il a faict faire le Procez au Procureur general de sa Iustice, tous les Commissaires ont tremblé, & si on grippe quelque chose, c'est en cachette.

Mais, Madamoiselle, disons la verité sans faintise, s'il y a eu du desordre, nous sçauons bien en nostre particulier d'ou il procede, comment seroit il possible d'entretenir les garçons de ce temps si on ne desroboit, il n'y a fils, ne petit fils de Procureur, Notaire, ou Aduocat, qui ne vueille faire cōparaison en toutes choses avec les enfans des Cōseillers Maistres des Compres, Maistres des Requestes, Presidents, & autres grands Officiers, on ne les peut distinguer, n'y en habit, n'y en despeace superflue, ils haient les banquets à deux pistoles pour teste, ils empruntent argent, iouent aux detz, au piquet a la paulme, a la boulle, vont a la chasse, & font mesme exercice des grands, ils empruntent a vsure de Trauersier, de Dobillon, & de l'italien la comeny, qui sont les Receleurs de la ieunesse, & puis qu'en aduient il, en fin, ils sont contraints de faire l'amour a la vieille, ou d'amoler la fille d'vne bone maison, leur

Discours de l'Accouchée.

faire vn enfant par aduance, afin d'estre cōdamnez a l'espouier.

Vne vieille qui estoit en la troupe respond amen, ce que vous trouuez mauuais, ie le trouue bon, quand les vieilles peuuent trouuer quelque ieune Gatz pour leur argent, (pourueu qu'il soit bien moriginé) c'est vn bon heur, il y a du plaisir pour l'vn & pour l'autre, l'vn prend la courtoisie, & l'autre la com nodité, cela faict subsister la ieunesse, selon son ambition, & fait viure la vieillesse plus long-temps, & que seruent les biens que pour cela.

O Madame, ce que vous dictes est le suiect d'vn grand peché: car soubz ombre d'vne nuict, ou deux, que vous en prendrez du cōtètement, il en vient vn grand mal heur, on ne voit que bastardz, que filles desbauchées, & toutes les autres qui sont hōnestes, qui pourroient engendrer vne belle race: par vn legitime mariage, fait de pareil a pareil, demeurent en friche, & n ont pour toute retraicte que la Religion.

Et puis qu'en aduient il, quand ils ont de quoy despendre, vne faineantise, hommes sans soucy sans traual, plus a pres a chasser vn Lieure, que de seruir leur Roy & la Republique, & si d'auanture vous les faicte entrer par vostre argent, a quelque Office, si

Discours de l'Accouchée.

c'est a la Cour de Parlement, il faut estudier a Monsieur Mozan, si c'est a la Chambre des Comptes, a Robichon avec son calpin, & puis quand ils sont receuz, cahin, cah, ils ne sçauent par quel bout commencer la iustice, & par ce moyen les Cœurs Souuerains sont toutes remplies de beaux ieunes fils, & bien peignez, logez a l'enseigne de l'Asne.

L'Accouchée auoit la teste rompuë de ses discours, & commença a dire, Mes Dames, vous me faictes apprehender le temps aduenir, ie n'ay que vingt quatre ans & demy, & sept enfans, si ie fais ma portée selon nature, & que toutes choses augmentent comme elles sont, i'enuieilliray de soïn & non d'aage

Hé, ma fille ne songez point a cela, i'y songe assez pour vous, prenez courage, le grand desordre qui est a present, engendra vn bon ordre, l'on fera des Edictz qui reigleront toutes choses, l'on cognoistra le Marchand d'avec le Noble, l'homme de Iustice du mechanique, le fils de Procureur avec le fils de Conseiller, & puis vostre mary mettra bon ordre à pouruoir ses enfans selon ses moyens, & si vous auez encores a heriter de moy pour plus de deux mil cinq cens liures, pour vne fois payer,

Discours de l'Accouchée.

est ce pas vn beau denier a Dieu, dequoy vous mettez vous en peine.

Ma mere, vous estes du bon-temps, vous auez accoustumé de ne manger du rosti que vne fois la sepmaine, encore n'est ce qu vn Aloyau: mais nous, nous ne sommes pas accoustumés a cela, & si ie crois qu'il nous y faudra accoustumer, si la chair est tousiours si chiere, dont ce sera grand pitié si Dieu n'y met autre remede.

Sainct Gry, i'auois accoustumé par sepmaine de ne despendre a la boucherie que quatre liure dix sols, maintenant ie donne a nostre Châbriere cent sols, & si nous mourons de faim, il faudra doresnauant manger le potage le matin, & la chair le soir, & obseruer l'Ordonnance de Philippes le Bel.

Ie voy bien que Madamoiselle, qui n'est pas de ceste ville, se rit de nostre peitresse: mais que voulez vous, chacun selon ses moyens & la Damoiselle respond, Madame, chacun se sent de la cherté, & du peu de profit qui se fait a present aux Offices, pour le trop grand nombre d'Officiers qu'il y a, & n'estoit qu'en nostre Chambre des Comptes de Normandie, d'ou ie suis, les Officiers s'allient avec les Comptables, & meslent leur gain ensemblément, nous ne pourrions non plus que vous de Paris, entretenir no-

Discours de l'Accouchée.

stre grandeur: mais, Dieu mercy, ils s'entendent bien ensemble.

Et Madamoiselle, ie pensois que la Chambre des Comptes, ce fustent les Iuges des Comptables: hé Madame, autresfois la Linotte & le Chardonneret estoient a part, & en diner les cages: mais a present tout est en mesme vollerie.

Ie vous aiseure, ce dit vne femme, qui n'auoit encores point parlé, maigre, pale, melancolique, & plaine d'inquietude, va dire,

Mon mary qui est Aduocat a la Cour, gagne ce qu'il veut, il fait les affaires de tous ceux de la Religion (comme en estant aussi da:) mais il me semble que tout ce qu'il gagne fond en ses mains, ie ne voy autre chose en nostre maison que des demandeurs, l vn vient querir la taille ordinaire du corps du tresor de la Religion, l'autre la cure de Monsieur de Rohan & de Soubize, l'autre de nouuel entretenement des Ministres, cure des Espions de France, d'Espagne, d'Angleterre, d'Italie, de Flandres, & de toutes les contrées, bref, i'ay compté qu'en ceste année, i'en ay pour plus de cent escus a ma part, moy, si cela dure, i'ayme bien mieux que mon mary face le papelart, & qu'il aille a la Messe, que de faire & continuer pour cela, ny luy, ny moy, ne croyons que ce que

Discours de l'Accouchée.

nous voudrons, au moins nous terions dispensez de telle taille, aussi bien dit on que les excommunications que font nos Ministres, contre ceux qui se retournent, n'ont non plus de force & de vigueur que le Soleil de Ianuier.

Hé, Madame, quand vous ne croyez a rien qu'a vostre fantaisie, vous n'estes pas cheute de haut: car tous ceux de vostre Religion ont pris a ferme a vil pris, l'Ateyme & qui est cause qu'il n'y a ny encheren ny tiercement, c'est qu'il ny a rien a gaigner, ny en ce monde, ny en l'autre, & cela vous demeurera, & si en iouyrez long-temps, si par la Loy du droit Canon, on ne vous force de faire mieux.

Madamoiselle, ceste Religion est si douce a supporter, que tous ceux qui y entrent, ils en sortent difficilement & pour mon regard, lors que j'en sortiray, ce sera a mon grand regret: car que ie face ce que ie voudray, ie ne suis point obligée de le confesser, que mes pere, mere & parens meurent, ie me resiouis au lieu de pleurer: car ie croy qu'ils sont sauuez, que le Careme & ieunes viennent, ie suis dispensée de manger de la chair, que nous mourrions subitement, nous n'auons point peur du Purgatoire & bref, que les Anges, les Saints &

Discours de l'Accouchée.

Sainctes ayent du pouuoir par leurs prieres enuers Dieu, nous supprimons tout cela, & viuons en liberte d'esprit, que si ceste taille estoit aussi bien supprimée, nous nous moquerions de tout le monde.

Vrayement c'est vne mauuaise police, de permettre qu'il y ait en France des subiectz qui contribuent pour faire la guerre contre leur Roy legitime, ie vous prie Madame cachez vostre vice, & parlons d'autre chose, auez vous beaucoup d'enfans, elle respond, i'ayois trois garçons & deux filles: mais le malheur m'en a voulu, qu'un de mes garçons lequel estoit a la suite de monsieur de Soubize a esté pris prisonnier, & mené aux Galeres avec les autres, vn autre fut tué l'autre iour en reuenant soupper de la ville, pour vouloir sauuer son manteau, excusez si ie ne vous ay fait prier de l'enterrement, nous n'auons point fait de ceremonies, nous l'auons mis en nostre iardin au pied d'un sauz: c'est donc la vostre Cymetiere, ce luy dit la Dame, & elle respondit toute terre est propre pour cela.

Et quelle raison auez vous eue de ceste mort, mon mary a poursuiuy & fait prendre plusieurs volleurs: mais parce qu'il ne s'est point voulu redre partie, on les a eslargis, il est bien besoin que Dieu face la ven-

Discours de l'Accouchée.

geance des meurtres: car les Preuosts Criminels ne la font que pour de l'argent.

Mamie, c'est qu'il faut qu'ils se remboursent de la vente de leurs Offices, lesquelles anciennement on donnoit, & spécialement le Cheualier du Guet, le Preuost des Mareschaux, le Preuost de l'isle, le Preuost de la Connestablie, & autres de iustice criminelle, & tandis qu'on leur vendra, iamais ils ne feront rien qui vaille.

Le Messager d'Estampes fut l'autre iour vollé, de quatre vingt ou cent escus, comme il fit sa plainte, & qu'il demandoit que l'on courrust apres, le Preuost des Mareschaux luy demandoit cent escus d'aduance pour faire sa cheuauchée: mais luy voyant que c'estoit double perte, il a mieux aymé laisser la poursuite du vol, que d'en perdre d'auantage.

O Dieu, quel desordre, ie ne croy pas que le Roy sçai. he la moitié de ce qui se passe: car s'il le sçauoit, il y mettroit bon ordre, il feroit obseruer les Loix, à quoy seruent tant de Huissiers & Sergents, à faire montre au mois de May, & à piller le manant, tant de Preuost des mareschaux a faire pendre ceux qui n'ont point d'argent, tant de Iuges Criminels à bien prédre pour acquiter les debtes qu'ils contractent pour acheter leur Of-

Discours de l'Accouchée.

fices, tant de Commissaires du Chastelet, à prendre pension des garces, des maquerelles, des Boulengers, & de tous ceux qui vendent viandes, car à present il est permis de faire tout ce qu'on veut da.

Ie ne sçay si ces gens là enrichissent, & si leurs biens durent long-téps car mon Pere me disoit, ma fille le bien que ie te laisse viens de mes Peres & bis' ayeulz, & profiteront à tes enfans, s'ils sont gens de bien, & facent raison a la vesue & a l'orphelin, & qu'ils ne prennent rien qu'ils ne l'ayent bié gagné, c'est pourquoy (disoit il) on ne voit point de maisons des Financiers, d'anciens heritages: car quand ils sont bastir maisons, Fermes, Chasteaux, ils sont plustost hypotecquéez que couuertz, & plustost venduz qu'ils ne sont paracheuez, ou s'ils viennent a depérir les grâdes debtes sont cause qu'ils tombent en masure, dont c'est grand pitié de telle action.

Aussi vray Madame, a propos de cela, la pluspart de mes parens estoient Financiers, & qui estoient grâdement en vogue en leurs temps, & si i'ay este long-temps si beste que ie m'attendois a leur succession, i'auois mon oncle le Hou, premier commis de l'Espagne, mon cousin Regnault, Thresorier de l'extraordinaire, mon cousin Regnard Re-

Discours de l'Accouchée.

ceueur general de Paris, mon cousin Puget, les Bourderetz, les Saluancy, avec vn tas d'autres, ou il n'est pas resté du fil à lier vn boudin.

Il y en a bien d'autres, & Montescot, Sancy, Gerperny, Des rués, la Bistrade, & ce grand Fermier Louuet, vramy il n'y a point de faute de torcheculz sur leurs heritages: car il y a beaucoup de placartz, & ne se gay plus a qui on se fera.

Pour moy i'ay enuie de me mettre du party de celuy qui a entrepris le pont au double: car luy & ses associez sont de bons compagnons, ils ont trompé la Cour de Parlement & le public, ils ont fait semblant de commencer vn Pont de Pierre, qui n'acheueront aucunement, & ce pendant avec vn double de chascun homme, vn sol d'vn Carrosse, & de la charrette les tributz des vidanges qu'on y porte, l'impost du bois flotté, & autres imposts qu'ils prennent, ils tirent par iour plus de soixante liures, & sont plus que remboursez de leurs fraiz qu'ils ont faitz, & ce pendant font accroire que cela ne vaut rien, & continuent à prendre le iour & la nuit, & s'entendent avec les volleurs, qui a heure indue, pour vn escu de tribut, passent la riuiere.

Mamie, c'est faute de le faire entendre à

Discours de l'Accouchée.

Monsieur le Procureur general de la Cour, c'est vn homme qui n'entend point la raillerie, s'il le scauoit il y mettroit bon ordre, il empelcheroit bien que trois ou quatre partisans trompassent ainsi le public.

Vne bonne femme qui estoit commere de l'Accouchée, va dire, à vne sienne voisine, qui estoit proche du lié, qui escoutoit les discours de toutes les Dames de la compagnie, va dire de plein saut, qu'on y mettroit vn bon ordre deuant qui far vn peu de temps, & que c'estoit vne grand vrollerie de telle canaillés.

Toute la compagnie ne s'ennuyoit point de ces discours, & ce pendant l'Accouchée qui auoit enuie de piffer, pouffoit sa mere, pour donner congé à tous, & moy qui estoit en la ruelle, qui manquois de papier & d'ancre, ie me faschois de ne pouuoit tenir plus long registre de ce qui se passe, pour en diuertir ceux qui y peuuent mettre ordre, remettant le tout à vne autre Apres dinée.



DISCOVRS DE LA SECONDE
iournée, & uisitation de l'Accouchée, ou
toutes les Dames arriuent de
toutes parts, de la ville
de Paris.



Comme ordinairement aux maladies
froides & humides, la melancholie y
tient le premier rang, & que le seul re-
mede de dissiper tous ses nuages, c'est de
prendre vne heure de passe-temps pour se

Discours de l'Accouchée.

rasserener les esprits debilitéz & attenuéz
par la longueur de l'indisposition, & ayant
veu ces iours passez que i'auois repris vne
partie de mon embon-point, à attendre les
deuis recreatifs des femmes, qui estoient ve-
nuës visiter ma cousine, Accouchée depuis
peu, en la rue de Quinquempoix, ie me re-
solut, puis que l'occasion m'estoit favorable
& que tout auoit tellement reussi à mon ad-
uantage, d'y retourner pour la seconde fois,
esperant si le Caquet de la premiere Apres-
dinée m'auoit apporté quelque vigueur, &
quelque accroissement de santé, que les en-
tretiens gaillards de la seconde journée ne
m'apporteroient pas moins de force & de
soulagement à dissiper le reste de l'humeur
melancolique, que la maladie me pouuoit
auoir laissé imprimé en la puissance imagi-
natiue & consolation.

Il fut quelque temps depuis vne heure
iusqu'à deux, à uiscourir avec elle, sur diuer-
ses particularitez qui se presentoient, en fin
sur les deux heures on commença de frap-
per à la porte, cela me fit reserrer subilemēt
dedans la petite estude prochaine, qui res-
pondoit sur le cheuet du lit, d'ou ie pouuois
facilement voir & contēpler les actions des
femmes, & entendre leurs discours, la Chā-
bre bien parée, & les sieges dressez, la com-

Discours de l'Accouchée.

pagnie entre, chacun prend sa place, on sealue, & demeurent quelque temps sans rien dire, comme par ceremonies & respect l'une de l'autre, toutesfois comme les langues des femmes ne peuvent demeurer arreitées ny ayant rien de plus mobile qu'elles, vne Damoiselle proche la porte Saint Victor, s'aduanca de dire.

Vramy, mes Dames vous estes bien ceremonieuses, si vous arriuoit ce qui m'arriua l'autre iour, sur les onze heures du soir, deuant les Carmes deschauffez, vous ne parleriez iamais de ceremonies, i y fut entieremēt bruslée, c'est la raison pourquoy ie n'ay point deffait mon masque en entrant: car ie ne suis point encore refaite, ny guerie tout a fait.

Comment, ma cousine, respondit vne ieune mariée, estiez vous à ce feu, ie ne vit iamais vn tel desordre, ny tant de degastz, vn de mes freres y à eu aussi toute la face emportée, & n'y a encor aucune guarison.

Mais a quoy bon toutes ses superfluites, dit alors vne vieille à dentée, de mon ieune temps, ie nouiz point parler de Canoniser les Saints de la façon, c'est plustost les Canonner que les Canoniser.

Tout beau, tout beau ma Tante, dit vne Marchande de la rue Saint Denis, on en a

Discours de l'Accouchée.

bien fait d'auantage à Rome, ce sont des reuiuiffances publiques, il n'y a point de danger de faire quelques fois ces superfluites, quand on y est porté d'vne pure & sincere affection, & puis ce que les Carmes deschauffez en ont fait, ce n'a esté que par le commandement de la Royne, qui a fourny ceste despence. à cause que Sainte Therese estoit d'Espagne. Il n'importe, on y a plus offensé Dieu mille fois que de luy faire aucun honneur, dit vne Bourgeoise d'apres Saint Leu, ie vous promets pour moy que ie n'approuue aucunement ces choses, combien pensez-vous qu'il y ait eu de filles enleuées, tous les bleds des enuiron sont renuersez & bruslez, ils ont trouué le mois d'Aoust plustost que celui de Iuillet, pour moy dit la femme d'vn Aduocat du grand Conseil, i eusse esté d'aduis de mettre toutes ces superfluites à la decoration de leur Eglises, à tout le moins cela leur fut demeuré, & les eust on estimé d'auantage, sans faire euaporer tant de richesses en fumée, cela eust allumé le feu de deuotion dans le cœur de ceux qui les eussent visité, ou au contraire, tout l'air voisin & les chāps des enuiron ont esté embrasez de leurs fuzées, i'ay encores vn Colet monté à cinq estages qui en est entieremēt gasté, encor si

Discours de l'accouchée.

eut perdu tant de manteaux, tous les Escoliers y estoient en armes.

Mais ce qui est plus a rire ma commere, dit la femme d'un Procureur de la parroisse de Saint Germain, c'est qu'en allant à l'Eglise des Carmes deschauffez, i'entendit crier la vie & miracles de Madame Sainte Therese, i'en voulus acheter vne, afin de pouuoir gagner les Indulgences: mais comme ie fus retournée au logis, mon mary commença a lire, & fut estonné qu'on auoit attribué deux Peres a Sainte Therese, le premier, le Roy Dom Bermude, & le second Aloufe Sanchez de Cepede, il ny a peut estre personne d'entre nous autres qui yeust au cunement prins garde.

C'est peut estre la faute de l'Imprimeur, dit la femme d'un Libraire de la rue Saint Jacques, cela est excusable: c'est vne chose qui arriue souuent, on rapporta l'autre iour vn Liure a mon mary ou il y auoit autant de fautes que de mots. Vne femme du Palais que tout le monde cognoist assez bien, luy respondit, ma Commere il ne se faut pas trop esmerveiller, l'autre iour nous auions fait faire vn Factum chez vn certain Imprimeur, demeurant en l'Vniuersité, lequel est bon compagnon: mais ie ne vis iamais tant de fautes, car en tous les lieux ou il fal-

Discours de l'accouchée.

loit vn Vily auoit mis vn Y Grec, ie ne scay pas si c'est pour declarer à tout le monde que mon mary porte les cornes.

Porter les cornes, dit la femme d'un Conseiller de la Cour, il y a plus de dix ans que mon mary en porte, & qui l'accompagneront en fin iusques au tombeau, aussi bien a il desia vn pied dedans la fosse, rien ne luy seruira d'auoir vne barbe reuerende, & vne calotte a l'antique.

Tout beau ma cousine, dit la femme d'un Maistre des Comptes, il ne faut iamais scandaliser son mary, il faut empescher tant que l'on peut les mauuaises langues de mal parler, & principalement d'un bon veillard comme vostre mary, cela est mal seant, le bonhomme ny songe pas peut-estre, encor faut il porter quelque respect a sa barbe.

Mais a propos de barbe, dit vne de la rue Saint Honoré, ie vois quelques-fois passer vn Prelat, ie ne scay s'il est Euesque ou Archeuesque: mais ie ne vis iamais vne telle barbe, on dit qu'il est tous les iours pour le moins deux heures a la peigner & attiffer, il ny a point de ferrement assez a Paris pour la frizer, il en fait venir de la Prouince de Normandie.

N'en scauez vous que cela, dit vne Dame de la Cour, ie le cognois de nom & de

Discours de l'Accouchée.

furnom celuy dont vous parlez mais il fait bien d'auantage, il a esté si curieux qu'il s'est fait peindre en cinq ou six endroits de ceste ville, & a enuoyé des coppies de son portraict à Rome, pour rauir les Cardinaux de ja beauté de sa barbe, mon fils m'a dit l'auoir veu en plus de six endroits des peint dans la ville de Rome.

C'est de quoy le reprenoit dernièrement vn Abbé vestu de rouge, dit la vesue d'vn Maistre des Requestes: mais il ne s'en soucie pas beaucoup: car avec le temps il espere que sa barbe parlera Grec, comme celuy qui la porte, ho, ho, Grec, dit vne bossue, qui leu auoit la Bible, ce seroit pire que l'aine de Balaam qui parloit Hebrieu.

Vous auez leu la Bible, luy dit vne boiteuse qui estoit assise contre le pied du li&, à la verité madame, i'en ay leu quelque chose, quelques fois i'y passe vne heure de temps: mais est-ce à faire aux femmes à lire & manier vn Liure si hazardeux, qui tuë & occit tous ceux qui le veulēt expliquer & manier trop indiscretement, voila d'ou viennent tant de Ministres & tant d'erreurs que nous voyons aujourd'huy, qui tourne boulent, couppent, rongnent, & disposent de l'Ecriture selon leur plaisir, si est ce qu'ils ont beau feuilletter, on ne trouuera ja mais dans

Discours de l'Accouchée.

la Bible qu'il faille se rebeller contre son Roy, & se partialiser contre l'authorité de son Souuerain. La bossue alloit respondre: mais l'accouchée leuant vn peu sa teste, cependant qu'on releuoit son oreiller: mais dit-elle (mes dames) vous de distes rien de l'armée, n'y a il rien de nouveau, il y a long temps que ie n'en ay entendu aucun bruit.

La femme d'vn Courrier extra ordinaire de la rue aux Ours, prenant la parolle, ie reçeus (dit-elle) des lettres hyer au soir de la Cœur, par ou on me mandoit que tout succedoit entierement selon la volonté du Roy, les rebelles ne furent iamais si mal menez, Montauban est aux abbois, la Rochelle est enclose & fermée par Mer & par terre, il ne reste plus qu'à bien seruir sa Majesté, comme font quelques vns: mais il y en a d'autres qui veulent faire leur main, aussi bien que le Connestable deffunct, qui en vn iour mettoit dix ou douze mille hommes dans sa pochette, il y a de la tromperie par tout.

Tromperie (dit vne Sculptrice) de la rue Sainct Martin, mercy de ma vie, voila tous les iours deuant ma porte mille sortes d'inuentions & ruzes pour attraper l'argent du Roy, il ne suffit pas aux Thresoriers de gai-

Discours de l'Accouchée.

gner cent mille escus en vn an, ils veulent faire leurs commis Partisans aussi riches qu'eux, s'il faut mener vne voye d'argent a la Majesté, on prendra quatre cens hommes, a qui on donnera tous les iours vn escu ou deux pour gages, de sorte que deuant quel argent soit a l'armée, on trouuera (si on le veut bien conter) qu'il couste quinze ou seize mil escus a le mener, & cela se faiét tous les mois, encor si ceux qui conduisent les cheriots se contentoient pour cela: mais par ou ils passent ils ruinent & gastent tout, ie ne dis pas qu'il ne faille acompagner l'argent qu'on enuoye a la Majesté par vn bon nombre de Soldats: mais il y a moyen de les trouver a meilleur marché.

L'entendois l'autre iour chez Monsieur le Prince qu'il s'en plaignoit grandement, dit vne fille de chambre.

Aussi y a il de l'interrest, respondit sa sœur: car il est vn peu auaricieux, il à bien pris son temps, voicy vne belle occasion, ou il se garnira comme il faut, quand ie pense à ses liberalitez, ie ne peux me tenir de rire, il me souuient que i'estois vn iour à la Messe aux enfans Rouges, ou de fortune il arriua, & comme il entendoit chanter vn Saluè, il demanda à celuy qui chantoit combien il prenoit, dix huit deniers (Monsieur) luy res-

Discours de l'Accouchée.

pondit-il: car il ne le cognoissoit pas, tât son train est grand, tien dit-il chante en vn pour moy, ie te donne trois solz, n'estoit-ce pas se mettre en grand frais.

C'est a faire a Monsieur de Soubize, dit vne autre (qui estoit fraichement reuenue de Poiétou) de se mettre en frais, il y entra iusques aux reins, & sās son cheual qui estoit fort & massif, il y eust entré pour iamais, aussi la-on placé & enrollé dedans la Chronologie & le Martyrologe des rebelles, qui est grossi depuis vn an en ça, de trois volumes entiers.

Vne certaine de Languedoc, va dire on n'a garde d'y mettre Monsieur de Rohan, ny de l'enchroniquer si auant dans les Annales: car il ne s'est iamais trouué aux meslées, il sçait mieux escrimer de l'espée a deux iambes, que d'vne picque, ne la-il pas faiét paroistre a Sainct lean d'Angely, & en tant d'autres lieux: ou la pol tronnerie la signalé par dessus tous ceux de son party, & pour Monsieur de la Force, il a ioué vn tour de son mestié: car quand il a veu qu'il estoit forcé, & que toute sa force auoit perdu sa pointe deuant Thonis, Clerac, & autres lieux, il s'est rendu quasi comme en reculant, & a attrappé de bon argent.

Il ne le tient pas encores, dit vne grande

Discours de l'Accouchée.

Dame) qui a esté mariée depuis peu, à vn homme de soixante ans, ie sçay de bonne part qu'il n'a encores rien touché, sinon la promesse que Monsieur de Chomberg luy a faicte: mais il faut qu'il face voir les effets de la sienne auparauant.

Pour mon regard (dist alors vne Marchande du Palais) c'est vne estrange chose que nous ne faisons plus rien, il n'y à plus de curiosité à Paris, depuis que le Roy est party, nous n'auons fait aucun traficq, la Boutique qui souloit estre remplie, est vague, les courisans & la Noblesse s'en sont allez avec le Roy, de sorte que nous perdôs infiniment, & encores qui pis est, les louages des Boutiques nous ruynent.

Comment louages, respondit vne Gantiere, de dessus le Pont nostre dame, vraymy vous deuez bien vous plaindre, ie ne sçay comment on y met ordre, il ny à pas vn petit trou sur le Pont depuis le bruslement & l'incédie du feu, qui arriua en Octobre dernier qui ne soit rehaussé de moitié, nous ne gagnons pas le louage de nos chambres, encores depuis que la mode est venue de porter des Gans à l'occasion & à la negligence, toute la marchandise que nous auions à la Guimbarde à perdu sa vente, & n'est plus en credit: mais patience puis que c'est

Discours de l'Accouchée.

la mode il faut viure à l'Occasion.

Sur le mot de mode & d'Occasion, vne ieune Bruue te qui vend de l'ancre nouuelle sur le pont. Hélas! dit elle mamie, c'est bien à nous à faire à nous plaindre des destins si cruels, & à viure à l'Occasion, la fortune nous a bien tourné le dos, depuis que le Roy est party, nous n'auons pas gagné vn Teston en nostre Boutique, si ce n'estoit le petit traficq que nous faisons au logis, ie ne sçay comment il nous seroit possible de viure, ce n'est pas faute de Marchands, nostre Boutique en est tousiours assez garnie, vous y en trouuerez tousiours trois ou quatre: mais leur bourse est si sterile, qu'il n'y a point moyen de tirer n'y arracher vne pistolle d'eux.

Sa sœur alloit aduancer quelque propos: mais sa mere interrompant son discours, bien que d'un front ridé, dit ces parolles, mes enfans il faut prendre patience, nous sommes en vn temps miserable que le vice à tellement prins pied dans la nature, que la vertu s'en est bannie & exilée d'elle mesme, on ne parle que de coupeurs de bourses, que de Grisons & Rougets, & mesme c'est vne chose estrange que les Archers qui deuient empescher le desordre, au lieu d'y prendre garde, s'endorment & s'assoupif-

Discours de l'Accouchée.

sent sur la venaison.

Et moy dit vne ieune Marchande, d'au-
pres le chastelet, qui dès le lendemain de ses
Noces a Emmoylé & Acteonisé son mary,
le placeant dedans le Zodiacque, au Signe
du Capricorne, arriue ce qui pourra, ie ne
peux plus mâquer, il ne m'en chaut que nous
ayons paix ou guerre, ie suis assuree sur vn
bon & ferme pillotis, & mesme mes enfans
ont des Benefices dès l'instant de leur con-
ception, & deuant que l'emprion soit formé.

Ie ne m'estonne plus pourquoy les fêmes
ont tât de mala se descharger de leur fruit,
dit la mere de l'Accouchée, veu & confide-
ré que leurs enfans sortent hors d'icelles a-
uec la Grosse & la Mitte en teste, mes enfãs,
repliqua la Marchande, n'ont ny Grosse ny
mitte: mais i espere, que celuy enqui i'ay mis
ma confiance en aura bien tost vne, à tout le
moins on m'a dit que l'Euesché est en grand
bransle, & qu'il sent fort la refinee, si cela est
ie vous laisse à penser du succès de mes af-
faires, & comme ie m'accommoderay, pour-
ueu qu'il me face tousiours participante de
ses bonnes & meilleures affections, & de sa
faueur.

Mais vous n'en diètes mot de la faueur,
dit vne fille de chambre, qui aymoît bien a
parler des affaires d'Etat, ne parlez point

Discours de l'Accouchée.

de choses qui nous sont indiferentes, re-
pliqua sa maistresse, les murailles ont des o-
reilles: on ne sçait quelque fois deuant qui
on parle, il est vray, Madame, dit la femme
d'vn petit Aduocat du Chastelet, on me di-
soit l'au-re iour qu vne hōneste compagnie
estant venuë veoir Madame l'Accouchée vn
certain quidam tenoit Registre de tout ce
que la compagnie disoit, & qu'il estoit der-
rier son list.

Ce qui ne tourne qu'a nostre des aduanta-
ge: car chascun nous appelle caqueteuse, si
d'auenture il y estoit maintenant, nous luy
deurions donner son change, & moy qui en-
te ndoit toutes ses plainctes, ie me resiouif-
fois de n auoir pris ma premiere place: car
sans doute on m'eust fait vn affront, affront,
Nostre Dame, dit alors vne Damoiselle de
remarque, parlant a l'Accouchée, y auroit il
bien quelqu'vn si hardy que de nous iouer
ce tour la. Ie vous prometz, Madamoiselle,
que cela n'est aucunement. Vne vieille ri-
dee alors se leua & dit, ie vous iure Sainte
Frigide, dit elle, que i'en sçauray la verité
tout de ce pas, & entra en la ruelle du list, ou
elle trouua le nid vuide: car l'oiseau s'ē estoit
enuollé & n'estoit plus là, & moy qui m'es-
clattois de rire, ie ne peus jamais mettre en
ligne de compte tout ce que deux ou trois

Discours de l'Accouchée.

Bourgeoises se disoient en l'oreille La la, Madame, en bonne compagnie il ne faut rien celer, est ce de la faueur que vous parlez. Comment parlerions nous de la faueur, il ny en a plus. Il y a deux ans que le feu Connestable faisoit bien ses affaires deuant Saint Iean d'Angely, dit l'autre, il auoit la Solde pour quarante mille hommes, & n'en entretenoit pas vingt cinq mille. C'est la cause qu'on n'a pas pris Montauban l'année passée, ma commere, il n'auoit pas seulement dix mille hommes l'auant, n'est ce pas vne vollerie: mais il à trouué le terme de ses pilleries dedans Monheur, ie voudrois que vous eussiez veu la Prediction du Curé de Mil mont sur ce subject dit la femme d'un Astrologue de l'Vniuersité, vous l'eussiez admirée, il y a bien dix mois qu'il l'apporta en nostre logis, elle estoit ainsi.

Quand L. sera changée en R.

Et Loyys changé en vray Roy,

Lors nous verrons ce vice-Roy,

Ce Connestable de Luynes,

Qui s'esuanouira en L'air,

Et sera changé en Ruyne.

Iamais il ne fit Prediction plus certaine: mais de ses deux freres on n'en parle plus, que font-ils? Lors la femme d'un certain Secretaire porte callotte, dit Madame, de-

Discours de l'Accouchée.

puis que la teste est a bas, tout le reste ne vaut plus rien.

Ie l'ay bien remarqué en nous, depuis la mort de feu Monseigneur le Connestable, nous y perdons plus de cent mille escus, ses deux freres n'y perdent pas moins, il y en eut vn l'autre iour qui pensa mourir a Saurmur de despit, il voulut iouer en trois raffles avec vn certain de la cour: mais le malheur il ne sceut amener qu'une raffle de quatre, & l'autre luy donna vne raffle de cinq, aussi il ne faut iamais s'adresser à des Marechaux ils sont du naturel des cheuaux ils ruent. Mamie, dit vne dame de la cour, la decadence de l'un est l'esleuement de l'autre, le Marquis d'Ancre est tombé, Luynes a pris sa place, Luynes est tombé pour trois Pelerins qui alloient en Emaü, on vit aussi tost naistre quatre Euangelistes dans le conseil: maintenant on ne fait plus rien que par l'aduis de Monsieur le Prince de Condé, c'est le resort de la guerre: mais le Roy commence a s'insérer dans les affaires plus auant qu'il n'auoit encor fait, luy mesme il veut assister a tout ce qui se delibere, cela sera cause que plusieurs n'oseront desrober si hardiment que l'an passé, dont dieu en soit loué.

Vne femme de Thresorier d'aupres l'Hostel de Guise, voulant mettre son nez en

Discours de l'Accouchée.

ceste caute, arriue dit-elle ce qui pourra, Monsieur de loinuille ne s'en soucie pas, il est maintenant remplumé, il à l'Oiseau avec les plumes, qui le fait beau veoir avec les Diamans du Connestable, comme il se rit du soing & traual que ce pauvre deffunct a eu d'acquerir tant de richesses. On luy demandoit l'autre iour quelque dette, qui sur le Registre estoit dés long-temps, ouy da, dit il, il est raison que ie vous paie, ma femme (oultre son bien) me donna cent mil escus, pour paier ses debtes.

Que voulez vous ma commere, dit vne Rousse du mesme quartier: ainsi va la fortune, l'vn monte, & l'autre descend, pour moy ie ne l'ay iamais esproouée favorable à mes desirs, i'ay dix enfans en nostre logis, dont le plus grand n'a que douze ans, il me met hors du sens, i'auois fait venir vn Pedan de l'Vniuersité pour le tenir en bribe: mais il y perdu son Latin, ils seront en fin contrains d'aller demander l'aumosne, si le temps dure.

Il est tant de pauures maintenant, dit vne Bourgeoise de qualité: que nous en sommes mangez, ie ne scay comment on ne fait pas vn Reiglement sur le desordre: mais ceux qui ont la charge des Bureaux sont biés aysez de pescher en eau trouble.

Discours de l'Accouchée.

Il y à vn moyen tres facile d'y remedier, dit la vefue d vn Escheuin: Du temps que mon mary estoit en charge il y voulut apporter vn expedient moyen: mais les gros bônets ny voulurent iamais songer.

Premiere nent, ou les pauures sont impuissans ou in habilles à faire quelque chose, si impuissans des bras, il les faut employer aux reparations de la ville, ils ont bon dos, si impuissans des iambes, il les faut mettre en vn lieu a part & leur apprendre a trauallec des mains s'ils peuuent faire quelque chose, a quoy est bon tant de gueux par les rues, merci de ma vie i en parle comme scauante: car dernièrement ils me penserent voler en mon logis, il seroit bon d'y remedier pour les vieux. A quoy sert de nous cottiser & taxer pour les pauures enfermez, si on ne les y enclos, chacun approuoit assez son dire? Quand vne Tauerniere de l'Vniuersité se leua, ce n est pas tant aux gueux qu'il faut prendre garde, dit elle, qu'à vne infinité de vagabonds & courreurs de nuit, qui desrobent, pillent, & destrouffent mesme tous nos Marchands ordinaires, & qui pis est, ils empruntent le nom des Escoliers, & font semblant d'estre de leur Caballe, mon mary y pensa perdre la vie l'autre iour, pres des Cordeliers.

Discours de l'Accouchée.

Mais on ne parle plus des Cordeliers, dit vne vieille de la Parroisse de sainct André, on ne sçait plus quel party ils tiennent, on y cognoist plus rien. il y a en cor quelques vns qui portent des souliers fendus: mais ie crois que c'est plustost pour la chaleur que pour l'austerité, ou le bon desir qu'ils ayent de reprendre la forme: car ils ont desia la plus part quitté le manteau.

Tout beau Madame, dit vne deuote, qui estoit en vn coin, il ne faut iamais mal iuger de son prochain, il y a encor de fort bós Religieux la dedans, ne sçavez vous pas qu'on voit tousiours quelque grain de zizanie parmi le Froment, il est impossible autrement: car on ne recognoistroit pas les bons d'avec les meschans, ne le vice de la vertu, ny le blanc d'avec le noir.

Ie ne plains en cela que le pauvre Pere General, dit la femme d'vn Aduocat de la cour, de n'auoir peu faire entheriner ses lettres au Parlement, mon mari y a trauaillé en ce qu'il a peu, & toutes fois il n'a rien effectué, n'est ce point vne chose estrange, que ce bon Pere qui est l'humilité mesme, & le miroier ou tous les Religieux de son ordre deuroient bien mouler leurs actions, aye tant prins de peine & de trauaux de venir en France, pour trouuer ses enfans Re-
belles

Discours de l'Accouchée.

belles, ie ne tçay pour moy ou le monde du iourd'huy à l'esprit.

Vne de la rue Sainct Anthoine, qui n'auoit point encores parlé, oyant discourir d'esprit, dit par Sainct Iean Madame, ie vas vous raconter le plus plésant conte que iamais vous ayez entendu d'vn esprit: (mais il estoit domestique & familier.) Vn bon compagnon depuis quinze iours en cà, s'est mis en la ceruelle de faire l'esprit: de sorte qu'il espouuentoit tous les petits enfans de nuit, ce pendant il disoit au maistre du logis que l'esprit s'estoit apparu a luy, & qu'il failloit faire faire vn seruire d'vn costé, & vn pelerinage de l'autre, on luy fournissoit l'argent, dont il s'accommodoit fort bien, en fin il pria vn iour son Maistre de le laisser coucher dedans son Estude, & qu'infailliblement il feroit en sorte par ses inuentions que l'on entendroit plus d'esprit, ce qu'il fit: car estant dans l'Estude il prit huit cent liures a son Maistre, & depuis on n'a point ouy parler d'esprit.

Il n'y a pas long temps que la mesme chose arriva en nos quartiers, dit vne femme d'apres Sainct Jacques de la Boucherie: mais l'esprit ne peut ionc si bien son personnage que celuy dont vous parlez: car il fut mené prisonnier au Chastelet.

Discours de l'Accouchée.

Sainte Barbe, n'en sçavez vous que cela, dit vne femme du faux Bourg S. Germain, vramy on en dit bien d'autres en nos quartiers. on tient qu'il reuiet vn esprit dedans les Carmes deschauffez, ie ne sçay si ce n'est point celuy qui s'est faict enterer dans son Jardin.

L'autre iour la Royne en voulut sçauoir des certaines nouvelles, elle y enuoya vn Gentil homme, qui sur ce subiet fut prié de disner au Refectoir: mais il n'eut pas le loisir de mager: car l'esprit (bien qu'inuisible) luy deschira son collet & son pourpoint, n'est-ce point aussi la Deesse Ceres, qui est sur l'Eglise des Carmelines, qui demande ses interrests sur les bleds & les terres qui ont esté gastées dernièrement, dit vne du Fauxbourg Saint Michel.

Madame n'a pas trop mauuaise raison, dit vne fille qui auoit les passe couleurs: car comme on a desia dit, il y eut vn grand degast, & encore toute ceste esteudue appartient à de pauures particuliers, qui estoient desia assez en disettes, sans souffrir ceste perte, vous sçavez qu vn escu a vn pauure, qui en a besoing, vaut autant que mil escus à vn riche, qui n'en a aucune indigence, on tient que les Chartreux deffendront leur cause: car les terres des environs ou fut fait ce degast leur

Discours de l'Accouchée.

appartiennent, c'est leur propre.

Ie vous respond, ma Commere, dit la femme d vn Clerc, quand ils se mettoient en procez, ie ne sçay si l'affaire leur succederoit selon leur demande: car tout est auourd'huy corrompu, l'argent faict tout, il y a tant de tours de souplesse entre ceux qui plaident, tant de destours, tant d'ambiguité, tant de labyrinthes & faux-chemins, qu'il est bien difficile de paruenir au vray Temple de la Justice, on ne faict maintenant trophée que de tromper son prochain, tel qui auourd'huy vous montre vn beau visage, qui en son cœur vous voudroit auoir mangé iusques aux os.

Et vous Madame à ce coin, vous ne dites mot, dit vne ieune femme de la rue du Coq, il semble à vous veoir que vous ayez de la tristesse, n'est ce point qu'on vous a mariée contre vostre volonté, elle parloit à vne ieune femme de la rue Saint Honoré, qu'on auoit mariée depuis peu, mal-gré l'inclination qu'elle auoit a vn certain vendant vin, de peu d'effect, qui est venu tout en vne nuit, comme les Pourrons, il a pourtant des commoditez de son defunct oncle, il peut en bref vous faire grande Dame: car plusieurs montent auourd'huy de la Caue en la premiere Chambre, vous ne dites ia:

Discours de l'Accouchée.

mais rien plus vray, Madame, il a des moyens a la verité; mais vous qui estes toute fraische, vous sçavez bien que ce n'est pas la la consequence, les premiers feux sont toujours plus cuisans, & les flammes plus poignantes que les derniers. car j'aymois vn de nostre vacation.

Comment, ce dit vne de ses anciennes voisines, vous auez donc aymé quelque autre, qui vous auoit preoccupé le cœur deuant le mariage, ouy Madame, mais la consideration des biens a aueuglé mon Pere & ma mere a me faire embrasser vn party ou iamais ie n'auray d'affection.

La, la, Madame, dit vne autre, vous estes dans les biens iusques aux yeux, cela vous doit porter a passer vostre printemps parmy les delices du monde.

Si nous auons du bien, repliqua elle, nous ne l'auons pas acquis, encores nous faut-il soustenir de grâds procez des heritiers pour l'vsurper: mais a tout le moins il se faut resoudre, tout ce qui est bon a prendre, (comme on dit) sera bon a rendre.

Encore vaut il mieux faire restitution que de se laisser excommunier, dit vne vieille qui auoit faict son temps: Mais que diriez-vous d'une rencontre, ou ie me trouuay l'autre iour, dit vne Sage femme.

Discours de l'Accouchée.

Vne certaine loüaliere, soubz l'esperance qu'elle auoit d'une succession, accoucha de deux enfans mais c'est bien le pis qu'ils ne partageront aucunement, sinon que quatre mille francs de don, dequoy elle se doit contenter.

Ie vous laisse a penser combien le pere est fasché maintenant, d'auoir si fort auancé sa besongne, il pensoit tromper les autres, & il s'est trouué trompé luy mesme.

Voyla mon conte, dit la premiere, pour le iourd'huy on ne tasche que d'enuahir le bié d'autruy, n'auz vous point ouy parler des Peres de l'Oratoire, qui ont faict mille tours & Ambassades, pour s'instaler dans Saint Louys de Rome, disant que cela leur appartenoit.

I en ay ouy quelque mot en passant, dit la femme d'un certain Italien, de la rue Saint Honoré: mais on dit qu'ils vouloient banir & chasser tous les pauures Prestres François qui se retirent en ce lieu, pour y prendre leurs places, & en receuoir les vsufruis: voyla comme ils font dans Saint Honoré, ils veulent supprimer toutes les Chanoineries, dit vne autre, & s'installér en leurs places, affin qu'au temps aduenir ils ayent tout le reuenn: mais ils en pourront bien torcher leurs bouches, aussi bien que six mille

Discours de l'Accouchée.

escus de rente, qu'ils pretendoient d'auoir a Rome en l'Eglise S. Louys.

Mon mary me contoit l'autre iour la plus belle plaisanterie du monde, dit la femme d'un Conseiller, quand on les va veoir, ils font apporter vne Carte.

Messieurs (disent ils) voicy nostre plan; voila le grad Antelicy sera la Sacristie, voila les Chappelles, ouy: mais mon Pere vous n'aurez gueres de veue de ce costé la, nous auons bonne veue, Monsieur, il ne nous faut point de Lunettes, pour veoir les Benefices, voicy la Chappelle de Monsieur vn tel, voyla celle de son frere: mais qu'y font toutes ces petites entrées que ie vois dans vostre plan, ce sont des Oratoires, Monsieur, a chaque Chappelle il y en aura deux, cela costera a la verité: mais les bonnes gens nous ayderont, Monsieur vn tel, nous baille cinq cens escus pour sa Chappelle, l'autre autant, & son Cousin autant, pour les Oratoires, on ne les vend que deux cens escus, & ainsi ma Commere, tout leur bastiment est payé deuant que d'auoir fait les fondemens.

Si est ce pourtant que ie les trouue bonnes personnes, dit vne autre, ils sont si doux, si affables, il semble à les veoir que la courtoisie soit peinte dans leur visage, ie n'en

Discours de l'Accouchée.

vais pas au contraire, respondit la Conseillere? ils sont tres pieux, & tres deuots, il est permis a tout le monde de songer a son profit.

Ie voudrois que leur Eglise fust deshabitee, il ny a rien que i'affectionne tant, que d'ouir leur musique, & leur chât melodieux, ce n'est qu'en forme de recreation ce que ie dis, & ne crois point les offencer, ny personne de la compagnie.

Sur ce mot de compagnie, on commença a entendre vn bourdonnement par la chambre, les vnes disoient qu'elle entendoit parler des Peres de la Societé, les autres en parloient ambigument a l'oreille, de sorte qu'a peine pouuois ie entendre ce qu'elles disoient, vne entr'autres releuant ceste assistance, comme assoupie en ces discours, & extrauaguée tantost deça, tantost delà, reprit la parolle pour Madame l'Accouchée: mais vous ne dites rien (dit elle) de Madame, la voila desormais guarie & en bon point.

Elle n'en aura que le mal avec le temps, respondit la mere, encore est ce plaisir que d'auoir de beaux enfans, qui ne sont point contre faits ny deffigurez, cela apporte vn tres grand contentement tant au pere qu'à la mere.

La beauté externe du corps. dit vne au-

Discours de l'accouchée.

tre femme d vn certain Aduocat, qui faict le Philofophe) est fouuent le figne de la beauté de l'esprit: car lame qui est de foy capable de tout fçauoir & de tout comprendre, fait des effects bien plus admirables, quand elle se retrouue en vn corps bien organisé, & qui a ses parties mieux disposées a exercer ses fonctions.

Hola Madame, ne passez pas plus outre, dit vne vieille Chapperonniere a l'antique: car nous n'entendôs point la moitié de vostre discours, il n'y a personne en la compagnie qui entende & puisse comprendre des choses si hautes & releuées, sinon Madame qui est a ce bout: car elle a leu Calvin, Clement Marot, Beze: & vne infinité de grands Philofophes.

Mercy de ma vie (dit-elle) ouy ie les ay leuz, qu'en voulez vous dire, vieille sans dents, la compagnie alors se retourna pour la veoir: car la colere luy estoit montée au visage, & luy auoit marqué le front d'vn vermillon empourpré, n'est-ce pas vne estrange chose (dit elle) qu'on en veut tant à nostre pauvre Religion, on nous appelle des libertains, cruels, accariabres, imposteurs, semeurs de zizanies, la peste des Estats, & l'origine de tous les malheurs, qui ont inondé par toute la France, & toutes-fois il

Discours de l'Accouchée.

n'y a rien de plus simple que nous, nous ne demandons que la paix, nous ne cherchons que concorde & fraternelle amitié, tout nostre but ne tend qu'à la reformation.

Par le vray Dieu, c'est bien a faire a vous a nous reformer, dit la vieille, il y a douze cens ans que la France a quitté son erreur, pour s'enroosler soubz les drapeaux de la vraye Eglise, & aujourd huy vne femme voudra la reformer, il ne faut qu'vn Calvin, qu'vn Luther, & deux autres Moynes reniez & Apostats, pour faire refleurir l'ancienne Maiefté de l'Eglise.

Vn petit chien qu'une certaine Damoiselle de la rue Saint Paul portoit pour pafsetemps, entendant parler de Calvin, leua sa teste croyant qu'on l'appellast car c'estoit son nom, ce qui fut assez remarqué de la compagnie: mais sa maistrresse le referra desous sa cotte, de peur de faire des honneur aux Saints.

L'autre ne discontinua pas pourtant son discours, & venez ça (dit elle) m'amie si vous voulez parler avec verité, & sans passion, d'ou sont venues toutes les guerres ciuiles qui ont miné & deserté toute ceste Monarchie, depuis quatre vingt ou cent ans, vostre Religion n'a elle pas allumé le feu aux quatre coins de la France? n'auons nous

Discours de l'Accouchee.

pas veu (au moins mon pere me l'a dit cent fois) depuis l'aduenement du Roy Henry second a la Couronne iusqu'à maintenant, tout ce Royaume boule-uerfé de fonds en comble pour vostre suiet?

On vous a veu naistre tous armez comme les Gens d'armes de la roison d'Or que la son deffit, a peine eustes vous succé la doctrine impie de Calvin & de Luther, que vo⁹ minutastes dés lors la ruine de ceste Couronne, n'avez vous pas fait des estranges extorsions, ou vostre fureur & rage a peu auoir le dessus? combien de Prouinces, de villes, de bourgades & de bonnes maisons ont esté ruynées par vos partisans, la Guyenne, le Languedoc, les plaines de Iarnac, de Montcontour, de Dreux, & vne infinité de fleuves sont encote empourprez de sang: & iamais toutes fois la fortune ne vous à esté favorable, en toutes les rencontres & batailles, qui se sont données contre vous, le Ciel n'a iamais secondé vos monopolles, vos gens y ont tousiours laissez les bortes, & auioird' huy il y en a entre vous de si acharnez, qu'ils en recherchent les esperons, il s'agissoit alors de la Religion, c'estoit à vous à vous deffendre: mais maintenant le Roy veut proteger ses suiets en paix, souz autorité de ses Edits, il ne demande que l'entrée

Discours de l'Accouchée.

de ses villes, & ne requiert autre tesmoignage de l'affection & de l'hommage que vous luy deuez, que l'obeyssance en tous les lieux qui sont du ressort de son Domaine; ceux de la Religion luy ferment les portés, font des assemblées & monopoles contre sa volonté, portant opiniastrément les armes contre son seruice, tranchét du Souuerain en leurs factions, disposent des prouinces & deniers Royaux, constituent des Gouverneurs ou beau & bon leur semble, & partage tout ce Royaume à leur volonté.

Bref, se persuadent que la France ne doiue plus respirer que par leur moyen, vous voyla tantost à la fin de la carriere, le Roy tient le haut bout, plusieurs en bref viendront collationner en Greue, pour aller foupper en l'autre monde.

Elle disoit ces parolles d'un cœur enflammé pour le seruice du Roy, qu'elle voit estre prophané par telles gens, d'autre costé l'autre qui auoit la bouche ouuerte pour luy respendre, confuse de la verité, luy alloit chanter iniure, si la compagnie ne l'eust retenue, vne entre autres pensant mettre le hola, elle monstra de qu'elle estoiffe estoit sa robbe, ce n'est point, dit elle, aux femmes à se mettre si auant aux affaires, & principalement ou il y à de la Religion: car outre que nostre sexe

Discours de l'Accouchée.

est imbecile, à proposer les raisons de part & d'autre, nous nous laissons incontinent emporter à la cholere, & si du Moulin estoit icy, peut estre qu'il deffendrait le party de Madame.

Du Moulin, dit la femme d'un musnier, c'est un grand Docteur, il quitte la Bergerie & les oüailles au temps de la persecution, vray voyla bien tout comme il faut faire, au lieu de soigner au troupeau que le Seigneur luy a donné en garde, il s'enfuit pour couter les coups, Calvin ny Luther ne faisoient point cela, du temps de la primitive Eglise.

Que voulez vous dire, dit une Damaioiselle iouialle, c'est un moulin qui tourne à tout vent, il a veu qu'il n'y auoit plus rien à moudre à Charenton, il a quitté la pratique & a pris ses aisles pour s'enuoler à Sedan.

Et comme on estoit sur ce discours, voicy une nouvelle compagnie qui entre, on s'estonna de les voir si tard, & principalement l'Accouchée: d'autant que le temps approchoit qu'elle desiroit congredier l'assistance: ce fut icy qu'on recommença les reuerences à ma cousine, elles parloient à l'Accouchée, nous venons du Landy, ou nous n'auons pas veu grâdes raretez, ie vous assure que les Marchande ny gagneront pas cha-

Discours de l'Accouchée.

cun dix mil escus.

Si est ce pourtant qu'il y en a quelques-uns qui y font bien leur besongne, dit une Gantiere, on fait d'aussi bons coups au Landy qu'à la Foire Saint Germain, repliqua l'autre, les ieunes gens font des parties avec leurs Maistresses, & sont bien aydes d'avancer la besongne deuant le mariage, de peur d'estre renuoyez à la Cour des Aydes, demandez en vostre aduis à deux ieunes Marchâdes d'aupres Sainte Opportune, nous les auons veuës faire leur quinzetours dans Saint Denis, puis elles sont allées acheuer le reste de leur voyage dedans le bois de nostre Dame des Vertus, où ie me recommande.

Ainsi va le temps d'aujourd'huy, dit la mere de l'Accouché, les filles donnent tant de priuantez aux ieunes gens, que bien souuent ils empruntent un pain sur la fournée, & puis quand quatre mois apres le mariage, que Madame vient à accoucher, c'est lors a se plaindre entre nous. hélas! ma pauvre fille n'a point porté son fruit à terme, elle a fait quelque effort, & tous les efforts que elles font, c'est qu'elles marchent quelquefois sur la platte d'une Orange, & glissent dedans un lieu infame, plein d'infection & d'infamie.

Discours de l'Accouchée.

Il y en a qui ne sont point en ceste peine (dit vne Dame d'honneur :) car dès l'age de six ans, ils placent leurs filles en Religio, sans scauoir si elles y sont propre ou non, dont bien souuent il faut sauter les murailles

Aussi vray, Madame, dit sa voisine, vous ne rencontrastes iamais mieux, la plupart le font pour agrandir leurs maisons, les autres pour des considerations particulieres: mais tout en general, & les parents, & les Religieuses ne songent qu'à leur profit.

Pour faire bien maintenant son profit, dit la femme d'un certain Recepueur, il se fait associer avec ceux qui tiennent la ferme du Sel, & avec les Commissaires de guerre, les premiers font leur profit, & desrobent par mer, & les autres pillent & volent par terre on fait passer des Batteaux chargez de Sel, soubz main, & puis ils font bien les recherches.

Et d'autre costé, les Thresoriers & Commissaires de guerre sont en saison, si il leur faut faire vn payement de deux ou trois mil liures, Monsieur, diront ils à vn Capitaine, nostre argent n'est point encor arriué, il vous plaira auoir vn peu de patience, l'autre qui est pressé le quitte pour la moitié, & par ainsi Monsieur le Thresorier se trouue aussi ri-

Discours de l'Accouchée.

che tout seul, que ceux à qui en general il aura fait son payement.

Vne vieille edentée, qui estoit fort proche du lit, se resueillant en surfaut, commença à dire, mes Dames, ce n'est pas d'aujour d'huy qu'il y a de la volerie parmy le monde: car deffunct mon mary qui estoit autrefois Capitaine d'une compagnie, & qui auoit beaucoup de suite apres luy, on luy en faisoit bien de mesme: mais mercy de ma vie il en a bien tiré sa raison, car estant de retour il fut trouuer Monsieur le Commissaire vn tel, lequel luy donna l'allée & le venir pour sa récompense de sa tricherie de telles actions, ce qui fut la cause qu'il nous fallut vendre le plus beau & le meilleur de nos heritages, pour suruenir à nos necessitez.

Pendant ces discours le temps se passoit, la Nourrice eust bien desiré de dire vn mot deuant que de partir: mais sa Maistresse la remit à vn autre iour, & pria sa mere de cōgедier la compagnie, ce qui m'apporta du contentement, attendu que l'ancre & le papier venoient a me mâquer, c'est pourquoy ie remis le tout a vne autre fois.



DISCOVRS DE LA TROISIESME iournée, & uisitation de l'Accouchée, ou toutes les Dames arriuent de toutes parts de la ville de Paris.



DEpuis hyer i'ay appris d'un certain Medecin de mes amis, que les portages blancs estoient grandement profitables aux Accouchées, & que l'on ne pouuoit leur apprestter aucun assaisonnement,

Discours de l'Accouchée.

ou viande plus propre, d'autant qu'elles ont besoin de restringens propres pour arrester le grand flux qui arriue aux femmes lors de leur accouchement, outre qu'il est besoing de les resserrer: ce qui me fit songer aussi tost a ce que i'ay ouy dire d'un bon drosle que le iour de l'accouchement de sa femme il s'escrioit deuant la porte de sa maison, largesse, largesse. le fis mon profit de ce que me dit le Medecin, pour dire le lendemain a ma Cousine, que ie fut visiter, pour pouuoir escouter tout ce que celles qui la uisiteroient rapporteroient, tant des affaires particulieres de leurs maisons, que celles de dehors, & mestant rendu au logis a l'heure accoustumée ie vis l'Accouchée, laquelle n'estoit point trop contente de la uisite qu'elle auoit eu le iour d'auarant, d'autant (disoit-elle) qu'il pourroit sembler a la compagnie, que pour luy faire moins d'honneur l'on y auoit fait entrer & trouuer des fruitieres, & autres femmes de basse & vile condition, & plusieurs racailles qui estoient si impudentes & effrontées que de parler avec des femmes de Messieurs des Comptes, des Secretaires, des Thresoriers, & autres gens de grande qualité.

Après luy auoir dict ce que i'auois appris de ce Medecin, ie me placay dans le Cabi-

Discours de l'Accouchée.

net qui est au cheuet du liét, & me mis là, en estat pour escrire, & songeant a ce que ie commencerois, la femme d'un Commissaire de guerre, qui porte l'atour de Damoiselle, cōbien qu'elle soit cousine germaine de M. I. G. entre, & apres auoir fait la reuerence assez bien: car elle est Courtilane il y a fort long temps, s'assit & dit que le temps estoit fort inconstant, & que le bon-heur luy auoit bien voulu depuis vn an en ça, pour autant que son mary auoit eu du subiect de reuenir de la guerre. ayant eu les iambes cassés, ou il faisoit assez bien ses affaires: mais que pour ce subiect il estoit dispensé de seruir, & ne laisseroit de receuoir ces gages de par deça, tout ainsi que s'il y estoit.

Pour moy, dit l'Accouchée, ie crois que c'est vn conentement, quand estant dehors d'exercice on est bien payé, veu que pendāt iceluy on a toutes les peines de l'estre des Thresoriers, qui font passer tant de passeuolans, que c'est merueille, & en disant qu'ils n'ont point d'argent, font faire composition ordinairement à la moitié, à la confusion du pauvre Soldat, & au grand profit de Monsieur le Thresorier.

Veritablement Madame, dit la Damoiselle, vous auez touché au bur, car cela est vray, ils font bien pis, ils font à toute hē-

Discours de l'Accouchée.

re croire au Roy qui n'y a point d'argent en ses coffres, & l'obligēt par ce moyen à trouver de nouvelles inuentions pour en auoir, ce qui ne se fait iamais qu'à la soule du pauvre peuple, qui est a present aux plus grands abbois du monde.

Mais encores dites moy madamoiselle, quelz sont les plus communs profits de messieurs les commissaires des guerres, veu que ces estats sont tant techerchez auiourd'huy, que beaucoup de Thresoriers, Conseillers, Presidents, Aduocats, Procureurs, & autres y placent leurs enfans & parens.

Pour mon regard il me prend enuie de dire à mon mary qu'il en aye vn pour viure vn peu plus a son ayse. Madame, dit la Damoiselle, le gain est si grand (ques ils veulent) ils peuēt mettre trois ou quatre liures de poudre dans leur pochette, autant de fois & à chascun coup de Canon que l'on tire, & ainsi est-il des Boulets, ne faisant mettre assez souuent que de la bourre dans les Canons, comme ont fait plusieurs au premier voyage du Roy vers Montauban.

Pendant ces disputes, plusieurs Damoiselles & Bourgoises entrerent en la Chambre, lesquelles prindrent place.

Vne Damoiselle, femme d'un autre Thresorier des guerres, qui se trouua là, prenant

Discours de l'Accouchée.

la parolle, dit comme en cholere, Madamoiselle, puis que Monsieur vostre mary est de l'Artillerie, vous ne deuriez pas parler si ouverttement, ne sçavez vous pas qu'il est besoin de teler le secret des charges de nos maris, lesquels ne nous les disent qu'avec grande difficulté, de peur que l'on n'en face quelque rapport au Roy, lequel est assisté de flateurs, qui nous font rongner les ongles d'assez pres, mais tant s'en faut qu'il en faille parler, qu'au contraire il se faut tousiours plaindre. croyez vous que nostre cuisine fut si grasse qu'elle est, & que nous aurions tant de suite, de valets, & de seruautes, si le Roy voyoit bien clair en nos affaires, & pour empescher la recherche que l'on voulut faire, il y a quelques années, des Thresoriers de la France, ne composa on pas avec les Partisans, & assurez vous que l'on ne fera pas autrement, si l'on les recherche de nouveau (comme l'on en murmure) de leurs actions.

Madamoiselle, dit la femme d'un Secretaire, ie vous prie de croire que Messieurs les Thresoriers de France ne seront pas recherchez car ils sont trop grands Seigneurs & que si l'on entreprenoit ceste affaire, ce ne seroit que pour tirer quelque piece d'argent, mais toutes fois de peur qu'on ne des-

Discours de l'Accouchée.

couure leurs affaires a tout le monde, ie pense qu'il ny a rien de meilleur que courir au devant, & de ietter (comme on dist) en la gueulle vne grosse somme d'argent, pour n'en estre point parlé: mais ie sçay bien que l'on en veut fort aux Greffiers qui recoiuent plus que leurs droits, & s'ingerent de faire des charges qui sont deuës à d'autres, ou au moins prennent des charges en tel nombre, que six ou sept ieunes hommes seroient honorablement employez, lesquels au moyen de ce, perdent leur ieunesse faute d'Offices & d'exercices, outre ce, qu'ils sont cause que les Offices sont tres cheres, & se vendent à si haut prix, que bien souuent aussi on n'en sçauroit auoir: pourautant qu'ils celent le reuenue & profit.

La femme d'un Conseiller dit, Mes-Damoiselles, voulez vous que ie vous dise ce que mon mary me disoit l'autre iour, a propos de Greffiers, il me dit qu'il s'estonnoit de ce qu'une place de Greffe du Chastelet de ceste ville de Paris, à esté vendue dix mille Escus, laquelle place à son aduenement a son Office de Conseiller, ne se vendoit que mille Escus, n'est-ce pas pour s'estonner avec raison. Car qu'elle apparence de gagner l'interest de ceste somme, il dist qu'il est impossible, & que l'affluence des

Discours de l'Accouchée.

affaires, & les droits ne sont si grands: pour le regard du tour de baston, on le fait monter à ce que l'on veut, on ne sçauroit iuger de la volonté des hommes, & de leur intentiō: mais ie sçay (comme dit mon mary) que on ne peut faire aucunement son salut en cēt exercice, & qu'il faut par necessité exiger plusieurs droictz qui nullement ne leur sont deubs.

La femme d'un Greffier qui estoit là dit, Madamoiselle vous parlez bien des Greffiers: mais vous ne sçavez pas la recherche que l'on veut faire des Conseillers, l'on dit qu'ils ne doiuent faire faire des Comparutions dans leurs maisons: car les Arrests de la Cour les leur deffendent.

Vramy Madamoiselle vous deuriez bien prendre garde à vos affaires, vous serez peut estre plustost en peine que nous, car on cōmencera premierement par vous, que par nous.

L'Accouchée leuant la teste, dit alors, la, la, mes Dames, ie vous prie de prendre ce qui se dit icy par forme de deuis, & non pas au point d'honneur: Car c'est affaire aux hommes de le debattre & preueoir, ce que nous pouuions dire: parlons s'il vous plaist d'autre chose. N'avez vous pas veu & leu les questions de Tabarin.

Discours de l'Accouchée.

Ouy Madame, dit la femme d'un Secretaire du Roy, ie les ay leués il n'y a pas encore vn mois, mais ie n'y près pas beaucoup de plaisir: Car on m'a dit qu'il y a bien à dire de ce que dit Tabarin, & de ce que l'on a escrit soubz son nom, & qu'il n'y a rien tel que de l'ouyr.

Vramy Madamoiselle, dit la femme d'un Medecin, ie l'ay ouy dire ainsi a mon mary: mais il trouue que mont d'Or dit beaucoup confusement, & s'estonna de la facilité des Bourgeois de Paris, qui se laissent persuader si legeremēt a ses discours, qu'a le veoir debiter auourd'huy sa Marchandise, il semble qu'il arriue tout nouuellement en ceste ville: car il la departit en si grande quantité que rien plus.

Lors la femme d'un Thresorier repliqua, Madame, c'est peut estre la bonne mine de mont d'Or, qui luy fait debiter sa marchandise si promptement: car il a des personnes qui m'obligeroient plustost a prendre quelque chose a eux, que non pas aux autres, & peut estre que la bonne façon de son commis luy faisoit tenir ce discours: car on dit qu'elle luy porte quelque affection, i'en ay appris des nouvelles il n'y a pas beaucoup long temps: mais sans la scandaliser elle ne va guerres aux chāps sans estre avec luy, fai-

Discours de l'Accouchée.

font croire a son mary qu'elle craint les rencontres mauuaises : mais oserois-je dire que vne femme d'un Procureur de la Cour de Parlement, ne fai& rien que par la volonté de son Clerc, & le plus souuent quand elle veut prendre vn colet monté, il faut prendre l'aduis du Clerc, pour scauoir s'il est bien empezé ou non, & si il ne le trouue bien, il le rompt & froisse entre ses mains, en disant qu'il ne veut pas qu'elle le porte, & si elle pense dire qu'il couste de l'argent, il respôd soudainement que ce n'est pas grand chose que vn Teston.

La femme du Medecin reprenant la parole, à propos de Monsieur de Mont-dor, dit-elle, cela est vray, que la bonne mine prouoque quelques fois a prendre la marchandise, encores bien qu'on en aye point affaire : mais on n'en peut pas dire autant de Desiderio des Combes, que l'on nomme vn Charlatan : car il n'a pas bonne trongne, & de bien dire il luy en manque autant : on dit aussi qui le scait bien confesser Pleur à dieu que chascun fust aussi libre de confesser sa nayfueré, en cela on peut croire que ce n'est pas vn Charlatan, si ce n'est qu'on vueille dire qu'il vse de mots estrâgées, pour mieux vendre & debiter ses Drogues, & par ce moyen il en donne à garder aux vns & aux

Discours de l'Accouchée.

autres : toutes fois il faut scauoir que en la Medécine il y a des mots fort obscurs, & de l'art (comme on dit) & si cela n'auoit lieu, il faudroit dire que les Apoticquaires & Medecins, pour oster la commodité au cômun peuple de composer de soy-mesme quelque Medécine, vsent de mots barbares, combiè que les choses & Drogues qu'ils signifient soient très communes.

Le l'ay ouy dire ainsi, dit la femme d'un Secretaire, qui ayme fort a ouyr parler de la Medécine & Pharmacie : Car son premier mary estoit Empirique & Distillateur de la Royne, & dit luy auoir ouy dire plus.

Scauoir, qu'il y a des herbes dans nos Iardins, dont nous pourrions bien ayder & seruir pour nostre santé, si nous en auions la cognoissance, & que le plus souuent elles seruent à la Medécine & Pharmacie, & les Apoticquaires les nommes par mots Grecs, Latins, ou Arabes, de façon que a cause des noms, le plus souuent ils font accroire qu'elles viennent des Indes Orientales, ou Occidentales. &c.

La femme d'un Notaire qui estoit là dit, pour mon regard, j'ay demeuré il y a quelque temps chez vn Apoticquaire mais ie ne luy ay veu employer que des herbes, que on racle fort souuent dans nos Iardins, & me

Discours de l'Accouchée.

souuent qu'un iour comme i'estois dedans la boutique, on enuoya commander vne Medecine, l'Apoticquaire ne prit pas d'autres herbes, ny ingrediens que de ces meschantes: depuis i'ay veu les parties pour ce luy auquel on porta la Medecine, qui sont si plaines de tant de discours estrange & incogneu, que quand est pour moy ie n'y cognois que le haut Allemand, car il y auoit Or. Occ. Arab. & toutes fois ie cognoissois tout ce qui estoit entré en ceste Medecine, & ie iure la foy qu'il n'y entra iamais que de meschantes berbes.

Vramy Madame, dit la femme de ce Secretaire nommé cy dessus, il ne s'en faut pas trop estonner: car s'ils ne faisoient ainsi, ils n'enrichiroient point leurs enfans comme ils sont, ne scauez vous point qu'à S. Germain vn Apoticquaire a laissé des moyens suffisamment à son fils pour auoir vne Office de payeur, qui vaut huiet mille escus, ou plus: mais qui vous diroit qu'ils font auourd'huy leurs enfans Conseillers de la Cour, dont y a eu grand bruiet entre Messieurs du Parlement qui ne les veulēt receuoir, à cause de la qualité: mais il y a vn bon remede à tout cela, c'est qu'ils se font receuoir au Parlement de Bretagne, le plus proprement du monde.

Discours de l'Accouchée.

Madamoiselle dit la femme de ce Medecin, ie ne scay si vous scauez qu'un Apoticquaire à quitté la moitié de sa boutique, afin d'acheter vn Office de Secretaire, & qui plus est, ne scauez point que sa femme & fille en pleuroient leurs pechez tous les iours, & n'ont autre resiouyffance pour tout, que de prier Dieu en sa maison, ou dedans les Eglises: Mais que ne diray je point des Chirurgiens, qui donnent des Offices de Controlleurs ou semblables, qui valent quinze ou seize mil francs à leurs fils, & quand à leur filles il ne leur manque rien que le masque que l'on ne les prennent pour Damoiselles: & aussi osent bien faire comparaison avec elles, à cause de leurs commoditez.

La femme de ce Secretaire, dit ie iure madame, que iamais ie ne fut d'auantage estonnée, me trouuant l'autre iour en vne fort honneste compagnie, ou il y arriua vn ieune muguet, vestu à l'aduanage, avec l'habit de Satin decouppé, & le manteau doublé de panné de Soye, le chapeau de Castor, & le bas de Soye, icelny se mit à cajoler vne bonne heure entiere, & vloit de mille compliments, & luy estant sorty de la, ie m'enquestay qui il estoit, & on me dit qu'il estoit le fils d'un Chirurgien: mais onc en ma vie ie ne vit rien de si leste, parce qu'il a la mine de

Discours de l'Accouchée.

quelque Courtisan. Auourd'huy on ne cognoist plus rien aux habits, tout est permis, pourueu que l'argent marche tousiours deuant, quád on parle a quelqu'vn on ne scayt si on doit dire Monseigneur, ou Monsieur tout simplement.

Mais que dira-on de l'Apoticquarresse que vn chascun cognoist bien, dit la femme du Notaire, elle contrefaict si bien la belle que il luy semble bien que ouy: n'auéz vous pas ouy dire que elle va souuent en la Cour du Palais: & que on est bien receu chez elle, & ce pourueu qu'on luy porte: car elle n'est aucunement ceremonieuse.

Sur ces entrefaictes le Medecin & le Chirurgien arriuerent, ce qui fut cause que on changea de discours, & toutes les Dames & Damoiselles qui estoient presentes leur demanderent si il y auoit de l'amendement en l'Accouchée, & si elle auoit encores la fiure, qui l'auoit tourmentée aux iours precedents, & dirent que elle en auoit encores quelque reliqua: mais, Dieu aydant, elle seroit bien tost a son aise, & incontinent ils sortirent. Alors l'Accouchée dit a la compagnie, sur quels discours estiez vous demeurez, Mes-Dames.

La femme d'un Conseiller prenant la parole, dit nous parlions des enfans des Apo-

Discours de l'Accouchée.

ticquaires & Medecins de Paris, & qu'il ny auoit que trop a dire sur eux: mais qu'il y auoit encores plus a redire sur les Orfevres: car i'en cognois vn qui a plus de subiet de vacquer a fermer sa boutique, que non pas de l'ouuir, pourautant qu'il y en entre plus que il ny en sort, ie dis de Marchands, aussi a il vne assez iolie femme: ie ne dis pas que elle face l'amour: car il y a long temps que il est faict outre quelle est prescrite, & ne sert plus qu'a vn, dit on, qu'elle nomme son Frere.

La femme du Medecin replica, & quoy? Madamoiselle seroit-il bien possible qu'elle fut entretenuë par son frere, Madame, dit la Damoiselle, on le dit ainsi, proche de la rüe aux Ours, Madamoiselle ils meriteroient donc tous d'eux, estre punis: car cela est vn grand peché.

Mais, dit la Damoiselle, que doit on iuger d'une femme qui se des couche quelques fois au desgeu de son mary, comme elle faict? vray ma Damoiselle, dit la femme d'un Medecin, c'est pour donner subiet d'en mal parler, & beaucoup plus que ses filles, qui auoient esté perduës l'espace de vingt quatre heures: car elles auoient esté emmenées contre leur volenté, & non pas elle qui ne peut pas estre forcée: il est vray.

Discours de l'Accouchée.

dit la Damoiselle.

Je ne sçay dit la femme du Medecin, si ie vous oserois dire que la femme d'un ieune Orfevre demandoit (ainsi comme j'entendit l'autre iour en passant) à un ieune homme, s'il auoit vne maistresse, & que il luy deuroit acheter vne monstre qu'elle tenoit pour luy en faire preser, ce qui fut cause que ie m'arrestay tout court en vne boutique apres, pour veoir & contempler les actions de ceste ieune femme, ie remarquay tant de folies & de sottises entre ses ieunes gens que rien plus, dont ie fut fort estonnée, & avec moy le voisin, au logis duquel ie m'estois arresté, il faut crier au chat, au chat.

A propos de monstre, dit la femme d'un Conseiller, il me souuient que la femme à un Orfevre auoit attrapé d'un ieune homme vne belle môstre, pour iouir de ses beaux yeux chassieux, & a esté contraincte depuis la rendre en la presence de son mary, qui feignoit de n'en rien scauoir: la feinte fut bonne de la part de l'Orfeueresse: car elle dit que le ieune homme l'auoit oubliée le iour de deuant, & que l'on ne luy vouloit point retenir.

L'on apporta pendant ces discours un Panier de Cerises tres-belles à cõfire à l'accouchée, de la part d'un sien parent Orfe-

Discours de l'Accouchée.

vre, ce qui fut cause que l'on changea de discours, & que la femme du Medecin dit, que depuis huit iours en ca elle s'estoit trouuée en compagnie vers la rue de la Coustelerie, ou l'on faisoit confire des Cetises, & auoit remarqué qu'on en mettoit à part pour Monsieur vn tel, à cause de la sollicitation d'un procez qu'elle auoit gagné: car son mary ne dit mot, & faict le tacer en sa presence, & elle court par tout.

Je fut il n'y a pas fort long temps en la rue Saint Jacques, dit la mesme femme du Conseiller, pour y acheter des pots à confitures: mais i'y ay appris de bonnes nouvelles, on disoit que vne certaine ieune femme auoit esté emmenée à Rouen, & que son mary l'estoit allé la requerir, & qui l'auoit faict mettre prisonniere, & ensemble aussi celuy qui l'auoit emmenée, & que cest affaire auoit esté accordée, moyennant cinq ou six cens liures.

La femme d'un Aduocat qui estoit en la compagnie dit, mes Dames ie l'ay ouy dire ainsi à mon mary, qui plaida la cause, & bien d'auantage, celuy qui a payé cet argent a eu encores bien du different avec eux: car ils ont playdé au Criminel pour des iniures, le mary a eu des deffences contre ce tel, de ne mes-faire ny mes-dire.

Discours de l'Accouchée.

Que dira-on, dit la Conseillere, de la iolie Vitriere, à propos de pots de verre, ie ne sçay s'il est vray qu'elle fait benir ses Verres par vn P. (sans offencer l'ordre:) mais a la Tournelle on en parle fort, comme aussi de sa sœur qui va veoir quelques fois Madame de la Pille.

L'Accouchée fit le hola, pour parler de l'Imprimerie, & commença elle mesme a dire, Mes-Dames, ceste sœur dont Mademoiselle a parlé, a bien aduancé son mary, par le moyen de Monsieur vn tel, qui a bien du credit chez les Libraires, principalement sur ceux qui sont proche le puits certain, & de la rne Saint Jacques.

La femme d'vn Notaire, dit qu'elle en cognoissoit bien vne, qui court & va souuent au marché neuf, avec vne ieune Passementiere de dessus le Pont, & la femme d'vn Aduocat du quartier de l'Vniuersité: pour satis faire a des assignations qu'elles donnent au Coq, ou se desbrouillent plusieurs affaires, dont leurs maris ne sont capables: car elles ny vont qu'a leur desceu, deux ou trois fois seulement par semaine.

Il est bien a craindre, dit la femme d'vn Medecin) que la necessité ne face iouer quelques amours entre vne femme de ce quartier là, & d'vn ieune homme, tous deux

Discours de l'Accouchée.

de l'Vniuersité, ou bien le peu d'amitié que elle a pour son mary, ie sçay bien au moins qu'il y a bien du soupçon, & peut estre avec raiton

Il y a bien pis, dit la femme du Secretaire, on dit que deux ieunes femmes de la rue S. Jacques se vont pourmener à deux lieus de ceste ville, en la compagnie de deux ieunes hommes, qui leur assignent heure & iour, & ren-tontre par vn mot de lettre, & que par mal'heur la lettre ayant esté veue par les marys, ils simulèrent n'en rien sçauoir, & le iour venu dirent à leurs femmes qu'ils alloient aux champs, dont elles furent bien aises, croyant par ce moyen auoir le temps libre pour aller à leur assignations, ou elles ne manquerent, non plus que leurs marys, qui se delguiserent, & entrerent dās l'hottellerie ou se passoiēt les affaires, & d'vne chambre proche, qu'vne cloison separoit de celle ou elles estoient, ils entendirent faire la feste à la façon de la beste qui à deux doz: dont ils demeurèrent bien estonez, & avec leur courte honte s'en reuindrent en ceste ville, se consolans eux mesmes, contre l'infortune qu'ils disoient estre commune à plusieurs, disant que leurs femmes n'en auoient point apporté la mode en France. Je vous demande si ces maris là ne

meritent pas bien cela? ie sçay bien qu'il n'y a point de soupçon de ce costé là: car l'affaire est toute certaine.

Madame, dit la femme du Medecin, les Liures sont de grand prix, & si i'ay ouy dire a son mary qu'il y a des temps, que certains Liures, qui ne vallent pas cinq sols piece, vallent vne Pistole, de sorte que ceste Marchandise augmente souuent, & ne diminuë guerres: & par ainsi ils s'enrichissent fort, ce que ne peuuent point faire ceux qui Impriment, ou font Imprimer tant de nouveutez & fantaisies, qui se publient & debitent de iour en iour.

A Propos de nouveutez, dit la femme du Conseiller, on fit present l'autre iour a mon mary d vn petit discours, intitulé l'esprit de la Cour, qui va de nuit: mais d'autant que la matiere ne respond en façon du monde au tiltre, ie voudrois que celuy qui l'a fait, eust vn esprit de iour, & non point de nuit obscur & perdu, afin qu'il peust cognoistre ce qu'il veut escrire: car on n'y cognoist rien.

Mais que vous semble, dit la femme du Medecin, de ceste Relation generale des conquestes & victoires du Roy, sur les Rebelles? C'est du papier mal employé, dit la femme du Conseiller: car il n'y a rien de

remarquable, au moins qui soit de l'histoire, l'ordre n'y est pas si bien gardé, & qui plus est l'on escrit par là que Clerac a esté pris & reduit a l'obeyffance de sa Maïeste, de plus la ville de Negrepelisse qui a esté rendue au Roy depuis quinze iours seulement.

Ie ne m'estonne pas de toutes ces faussetez, qui se passent aux escrits que l'on Imprime pour le iourd huy.

I'ay veu, dit la femme du Maistre des Requestes, vn discours de la prinse de Saint Antonin, qui est aussi fort mal fait: car l'Auther met a la fin ce qu'il doit mettre au commencement, sçauoir, la sommation aux habitans de se rendre, apres auoir escrit la reduction, qui est posterieure.

I'ay veu aussi, dit la femme du Medecin, deux discours de la vie de la Dame Therete, dedans l'vn desquels, il est escrit qu'elle a eu deux Peres, & en l'autre qu'elle n'en a eu qu'un: mais ie pense que l'Imprimeur n'a peu lire l'Escriture de l'Auther, ou bien qu'il ne l'a pas releu, au moins il semble que l'Auther ayt voulu dire qu'au Monastere dont il est question, il y auoit deux filles du nom de Therese, & que l'une desquelles estoit fille d'un qui estoit nommé Bermude, & l'autre (qui est la veritable mere & saincte Therese) estoit fille d'un nommé Sanchez:

Discours de l'Accouchée.

car ie l'ay appris ainsi, toutes fois l'on a eu tort de faire ceste faute en l'Impression: car il y a de la peine de faire sçauoir les erreurs au menu peuple, qui est par trop grossier & lourd d'esprit.

L'ay veu aussi, dit la femme d'un Conseiller, un discours du Courtisan à la mode, & qui est Imprimé il n'y a pas long temps, lequel n'estoit autre chose qu'un extrait, ou un transcript de l'Espadon Satyrique, mot pour mot, ce qui ne se pouuoit tollerer: car c'est tromper & abuser le monde: i'ay ouy dire (mais ie ne sçay s'il est vray) qu'un petit Libraire de la rue Saint Jacques est fort ordinaire de ce faire, c'est pourquoy l'on ne veut plus rien acheter de ce qui se vendra souz son nom.

La femme d'un Medecin dit, & pourquoy Madamoiselle, ne veut on plus rien acheter de ce qui se vend souz son nom? n'est il pas Libraire, ne luy est il pas permis de faire l'imprimer & vendre comme les autres, ne fait il pas des apprentifs, bref, n'est il pas bien capable.

Ouy dà, dit la Damoiselle femme du Conseiller, il est bien capable mais c'est qu'il ne se veut pas donner de la peine de travailler, quand il trouue de la besongne toute faite, comme les pourceaux (sauf la Chrestienté)

Discours de l'Accouchée.

qui mangent par reuerence la merde, pour ce qu'elle est toute machée, il est quelques fois temps de rire.

La femme d'un Notaire dit, mes Dames, j'estois il n'y a pas long temps en vne compagnie, ou on se plaignoit fort de ce Libraire là, ie me doute bien quel il est, sans le nommer, on disoit que de iour il fai& Imprimer ce qu'il songe la nuit, & un honneste homme de qualité, ie vous iure, le disoit ainsi.

Et plus il dit que le Roy n'auoit point de plus valeureux guerrier que luy en tout son Royaume: car on est tout estonné, que luy ayant donné le bon soir, bien tard, le lendemain auant qu'il s'esueille, il a mis à bas dix-huit mil hommes, tantost des dix mille, & quelques fois cinq cens tout à la fois, & au premier iour d'apres, l'on crie par la ville les deffaites plus grandes & plus admirables que celles de Pompée.

Ie ne m'estonne pas de ces escrits, dit la femme du Conseiller, qui est icelle d'entre nous qui n'a point veu son escrit dans quelques Pasquils, attendu que l'enuie ou malvueillance du monde est si grande maintenant qu'à peine la plus femme de bien ne se peut garantir de tels escrits qui sont si vicieux & iniurieux, voire mesmes les plus grands n'en sont pas seulement exceptez,

Discours de l'Accouchée.

C'est pour quoy les vertueux & vertueuses ne se ressentent point autrement des iniures que l'on leur impose, ne plus ne moins que la Palme qu'on essaye d'abaissier & atterrer, & plus neantmoins elle se releue.

La femme du Notaire dit, l'on appelle ouuertement vn Partisan monopolieur, à cause qu'un Clerc, qui anciennement auoit seruy dix ans estoit Maistre, & qu'aujour d'uy apres auoir seruy ce tēps-là, il est contrainct de vendre son patrimoine, & encores emprunter de l'argent pour achepter vn meschant Estat, qui ne le peut nourrir six mois en vn an, s'il ne desrobe.

Ne parlons plus, dit l'Accouchée, de ces libelles diffamatoires, parlons des belles Paperieres.

Pour moy ie vous diray qu'au Cloistre, vne y a tant du credit, qu'elle y peut faire mettre vn enfant pour seruir au choeur quand il luy plaira: car elle est bien venue de M. vn tel.

Vramy Madame, dit la femme d'un Secretaire, bien d'autres qu'elle y ont bien du credit, à cause de quoy l'on en doit parler à Monsieur le Procureur general, & sur tout pour faire faire des fences au portier d'ouuir la porte à heure induë la nuict, comme il fait, nonobstant quelque adueu que ce puisse estre: car il ya de l'abus trop grand,

Discours de l'Accouchée.

vn Procureur qui en est proche, le peut bien dire s'il veut: mais rayons cecy, & passons plus outre.

La femme du Notaire dit, qu'il y auoit deux filles Paperieres & Lingeres, toutes deux assez proches voisines, lesquelles sont d'humeur fort courtoises, & que bien souuent elles font partie avec des ieunes hommes pour aller à Saint Cloud & a Vaugirard pour passer le temps, sans que leur Pere & Mere leur en ose dire mot, ce qui est de tres-mauuais exemples.

C'est chose de bien plus mauuaise, exemple, dit la femme d'un Secretaire, de veoir qu'une fille retient sa mere prisoniere, souz couleur qu'elle la tence de ses complexions, & de ce qu'elle luy reproche qu'elle a attrapé tout son bien, par l'artifice de son mary, & que tous deux ils ne la veulent plus voir, aujour d'uy qu'ils l'ont despouillée, encores dit-on, que ceste pauvre femme ne s'affligeroit point tant, si sa fille se retireroit de sa mauuaise vie, & ne donnoit exemple de faire mal à sa fille, qui est fort ieune.

Les exemples des inimitiez d'entre les parens, sont si ordinaires (que de les citer icy les vns apres les autres) dit la femme d'un Procureur, ce ne seroit iamais fait, parlons plustost des bons maris.

Discours de l'Accouchée.

Sçatez vous point qui est ce Libraire, lequel porterant d'honneur & de respect à sa femme, qu'il prend cinquante escus en cachette d'elle, pour payer les espices d'un procez, contre les Normands (Dieu benisse la Chrestienté) qu'il a perdu, & qui luy faict accroire qu'il a gagné?

Madamoiselle, i'en ay bien ouy parler: mais ie ne me souuiens pas de son nom, au moins ie sçay qu'il porte vne grâde barbe, & la perte de son procez prouient peut estre, de ce que son Solliciteur ny voyoit qu'à demy, ou bien que l'on a donné la diane & la retraicte promptement.

La femme du Notaire dit, veritablement, mes Dames, i'estime ces femmes là heureuses, desquelles les maris sont tant respectueux & doux, & pour mon regard ie me puis vanter d'auoir vn bon mary: car il n'est point jaloux de moy, il me laisse baigner & pourmener avec mes voisines, & d'ordinaire ie demeure (ce pendant qu'il s'en va coucher) à la porte avec mes voisins & voisines à deuiser, quelques fois iusques à minuit, & s'il sçait que ie presente la collation il ne m'en dit mot.

Pleust à Dieu, dit la femme d'un Conseiller, que mon mary me fust aussi facile, & qu'il ne me tint point de si court.

Discours de l'Accouchée.

Quand il luy prend quelque ombrage, il m'entenne soubz la clef & s'en va: & à quoy toutes-fois i'ay bien donné ordre, en faisant faire vne autre clef, que ma seruante porte, avec laquelle ie me mets en liberté, quand bon me semble.

Ie me suis laisser dire, ce disoit la femme d'un Aduocat, que la femme d'un C. estoit grandement ayle, de ce que son mary faisoit la despence de son logis, & acheptoit mesmes iusques à vn ballet à ballier la maison, & qu'il seroit bien marry de donner vn fol pour vn carrolus, aussi y regarde il de bien pres, & quant à sa femme elle n'a autre loing que de prier Dieu, se leuer, boire, manger & dormir, ce qui est bien difficile à faire, comme ie croy.

Vn autre dit, la femme d'un Conseiller doit estre bien ayle aussi: car son mary est si soigneux de la cuisine, qu'il espargne les gaiges d'un Cuisinier, & ceux d'un sommelier, faisant luy mesme boullir la marmite, & accommodant le couuert de la table, sa femme luy sçayt bien dire que ce n'est pas sa qualité.

L'Accouchée voulant prendre congé de la compagnie, & luy donner le bon soir, dit, mes Dames, quand l'on a parlé tantost de l'Imprimerie, i'auois peine de n'esouue-

Discours de l'Accouchée.

nir de ce qui me vient à present en memoire, sçauoir, que l'autre iour vn de mes amis ayant vn Factum a faire Imprimer, ils s'adressa a vn certain quidam, qui affiche a sa boutique, Ceans y a Imprimerie, ou l'on Imprime Factums & autres œuures. Combien qu'il n'en ayt point, & qu'il n'y cognois que bien peu, s'adressant puis apres aux Imprimeurs pour les faire Imprimer, comme font la pluspart desdicts preneurs de Factums a Imprimer, essayans ainsi a gagner quelque chose, tant avec ceux qui donnent a Imprimer, qu'avec les Imptimeurs: mais le malheur en voulut tant pour ce mien amy, que faute d'auoir eu ledit Factum a l'heure promise, il perdit son procez: Cela aduint par la contention de l'Imprimeur, & du Libraire, qui auoit entrepris de le faire, & certainement il y a plus perdu que gagné, a ce qui m'en a esté rapporté car n'ayant eu faict en temps & lieu qu'on luy demandoit, on ne l'a pas voulu recompenser de la perte qu'il dit auoir soufferte, ie croy que cela luy apprendra vne autre fois.

Vrayement, Madame, dit vne de la compagnie, ie m'estonne que les Imprimeurs ny mettent ordre, sans se laisser ainsi vsurper le gain qui leur appartient.

Il est vray, respondit celle-la qui auoit en-

Discours de l'Accouchée.

commencé le discours, qu'ils deuoient bien y donner ordre: mais auourd'huy tout va a la reuente, chacun en tire & prend ou il peut, & avec le temps chacun aura la cognoissance de l'Imprimerie.

L'Accouchée reprenant cœur fit faire vn peu de silence, pour faire entendre a la compagnie qu'elle estoit transportée a Troyes l'année passée, pour faire quelque negoce, durant les vacacions, qui estoient au mois de Septembre, apres la mousson, entre autre chose elle fit faire vne piece de toille, de fil le plus fin qu'elle peut recourir, pour autāt qu'il y a des ouuiers fort experts en ceste ville la, pour l'esgard de la Tixeranderie, & autres œuures de consequence, & s'estant adressée a vn Maistre aupres la rue du Coq qui n'est pas trop loin de l'Eglise de la Magdelaine, & estant tombée d'accord avec luy, & comme tous les Maistres ne peuent pas faire tous les ourages qu'ils entreprenēt, ils adressa a vn compagnon Tixier, assez expert en sa faculté, auquel il mit mon ourage entre ses mains pour me la depescher ce qui fut incontinent executé, & en diligence, mes Dames, vous deuez entendre que ces compagnons sçauent ce qu'ils ont pour aulne de façon, & a tāt de nombre de fils de fil: car ayant marchandé a luy à vn nombre cō-

Dis cours de l'Accouchée.

plet, il y en adiouste d'auantage, qui estoit vne vraye espece de rapinage, & au bout de quelque temps la femme de ce pauvre compagnon prenant cognoissance de moy, me fit entendre la perte que son pauvre mary faisoit en faisant ma piece de toille, & la perte estoit de trois quarts d'escus, au moins.

Or comme l'on dit tousiours que les murailles ont des oreilles, le Maistre commença a dire a la femme qu'il auoit vsurpé trois quarts d'escus par dessus le marché qu'il auoit fait avec ledit compagnon, luy disant en ces mots, que cela seroit assez suffisant pour acheter six Es-lanches de mouton l'une apres l'autre, mes Dames, dit l'Accouchée, cest vne grande vollerie que l'on fait a ses pauvres gens la: car la plus par de leurs femmes sont a la porte des Eglises, & autres lieux, a demander l'aumosne aux bonnes gens, ie vous assure que cest vne grand pitié de telles actions que l'on trompe ainsi les pauvres gens.

Ainsi restant sur ces derniers discours, chacune se leua de son siege, en donnant le bon soira l'Accouchée, iusques a la reuoir vne autre fois.



LA QUATRIESME APRES DI-
née & visitation de l'Accouchée, ou
les Dames de Paris arriuent
de toutes parts.



ARriere de moy toute melancholie, ie ne demande plus qu'a rire & passer mon temps. Ie faisois partie avec mes voisines pour aller a Fontaine-bleau, quand on m'est venu aduertir que l'Apres diner des Dames d'importance se deuoient redre chez ma cousine l'Accouchée: ie courreuz incontinent chez elle, pour iouyr du con-

tement de ceste quatriesme iournée, notwithstanding l'Anti quaque de nos Idiots, qui ne parlent ny François ny Latin, quoy qu'ils feignent reuenir de l'autre monde, quand ils auront corrigé leur plaidoyé, & eseriront en termes receuables, ie leur repondray de mot a mot: Ce sont des Sots, qui ne scauent point de nouvelles, que celles de la basse-cour, que ie laisse pour le commun:

Ma Cousine me receut a bras ouuers, nous nous entretismes long-temps de discours faccieux, qui s'estoient faits a nostre derniere entretenuë, deffiance des Dames, du conte que l'on leur auoit fait, que quelqu'vn se cachoit en la ruelle du liët, & mesme de leur curieuse recherche. Nous en riasmes a gorge desployée. Elle m'informa des nouvelles du Palais, ie luy dis la plus commune est du Pelerinage des gentilles Mercieres, elle me pria de luy en faire le conte; ie luy rapporte fidèlement comme le tour s'estoit passé: Que les deux Bourgeoises feignant de se vouloir acquitter d'un vœu qu'elles auoient fait d'aller à nostre Dame des bōnes Vertus, auroiēt demandé congé à leurs maris, qu'apres leur auoir volontairement accordé, ils seroient entré en ombrage, & pour scauoir la verité, les auroient suiuiés, l'un avec vn habit de Moyne, qu'il auoit emprun-

té des Religieux de Saint Martin, l'autre avec le sien ordinaire de Pere de l'Oratoire, & rencontrées à my-chemin, conduites par deux ieunes Aduocats, comme ils les suiuirent de loing, entrerent en mesme logis que nos amoureux choisirent, sans estre recogneus, & s'estant glissez subtilement soubz vn liët de leur chambre, ils veirent en leur presences ballotter leurs femmes, sans y pouuoir apporter aucun remede, leur retraicté sur le soir, le nouveau courage de leurs maris, qui doublerent le pas, & les abborderent, la fuitte de nos galands, & finalement comme nos Cocus menerent leurs femmes dans vn Saulfaye prochaine, pour partager en leur communauté, la miserable fortune d'Acteon.

Ils se reseruerent les Cornes, & donnerēt à leurs paillardes les decouppures, & diappures gentilles.

Veux-tu que ie te die, Cousin, me dit-elle? ie ne scaurois m'empescher de plaindre le sexe, ie ressens vn extreme desplaisir de la mauuaise fortune de ces pauvres femmes car sur ma foy, ces sots meritent bien de porter le ramage Acteonique, sçachez mon amy, qu'il y a trois choses que à l'heure que l'on les recherches le plus curieusement, on voudroit les trouver le moins. Le fond

de sa bourse, De la viande a vn priué, Et sa femme faisant l'amour.

Ces curiositez trop grandes sont grandement blasmables, & n'apportent en fin que toutes sortes de desplaisirs: Mais il me semble que i'ay apperceu quelque esmotion en ton visage, au recit que tu m'as feict de ceste hystoire? En conscience, si tu estois marié, ne serois tu point ialoux? Le luy respondit hardiment que non.

Elle me pressa pourtant encores, & me demanda, laquelle des deux cōditions ie voudrois choisir, ou d'estre cocu, ou abstraint a iamais ne faire l'amour; le luy fis la mesme responce que fit autres-fois ce grand Capitaine a Tholose, le Souprieur de la nation Bourbonnoise, que prenant le certain pour l'incertain, i'aymerois mieux que tous les Lacquais de la Cour courrussent sur le ventre de ma femme, que d'estre abstraint a ne point faire l'amour. Le r'ayme de cēt humeur Cousin, me dit elle, & veritablemēt tu as bonne raison, aussi bien dois-tu croire qu'il y a quelque fatalité qui accompagne ce ramage, que l'on ne scauroit esuiter, & semble que l'on y soit destiné, l'Archer nostre Procureur en Parlement, ce mangeur de pastez de Pheniceaux m'a aduoué qu'au parauant son mariage ses cornes commen-

coient à pointer, & que plusieurs fois faisant faire son poil, il les auoit fait veoir à l'ange son Chirurgien.

Nous entrions bien auant en lice, quand vne fille de Chambre, accoudée sur vne fenestre, nous aduertit que les Dames estoient sur le sueil de la porte, ie me retire incontinent au cabinet, ou ie n'euz pas plustost pris place, que la compagnie entra, chacune prit son siege selon son rang: vne Maistresse des Requestes qui conduisoit la troupe, comença à parler la premiere Hé bien ma mignonne, dit-elle à l'Accouchée, comme t'en va: Il me semble que ie ne t'ay point veüe en si bon estat, sans mentir ie te trouue plus belle que iamais, assurement les enfans t'enbellissent, ie te conseille d'en recommencer vn bien tost, si tu n'y as deüa trauaillé:

Helas! Madame, que m'e diētes vous, dit l'Accouchée, ie suis bien resoluë au contraire, & de faire plustost liē a part, pour m'en garantir. Ie suis desia chargée de cinq petites canailles qui crient continuellement, ie ne puis prendre repos-ny patience, ils me tourmente iour & nuict. Hé bon Dieu que deuiendrois ie si i'en auois d'auantage.

Ma fille tu es biē folle, dit la Maistresse des Requestes, ce ne sont que gentilleses, deüāt qu'ils soient en estat de te donner bien de la

Discours de l'Accouchée.

peine, tu en auras perdu la moitié, ou peut estre tout.

Si tu estois comme moy, veritablement tu ferois à plaindre, i'ay quatre grandes filles, la plus ieune est aagée de dix huit ans, desquelles ie ne me puis deffaire.

C'est pitié aujour d'huy quelque bien conditionnées qu'elles soient, on ne les scauroit pourueoir, si on ne leur donne des milliers d'escus. Vn Conseiller de la cour, ny vn maistre des comptes n'espouferont pas vne fille, si elle ne paye leur Office, qu'ils achètent pour la pluspart à la bourse d'autrui, i'en suis quelque fois au desespoir :

Madame, ie scay vn bon remede, dit la cōseillere des Requestes du Palais, de la rue Montorgueil, il faut faire comme nostre voisin, marier ses filles dans les petites villes, il a rencontré avec dix mil escus, qu'il a promis a sa fille, vn ieune homme de bonne mine, de la plus bonne famille de Moulins, bien qualifié, qui luy rend des effects pour quatre vingts quatre mil liures.

Madame, dit vne Changeuse du Pont nostre Dame, permettez moy que ie vous dise, qu'il n'y a que de se frotter a l'herbe que l'on cognoist, & que mon oncle a esté grandement attrappé, puis qu'on reduict ces quatre vingts quatre mil liures, a huit mil escus de

Discours de l'Accouchée.

bien, pour le plus.

Vous estes mocqueuse. dit l'autre, son Office seul vaut bien toixante mil liures: cōme se pourroit faire cela, vostre oncle est trop fin, pour se laisser dupper de la sorte.

Assurez vous Madame, dit la Changeuse, que ie dis la verité, a mon tres grand regret, & qu'en estant bien informée, ie vous diray la fourbe qu'on luy a faicte, si voulez prēdre la patience de l'entendre: l'Office que vous tirez en ligne de conte, il l'a acheptée veritablemēt depuis qu'il est accordé a ma cousine, soixante mil liures, & cent pistoles, outre trois mil liures qu'il à promis, par promesse separée, & ne veut pas que mon oncle le sçache: mais il en doit encores quarante-huit mil liures, le surplus il l'a payé des deniers de mon oncle, & meisme ion quart denier, ie le scay assurement.

Moussieur Benoist & mon mary, luy ayant presté l'argent, le Breton en porta vne partie, ce qui mit ma tante en grand alarme, & qui fit partir ce braue Officier en si grande diligence, pour se rendre aupres d'elle, pour accomoder cēt affaire, & l'empescher de declamer comme cestoit cōmencé. Le reste du bien consiste en vne maison a Moulins, & vne aux champs, assez plaisante, size au territoire le plus ingrat & infertile de tout

Discours de l'Accouchée.

le Bourbonnois des vignes à la campagne, vne rente de trois cens liures cōstituée pour seize cent escus, quelques meubles, & vn Office de Conseiller au Presidial, qu'il à vendu treize mil cinq cens liures: tout cela se doit partager entre luy, deux freres, & sa sœur, mariée au Bailly de Montegu, & pour vous faire veoir que ce que ie vous dit est tres veritable, ledit sieur Bailly son beau frere ayāt obtenu lettres Royaux, pour faire restituer sa femme contre son contract, d'autant qu'ō ne luy à donné que douze mil liures en mariage, depuis lequel vn des freres s'est rendu Iesuiste, à fait voir l'inventaire de tout leur bien à son Conseil, vn des intimes amis de mon mary qui nous a dit confidammēt, que ledit inventaire ne monte qu'à quatre vingt deux mil liures, sur lequel il faut defalquer douze mil liures de debtes, & que l'action en seroit desia intentée, sans la priere qu'en a fait le Iesuiste audit Sieur Bailly, il dist que ce pauvre Religieux (pour l'esmouoir d'auantage) se ierra en terre à ses genoux en sa presence, & le cōinra les larmes aux yeux de surseoir toutes poursuittes, iusques à ce que le mariage de leur frere fust acheué, de qui autrement la fortune seroit perduë, qui seroit en forte qu'il luy donneroit du contentement, & luy en auoit desia parlé plusieurs

Discours de l'Accouchée.

fois, & representé le grand tort qu'il faisoit particulièrement au ieune frere, de faire faire toutes les années des descentes sur leurs heritages, supposant quelque gelée, ou gresle, pour se faire estrouffer les fruits à bonne condition, ou a personnes interposees, & tromper le pauvre mineur: que pour toutes raisons il ne luy respondit autre chose, sinō qu'estant l'aîné, il auoit tousiours esté obligé à faire vne grande despence, mesme depuis la mort de sa femme, que son reuenu ny pouuant suffire, il auoit esté contraint d'emprunter dix mil liures de son premier beau Pere, & plusieurs autres parties a perte de finance, avec son bon compere son voisin, estant tres-assuré que souz son nom on ne luy eust pas presté vn Teston, qu'il ne seroit raisonnable que luy tout seul portast ceste despence, qui absorberoit la moitié de la legitime, puis qu'il l'a faite, poussé de courage de leur mere, pour releuer le nom de la maison, que neant-moins il luy promettoit que apres son mariage il leur rendroit toute sorte de satisfaction, pourueu que Monsieur le Bailly leur beau frere permist à Madame leur sœur de se faire voir a son Medecin ordinaire, sans soupçon. L'artifice duquel il a vié pour faire veoir a mon oncle qu'il auoit du bien, est admirable, il luy a fait croire,

Discours de l'Accouchée.

contre la coustume du pays, que sa maison des champs luy est substituée, que le Iesuiste luy a donné tout son bien que les riètes qu'il a rédues, du mariage de sa premiere femme luy appartiennent, iugez si le pauvre homme auoit l'esprit perdu, il luy mit ses cōtrats entre main, les visite, & ne cogneut point qu'ils auoient desia changé de main, depuis que ce bon gendre les auoit rendus à son premier beau pere, qui les auoit cedez au Procureur du Roy son autre gendre, & que mesme ils estoient appostilez de sa main, en fin on luy fit veoir quantité d'obligations conceuës soubz son nom, que les creanciers ne pourront iamais estre poursuiuz, ny cōtraints de payer, pour n'auoir iamais riē de mon oncle enforcélé (comme ie croy) print tout pour argent contant.

Hé, pleust à Dieu, qu'auparauant que de signer ces articles il eut consulté l'Oracle, que vit autres fois ce Recepueur des Tailles son beau frere, pour recouurer ses pierres d'Or, peut estre eust il descouuert la verité de ce mystere: mais le mal'heur, que ce qui nous touche le plus, c'est dequoy nous sommes les derniers aduertis, croiriez vous que chacun en riroit & yroit a la moustarde, & que le Greffier des finances ne se peut empescher de dire a monsieur Feuillet que tous

Discours de l'Accouchee.

ses Messieurs de leur compagnie s'en moquent, & affermoient qu'il n'eut iamais huit mil escus de bien, avec les aduantages de sa premiere femme?

Quel desplaisir pensez vous, Madame, que mon oncle en recoiue, il seiche de regret, d'auoir esté ainsi trompé, & ne s'en ose plaindre, puis que luy tout seul l'a bien voulu faire.

Ie sçay qu'il n'a point fait pour aduancer ceste nouvelle mariée, & rendre son mariage plus bon, & a forcé son autre fille d'entrer en Religion, il a donné des maisons dans Paris, par le contract de mariage, & à promis, par promesse separée, de les retirer dans vn temps, pour tromper mon cousin, fils de sa premiere femme, supposant que ce seroit acquisitions qu'il auroit fait avec celle-cy.

Madame, que ie vous arreste, dit la femme d'vn Aduocat du Chastelet, ie ne sçauois souffrir ceste iniustice, i'en aduertiray monsieur le Conseiller le Bret, qui y mettra vn fort bon ordre.

N'est ce pas vne grande ingratitude à vostre oncle, ayāt eu tout le bien de sa premiere femme, de frustrer son fils de la successiō, par des voyes damnables, vous scauez qu'elle le prit malgré tous les siens, lesquels l'ont

Discours de l'Accouchée.

des aduouée depuis, & qu'il n'estoit en ce temps-la qu'un simple Mercier, & ferreur d'esguillettes: contentez vous, que pour vostre respect ie n'en diray pas d'auantage.

Madame, respôdit la Changeuse, nous ne sommes de Noble extraction, nous sommes pourtant yssus de bonne race, & n'auons iamais fait tort à personne, ie ne vous dis rien la dessus, dit l'aduocate, ie renuoye le steuf au bon homme Rossignol, qui iure que l'on ne se doit iamais fier à ses chattemittes, & soustient que vostre oncle a trompé plusieurs fois son nepueu, l'associât en de mauuaises Fermes, pour supporter la moitié de la folle enchere: mais aux bonnes affaires, ou l'on peut gagner quelque chose il ne luy faut point de compagnon, il me suffit de defendre le party de mon parent, iusques à ce que Monsieur son oncle venge sa querelle, & face regorger son bien à ceux qui l'ont iniustement vturpé, & ne se contentant du reuenu, veulent faire perdre le fond.

Mes Dames, ie vous prie, pour l'amour de moy, dit la Maistresse des Requestes, & le respect que nous deuous à ce lieu, que tout se tourne en raillerie, pour moy ie crois que l'on a choisi ce monsieur le Thresorier pour sa suffisance & capacité, veritablement il a tesmoigné qu'il auoit de l'esprit, d'auoir si

Discours de l'Accouchée.

dextremement conduit son affaire.

Madame, repart incontinent la Châgeuse, qui ne se pouuoit taire, s'il n'y eut eu que luy qui s'en fust meslé, assurement nous ne ferions en ceste peine, c'est pourquoy il ne l'eust iamais entrepris, sans l'assistance de son premier beau pere, qui est l'un des plus braues hommes, des plus deliez & habilles qui se rencontrent en ceste Prouince, il faut que ie vous aduoue, que c'est le plus gros Buffle qu'on ayt iamais veu, on le receut dernièrement à la Chambre par pitié, & avec grand peine, croyez vous qu'on ne sceut iamais entendre un mot, ny de sa harangue, ny de ses responce: si bien que e'uy qui l'interrogea le moins, en fut le plus satisfait, & ne peut s'empescher de dire, opinant à sa reception, qu'il auoit de la bonne fortune, de se presenter en bonne saison du mois de Iuin, que les Asnes passent par tout: mais madame, dit la femme du Procureur en Parlement, il me semble qu'ayant esté Conseiller il doit scauoir du Latin: Madame, reprit la Changeuse, chascun s'accordera bien à ce que vous dictes: mais ie suis contraincte, à sa confusion, & la nostre, puis qu'il est entré en nostre alliance, de vous confesser qu'il ne scait rien du tout, & qu'il a tousiours exercé si negligemment ceste charge, que son bon

Discours de l'Accouchée.

voisin le Procureur pour le soulager, & empêcher de rougir, dresseoit ordinairement les Sentences des Procez qui luy estoient distribués, & puis Messieurs de la chambre ne les pressent point de ce costé la, & se contentent quand on parle bon Francois, s'il eust esté aussi braue homme que cestuy qui passa apres luy, par vn mal'heur extraordinaire, le pouuât preceder par toutes sortes de raisons, puis qu'il luy a tousiours offert, & mesme deuant ses Iuges, de vuidier ce different de preface par la capacité, assurement il eust mieux satis-faict.

N'est-ce point, dit Madame Charles, femme du Medecin, celuy qui estoit si fort chargé de chalygourny? non Madame, respondit la changeuse, c'est vn de leurs confreres, qui fut receu trois iours auparauant: qu'appellez-vous chalygourny, demande la Maistresse des Requestes? Madame, dit la medecine, c'est vne intemperie froide & humide, qui à attaqué les anciens & nouueaux Officiers de ce Bureau, quod sinifrimity, la dessus, madame, dit vne merciere du Palais, plaist madame, respondit l'autre: ie dis, dit la merciere, que cela n'importe, puis qu'ils retournēt en leurs maisons bien guaris, madame, i'en suis fort contente, dit la medecine, mon mary est tres-bien satis-faict.

Discours de l'Accouchée.

La merciere qui estoit en train, & sembloit estre interres-ée, ou au moins obligée a soutenir le party de ses chalans, ne se peut empêcher d'attaquer la changeuse: mais Madame, luy dit elle, il semble qu'au paranympe que vous auez faict de vostre no uveau parent, vous auez oublié vne qualité, qui doit estre releuée, vous n'auz rien dit de son bon naturel, pour moy ie le trouue bon comme le pain, ie m'assure que s'il trouuoit vostre cousine en faisant l'amour, il la traiteroit encores plus fauorablement que n'a faict le Compte des Vertus sa femme, & que au lieu de mal traiter celuy qui auroit rendu ce bō office, il le receuroit a bras ouuers.

Madame, repart la Changeuse, assez brusquement, ma cousine n'en viendra iamais là, nous ne pechons point en nostre race de ce costé.

Hé grand Dieu, d'où le tiendroit elle, son pere, depuis la mort de sa maistresse premiere, à gardé la foy a sa femme, & sa mere n'a iamais eu vne mauuaise pensée, elle est trop deuote, & a tousiours le nom de I E S V S a la bouche:

Toute la compagnie se print à rire, reserue madame la maistresse des requestes, qui se tenoit sur le serieux, & pria neant moins la merciere de leur dire l'hystoire du Compte

Discours de l'Accouchée.

des Vertus? Helas! Madame, dit la Merciere, est il possible que vous seule en ceste ville n'en ayez point ouy parler? cest vne Tragedie commune dans Paris, ie l'ay ouy dire à mille personnes, qui s'accordent tous à vne mesme verité.

Que le Comte des Vertus ayant sur prins dans la ville d'Angers des lettres qu'escriuoit Madame sa femme à vn Gentil'homme Angeuin, nommé S. Germain, & la respóce dudit S. Germain, il auroit enuoyé prier ledit sieur de venir soupper chez luy, & apres soupé, luy ayant fait cognoistre leurs missiues, l'auroit fait assigner en presence de ladite femme, qu'il fit apres entrer en vn Carrosse, la mena en vne sienne maison, ou il coucha avec elle, & la carressa à l'ordinaire, comme si rien ne s'estoit passé.

Iesus, dit vne Cōseillere du Chastelet, que les grands Seigneurs sont heureux dans les petites villes, ils y entreprennent tout sans contredit, si le bon Seigneur auoit fait faire cela a Paris, il seroit au Chastelet il y a long temps, ou on luy feroit son procéz en diligence, ne me parlez point de vostre Iustice, dit vn cōseillere de la Cour, à celle du Chastelet, vos Messieurs n'ôt-ils pas bien operé en l'affaire de Corel? le seul respect d vne Robbe qu'il a quitté leur a fait peur, ie parle

Discours de l'Accouchée.

contre moy mesme: mais veritablement l'acte meriteroit vne punition exemplaire, il faut faire comme on fait à la Cour, seroit il au bien de la Iustice, sans exception, ny acception de personne. ne voyez-vous pas comme le pauvre Monsieur Demacho Cōseiller aux Requestes à fait mettre son fils prisonnier, pour luy faire espouser vne fille qu'il a desbauchée?

Madame, repart la Conseillere du Chastelet, si les Officiers du Chastelet estoient de pair avec Messieurs du Parlement, desquels ils releuent, & reçoient toute leur auctorité, ils reformeroient souuēt beaucoup d'abus qui s'y commentent, aussi bien qu'aux Iustices inferieures.

Est-ce bien faire Iustice de permettre qu'un Gentil'homme donne vn soufflet à vn Conseiller, dans la Galerie du Palais? Madame, dit l'autre, ie sçay bien comme ceste affaire se passa.

Sans la priere d'un ancien Conseiller de la grand' Chambre, qui fit satis-faction tout à l'heure a Monsieur de Verderonne, il n'eut pas reçu vne moindre punition, que cestuy qui parla trop haut deuant feu Monsieur le President Forget, & s'il luy reste quelque suite de plainte, se doit estre contre l'huissier, qui ne voulu pas obeir au commandement

Discours de l'Accouchée.

qui luy fit de le conduire prisonnier.

Et quoy? Madame, dit vne Conseillere des Enquestes n'est ce pas vne grand honte que les ieunes Conseillers ne soient point recogneuz?

Il semble qu'ils ne soient pas du corps du Parlement, & que tout se termine à la grand chambre: ne deuroit on pas punir ce Huissier pour sa des obeissance?

Si les Conseillers des Enquestes croyent mon mary, ils en feront leurs plaintes au premier President de tout le Parlement, il rendra par tout bonne iustice, contraindra les Ministres de rendre l'honneur & respect a tous ceux qui la distribuent.

Madame, dit la femme d'un maistre d'Hostel chez le Roy, il le faut donc prendre en autre saison, il ne pense auiourd huy qu'a l'amour: il est tellement passionné d'une Dame de la Roynie, qu'il mesprise l'exercice de sa charge, & ne se souciant plus ne l'Impression de la Cire: reserue sa grande Gallerie pour danser seulement & faire le bal:

Madame respondit la Conseillere, j'ay bié ouy parler de ce que vous dictes: mais croyez qu'il veille tousiours au bien de la iustice. & veut absolument que les anciës reglement s'obseruent, le grand mal procede de ce que tous les messieurs de la grand Cham-

Discours de l'Accouchée.

bre n'en demeurant point d'accord: & que bien souuent il est tondu, tout est peruertiy en ce temps icy, il n'y à point de difference aucune entre Messieurs les Iuges & les parties.

Messieurs les Conseillers font la charge des Aduocats, monsieur Portail cét ancien Senateur, qui deuroit seruir d'exemple, dressé luy mesme le Factum de Madame la femme, le remplit d'ineuétues & reproches contre sa partie: en termes si couuerts & obscurs, que la Cour ne les peut entendre, & lors qu'elle le prie de les interpreter, & declarer particulièrement ce qu'il à desiré de Rose son valet, quand il le prit pour l'aman-der & repurger en routes sortes de façons, sans exception, il respond sans respect, que c'estoit pour luy torcher le cul, & que si Rabelais a soustenu que le souuerain bien de l'homme consiste a se torcher le cul, du col d'une oye: ou d'un cigne: qu'a plus forte raison il receuroit plus de contentement se le faisant torcher de rose; tout est auiourd huy permis & toleré, croiriez vous que tout ce qui se fait de plus secret au Parlement, est maintenant diuulgué, & que les distributions mesme, qui ne se pouuoient faire que chez Messieurs les Presidents à la sourdine: pour empescher la brigue des gros procez: se fô-

Discours de l'Accouchée.

aujour d'huy en plain marché: monsieur Tardieu de la premiere, l'assura par tout le monde, il en receut vne fort expresse, il n'y a que huit iours par les Pages de monsieur de Nemours :

Madame, vous trouuerez bon que ie vous dise, dit vne maistresse des Cōptes, que quoy que nous soyōs en robe courte, on ne voit point de ces desordres a la chambre, tous d'vn commun accord se portent a ce que veut monsieur le premier President, on n'oseroit rien entreprendre sans son consentement, ny mesme en son absence faire assembler les Semestres, s'il ne le trouue bon, aussi de son costé il n'a autre soing qu'a releuer l'authorité de sa charge & faire faire la Justice, il ne pardonneroit pas mesme a son propre fils, quelque priere que luy ayt fait Monsieur le Duc Dechaumes, il veut qu'on acheue le procez de monsieur Monfigor, la consideration de sa qualité de maistre ordinaire, ny peut rien obtenir.

Mais a propos Madame, dit la femme d'vn Secretaire du Roy, de sainte Opportune, ne voulez vous pas le faire sortir, sur ma foy ie ne scaurois m'ēpescher de dire, que vous luy faicte tort, c'est le plus honnestre homme qui se peut dire, mon mary luy a destroictes obligations, il luy auoit promis de le mettre

Discours de l'Accouchée.

en credit bien auant, & moy en particulier ie luy suis redevable, il est cause que i'ay vne porte Cocher: Mademoiselle, dist la maistresse des comptes, i'ē suis faschée pour l'amour de vous: car assurement on luy va faire son procez. Mademoiselle, dit la Secretaire à l'extremité, s'il suit le conseil de mon mary, il se defendra bien, il a de fort bons amis. Monsieur le President de cheury feroit ingrats s'il ne l'assistoit de tout sō pouuoir, il l'a voulu faire Secretaire d'Estat pour prendre la place de President des comptes, ie pense veritablement, dit la maistresse des comptes, qu'il l'emportera: mais il y a cōtre luy vn autre Secretaire d'Estat plus puissant Monsieur le President Droguerre, qui a sa brigue plus forte, il luy peut faire beaucoup de mal, par la grande intelligence qu'il a avec Monsieur le premier President. Mademoiselle dit la Secretaire, si on le presse trop il recourra à sa bonne maistresse madame la Duchesse de Cheureuse, ie pense, dit la maistresse des comptes, qu'elle n'a pas aujour d'huy grand credit, encores qu'elle se veule faire appeller madame la Princesse, ie scay bien qu'il y eut l'autre iour vn grand bruit au Louure pour cela, & qu'on luy fit des bonnes reprimandes: ie ne vous respondray rien la dessus, dit la Secretaire: mais ie suis

Discours de l'Accouchée.

tres-asseurée qu'elle peut beaucoup souz le nom de Monsieur son mary, particulièrement enuers Monsieur le Châcelier, qui est la vraye partie, pour les offres que luy fit ledit Duc de Cheureuse, quand on nomma Monsieur le Cheualier de Sillery Ambassadeur, contre les menaces de Messieurs de Vandosme, qui soustenoient le party du Marquis de Cœuure leur oncle, & de fait ie sçay bien que sur la promesse qu'on luy feit de la part dudit Sieur Mensigot, que quand il reuiendroit en plus grande fortune, qu'il n'auoit iamais esté, il ne parleroit plus des chiffres, ny de l'Etat de Secrétaire des Câps & armées, Monsieur le Chancelier manda à Laffemas qu'il feignit de cesser la poursuite, & la fit faire souz le nom d'un autre: mamie, dit la Maistresse des Cōptes, quand tout le monde l'auroit quitté, monsieur le President Aubry ne l'abandonnera pas: madamoiselle, dit la Secrétaire, s'il n'y auoit que luy, il n'auroit que faire de craindre, il est aisé à recuser, à cause de la composition qu'il a fait avec des assignez d'un mandement de l'Espargne, pour laquelle il eut un adiournement personnel au Parlement, hé pleut à Dieu seulement qu'il puisse gagner le Semestre de Iuillet, i'espere, quoy que l'on die, qu'il fortira heureusement de son

Discours de l'Accouchée.

affaire, & emportera la victoire sur ses ennemis: Madamoiselle, dit la femme d'un autre Secrétaire du Roy, de la rue des Prounelles, il a beau faire & se defendre, l'on a resolu de le perdre, i'ay iceu de monsieur l'Escuyer, mon voisin, qui ne me voudroit point mentir, qu'on ne luy pardonnera iamais, & qu'on a bien preneu à ce que vous dictes par l'Arrest d'interdiction que l'on a donné contre luy, les deux Semestres assemblez, & la difference que l'on a tousiours rendu au Semestre, auquel vous esperez tant de faueur, les ayant tousiours fait aduertir quand on y a voulu trauailler, de quoy il y a bons procez verbaux, dressez par les Huissiers, pour les engager d'honneur à ne rien entreprendre en cét affaire, que les Semestres assemblez: si ie le cognoissois particulièrement, ie luy donnerois vn conseil plus salutaire, le forçant de se seruir de son abolition: Madamoiselle, dit la Secrétaire de sainte Opportune, il le voudroit bien: mais le malheur veut qu'il n'est plus dans le temps, il est bien empesché, respond l'autre, qu'il s'adresse à monsieur Potel, il est homme d'expedient: il luy signera aussi librement des lettres de surannation, ou telles autres qu'il souhaittera, comme il fait des Aduocats du Conseil, il tente tout pour

Discours de l'Accouchée.

de l'argent : madamoiselle, dit la Secretaire de Sainte Opportune, que me dictez vous si cela se cognoissoit on luy feroit son procez, Madamoiselle, respond l'autre, il dict hardiment qu'il ne craint rien & que quelque declaration que aye donné Monsieur Mangot de n'auoir eu le loisir de faire des Aduocats pendant qu'il a eu les Seaux entre ses mains, qu'il ne laissera pas d'en faire d'autre, & puis que monsieur le maistre des Requestes du Lyon Ferré entreprend d'adiouster à des Arrests, signez par Monsieur le Chancelier, il hazardera librement d'en faire passer, desquels on ne fera pas tant de bruit : La Maistresse des Requestes s'offensa, & leur dit en cholere, qu'elle ne le croyoit point, & que si cela venoit en la cognoissance de Messieurs Marefcot, du Tillet & Foule, ils ne le souffriroient iamais, & en feroient faire iustice, ceste rumeur fit rōpre la compagnie, chascune prit congé, & se retira, ie sortis aussi tout incontinent apres, & me rengay aupres de l'Accouchée, pour luy montrer mon ample memoire, ie vous laisse à penser si ce fut sans rire : elle me pria avec instance de soupper chez elle, ie la prie de m'en excuser, estant engagé d'un autre costé.

Discours de l'Accouchée.

La cinquieme iournée, & Caquet de l'Accouchée.

SElon le dire Sētentieux d'un Poëte tresrenommé parmy ceux à qui l'experience fait voile en leurs actions plus releuées : il ny a rien qui ne suyue son temps & sa mesure. Tout ce qui est çà bas de corruptible prēd son train & sa cadence au niveau de son estre : Bref, tout ce qui emprunte sa lumiere soubz les fauorables auspices du temps & de la Fortune, se trouue, & fait ses effets à proportion de son instant & de son temps, iusques là, que les moins experimenterz recognoissent à veuë d'œil les actions humaines estre tributaires à la censure du public, & au temps qui court pour le iourd'huy : qu'ain si ne soit pendant la minorité du Roy, qu'est-ce qu'un Marquis d'Ancre ne faisoit point ? depuis sa mort, Monsieur de Luynes que n'a il point entrepris au preiudice de la Couronne & du bien public : de Luynes mort, comment la Cour à elle esté bastie & composee, en effect OMNIA TEMPVVS HABENT, & comme i'ay ouy tres biē dire à un Medecin, heritier en partie de la Bosse, & du sçauoir de son Pere, qui rastoit le poux de l'Accouchée, a cause des assauts

Discours de l'Accouchée.

que la nature luy faisoit. Nous devons céder aux loix de l'Amour, & toutesfois rechercher des moyens pour luy faire la niche, si faire ce peut: Ce qui ne fut pas si tost entendu par la Palfreniere des bas guichets qu'elle dit a mōsieur le Medecin, mōsieur, mōsieur, il voudroit mieux que vous apprinsiez a dancer la Sarabande, comme de funct vostre Pere, que de conseiller les Dames de se servir de drogues d'apoticquaires pour passer les tranchées d'amour, Bran, bran, il ne faut que ces meneurs d'Ours pour faire finir le monde, & au diable s'ils viendront deux fois en vn logis sans tendre la patte par derriere.

Surquoy mōsieur le Medecin, qui n'a pas grand replique de son naturel, prit congé de l'Accouchée fort humblement, avec vn estonnement nō pareil, de ce que ceste garde disoit contre luy? Apres la sortie duquel, ie me mis à entretenir l'Accouchée, & peu apres quatre Dames de qualité arriuerent en la chambre, lesquelles, apres auoir fait chascune la reuerence a la mode, prindrent place selon leur qualité, & moy ie pris la mienne ordinaire au cabinet. Ce qu'estant fait, la vesue d'vn maistre des Requestes fort affligée de l'ancienne desbauche d'vne sienne fille mariée, a vn Conseiller de la

Discours de l'Accouchée.

Cour, homme prudent & fort bon iusticier, ietta trois ou quatre souspirs, & voulant neantmoins les simuler, commença de dire à la compaignie. Hé bien, mes-dames, apprenez-vous des nouvelles de la Cour? le Roy a il eu Mont-pellier, Montauban & la Rochelle, comme l'on dit.

A quoy, sur le champ, la femme d'vn Treforier de l'Espagne respondit que ces morceaux la ne saualloient pas si aisément, parce qu'ils s'estoient grandement fortifiez: & d'autre part que leurs voisins courroient a toute bride pour empescher les desseins de sa Majesté, & pour dissiper ses forces, si l'on n'y prenoit garde.

Pourtant i'ay appris, dit la femme d'vn Conseiller du Chastelet, qu'ils ont traité avec le Roy, & qu'ils l'ôt aseuré, par vne submission que l'on n'eut iamais creu, leurs biens, leur honneur & leur fortune, mesme le Sieur Duc de Rohan a esté contrainct de baiser le babouyn.

Qu'elle apparence de traiter avec des rebelles, qui ont desia faulsé la foy promise, dit la femme d'vn Auditeur des Cōptes, de la Parroisse S. mederic? se seroit tousiours à recommencer: aussi ie ne puis croire que le Roy ayt accordé avec la caballe huguenotte, que ce ne soit soubz des conditions bien

Discours de l'Accouchée.

considerables, & qu'elle n'ayt dit le peccai plus de trois fois auparauant: car à leur subiect la Majesté à receu mille & mille incommoditez, & à esté tellement trompée & abusée, qu'il se trouuera au bout du compte que la Couronne est engagée plus de trente millions, & le tout par l'astuce & intelligence de ceux qui ont les charges plus honorables lesquels se sont seruis de l'occasion pour iouer à pinser sans rire.

Comment Madamoiselle, voulut repliquer la Thresoriere, trouué vous qu'on ayt fraudé le Roy au Siege de Montpellier, comme on a fait à celuy de Montauban?

Je ne veux pas vous dire absolument que on l'ayt trompé & abusé de la sorte, luy respondit ceste femme d'Auditeur: mais il ny a si simple qui ne juge qu'il y a eu de la trahison, lors que le Duc de Fronsac a perdu la vie, & que le Duc de Montmorency a esté blessé: car on sçait bien que la ieunesse veut tousiours paroistre, & principalement ou l'honneur engage les courages, ce qui ayant esté recogneu par ceux qui sont auprès du Roy, & qui n'ont iamais triomphé qu'aux despens d'autruy, il est aisé à croire qu'on s'est efforcé de faire de nouueaux Princes, & de nouueaux Seigneurs & Officiers.

On tient pourtant, dit la Maistresse des

Discours de l'Accouchée.

Requestes, qu'il ny a personne auprès du Roy qui puisse aspirer plus haut que la charge dont il est honoré: car si on considere la personne du Connestable, c'est tout ce qu'il a peu meriter, & encores i'estime qu'il doit bien en toute sa vie payer les interrests d'une telle courtoisie. Pour Desplan, c'est vn nouueau coureur de fortune, qui se doit tenir tout goguelu de son bonheur.

La Conseillere, qui sçait comment il est paruenü, se pria à sourire, & souriant dit à la compagnie: certainement c'est vn bon valet, il a bien seruy son maistre, ce monsieur Desplan.

La Maistresse des Requestes, qui se plaist par fois a gauffer, dit la dessus, vous faites tort a Monsieur Desplan, Madamoiselle veu sa bonne mine & son merite.

Ce n'est pas auoir beaucoup de merite, repliqua la Conseillere, de vouloir aspirer à des honneurs dont on est indigne, & pour y paruenir au preiudice des Seigneurs de remarque, & de la trop grande bonté du Roy, & se seruir des moyens reprocheables à l'insin, encores si c'estoit vn Gentil homme d'extraction qui recherchast la bien-vueillance d'un fauoty, afin d'acroistre sa maison & de la rendre Illustre, l'on imputeroit le proiect d'un tel dessein à l'ambition qui

Discours de l'Accouchée.

fournit des aisles au courage, & de vent en abondance pour singler iusques au haure de la fortune: mais quoy? sa premiere condition estoit d'estre Lacquais, mauuais gouuernement au reste, & apres auoir quitté la mandille, à fait en sorte de se fourrer au regiment de nauarre: où estât le Sieur de Cadnet allant visiter Monsieur le Prince, lors qu'il estoit au Chasteau de Vincenne, il fit en sorte de l'aborder, se seruant des astuces de son pays, & du depuis le Sieur de Luynes le prit en affection, pour des raisons dont sa memoire seroit trop ternie, si on en venoit à la iustification: Tant y a qu'il a esté par ce moyen bien venu aupres du Roy, insques là que sa Majesté l'a gratifié d'un breuet de marshal de France.

La dessus, la femme de l'Auditeur dit tout haut: le ne m'estonne plus de ce qu'on parle tant de ce Desplan, puis que sa bonne fortune vient par le moyon du Sieur de Luynes.

Voila ce qui en est: repliqua la Thresoriere, & si ie vo⁹ iure que ce que i'en dis n'est point pour mal que ie luy vueille, au côtraire i'estime ceux qui s'esleuent de peu, & lesquels d'un neant bastissent vne fortune releuée: Et a propos, dit la Conseillere, que deuiendra le Sieur de Courbouzon apres la reduction de la Rochelle, puis qu'il a tenu

Discours de l'Accouchée.

pied a boule au seruice du Roy, depuis le temps qu'il est employé.

Vrayement, respondit la femme de l'Auditeur, il ne se faut point donner peine de luy, ny se soucier de ce qu'il deniendra, non plus que des autres: car ayant mandé a l'Hostel de Nemours la valeureute defaite qu'il a faicte, de dix ou douze habitans de la Rochelle, tortis de la ville pour abbatre leurs maisons, proches les murailles, & que ce bel exploit a esté crié sur le Pont neuf, tellemêc qu'il ne donnera pas sa bonne fortune pour vne piece de pain.

Il pourra bien y donner ordre de bonne heure, dit la maistresse des Requestes, si il ne veut demeurer arriere: car a present que la Cour est remplie de Cadets de haut appetit & de ieunes fauoris, chascun d'eux voudra partager au bon heur, & aux qualitez: de sorte qu'apres la guerre, l'on verra autour du Roy plus de demandeurs que de deffendeurs, & pour dire, il sera tres-difficile d'aborder les galleries du Louure.

Monsieur de Nemours l'affectionne trop, dit la Thresoriere, pour ne luy procurer aucune honorable fortune, en recôpence d'un signalé seruice, & puis le naturel de ce Prince est si benin & si louable, qu'il le recompenseroit plustost de son propre bien, qu'il

Discours de l'Accouchée.

vesquist le reste de ses iours avec vn mesme contentement.

Sur ces entrefaites la garde de l'acouchée voulut mettre son nez, & discourir de Mōsieur de Nemours, a bons & a vollée: mais le respect que la compagnie portoit à son rang & a sa qualité, fut cause qu'on luy ferma la bouche, sinon qu'on lui permit de discourir des façons de faire de la Cour, voyāt que le cœur luy en disoit: tellement qu'ayāt pris perezais de ce faire, elle ne fut guerres honteuse de declarer son secret, qui estoit qu'au Siege de mont-pellier, lors que le Roy perdit tant de braues Seigneurs & Gentils-hommes, qu'il estoit demeuré à ceste meslée vn certain homme sur la place qui luy faisoit porter beaucoup d'ennuy, qui ne se pourroit iamais terminer que par la mort, quand toutes les meilleures fortunes luy arriueroyent, auxquelles elle disoit ne pouuoir aspirer à cause de son aage, & en consideration de ce qu'on la cognoissoit quatre grāds lieues par dela les bornes de la raison.

A ce beau discours, la compagnie se print a rire, & celle qui esleua vn ton plus haut, ce fut Madame l'Accouchée, que mesme elle en petta de resiouissance pour le moins huit ou dix fois consequitiuement, a cause que du tems que ce drossle estoit aupres de la garde

Discours de l'Accouchée.

& que sa marmite bouilloit a ses despens, on n'eut osé luy dire bran a son nez, tant qu'elle faisoit ma commere l'entendre, ain-si fallut peu de chose pour sortir de la carriere, & pour rompre de si bons discours qui se tenoient auparauant avec toute sorte de verité: toutes fois si tost qu'il fut finy, nostre Maistresse des Requetes qui se plaist d'estre entretenüe en compagnie aux despens de l'honneur d'autrui, s'efforca par tous moyens de remettre en lice les autres, tant sur les traittez de guerre & de paix, que sur les fraudes & maluersations des chefs & conducteurs de l'armée, & sur ce qu'on auoit tant parlé du Sieur de Villautray, & de ses commis.

Surquoy la Thresoriere grandement engagée dans le combat, ne peust s'empescher de respondre que volontiers la fortune est enuiee aussi bien que les beautez, & que tout ainsi que les esprits voluptueux faisoient les recherches des dons plus gracieux de la nature, de mesme que l'auuidité des enuieux les portoyent à des flatteries, & a des mesdisances, pour faire faire des recherches candides, contre l'obligation que l'on a fraternellement a son prochain: tellement que si l'on auoit tasché d'obscurcir l'honneur du Sieur Villautray, que ce n'auoit pas este

Discours de l'Accouchée.

pour l'affection qu'on portoit au service du Roy: mais bien pour vne rancune particuliere de ce qu'il n'auoit voulu desbourfer des deniers qu'il: n'eussent estez employez dessus ses comptes

Voila vne belle eschappatoire, dit la Conseillere? ie vous diray madamoiselle, chascun est tenu de defendre son party, & de le conseruer iusques aux plus grandes extremittez, quand mesme il n'y auroit aucune apparence de raison, & principalement au temps ou nous sommes, auquel il est plus necessaire de dissimuler que de dire verité, & de feindre dans les actions, que de faire esclatter ce qui pourroit estre terny, & que ainsi ne soit, n'est il pas vray que si l'on parloit en la compagnie du Sieur Fabry, qui du temps du feu Roy se fit dire mort, & pour lequel on porta vne busche dedans le tombeau, craignant quil ne fist la capriolle: n'est il pas vray que vous diriez que cela n'est pas possible, & que ceste inuention là auroit esté recherchie par des Iusticiers, pour rendre odieux ceux qui manient les finances? aussi ie m'asseure que si l'on en faisoit le discours sur ce que le Sieur de Villautray, pour se faire dire innocent du crime de peculat, a passé par la porte doree, que vous en auez vn grand despit: C'est pourquoy,

Discours de l'Accouchée.

pour mon regard ie brise la dessus, & laisse à discourir de ce qui en est, a ceux qui ont iuste suiet de s'en plaindre.

Vrayement Madamoiselle, c'est bien a vous a faire de parler des Financiers, comme vous faictes, vous qui ne paroissez dans le monde qu'aux despès de ces pauures parties, dont vostre mary est par fois le luge, vous qui n'aurez pas dequoy nourrir vn pauure Lacquais, sans les present que l'on vous fait, au preiudice du droit d'autruy, qui est voilé la pluspart du temps, vous (dis- ie) qui a peine pourriez auoir vn simple cottillon de taffetas de vostre estoc, si n'estoit qu'avec les espices on vous fournit de fauce, ie n'en veux dire autre chose, que chascun regarde a soy.

Sur ce, l'Accouchée fit en sorte de rompre le discours, craignant que la Conseillere, & la Tresorriere vinsent aux prises, & pour empescher que cela n'arriuaist, elle fit feinte de se trouuer mal, qui fut cause qu'on ne parla plus des charges, ny des qualitez, & sur ces entrefaictes arriua Mathurine, qui courtoisement fit la reuerence a chascun, particulièrement des l'entree de la chambre, puis approcha du list de l'Accouchée, pour s'enquerir de sa disposition, après quoy elle prit place, & en conta des meilleures pour es-

Discours de l'Accouchée.

gayer la compagnie, donnant neantmoins en passant vn lardon a toutes celles qui le meritoient.

Madame de Vernueil, qui n'agueres estoit arriüée, la voulut faire iazer pour s'en donner du passe temps: mais elle qui est aussi malicieuse qu vn vieux Singe, apres auoir recité quelques sornettes, elle ne feignit de rechercher le moyen de la picquer, parlant de la chasteté des courtisanes, & sur tout mettant sur le tapis le merite & les bônes graces de Monsieur de Bassompierre, pour raison desquelles le Roy l'auoit qualifié d vn breuet de Marechal de France ce qu'on feignit pouttant d'escouter, afin d'obliger aucunement ladiëte Marquise qui ne peut l'aymer à cause de sa sœur: mais elle partie, mathurine fut coniuurée a double carillon: de dire au vray si ledit Sieur de Bassompierre seroit Marechal de France, & qui fut la plus portée à ceste curiosité, ce fut Madamoiselle la Conseillere, laquelle outre sa brigue qu'elle fait par le moyen de ses amis, de faire mettre monsieur Vignier aux mauuaites graces de Monsieur le Prince, elle croit que si la Cour chäge de face que son mary sera garde des Seaux, & de la nômer le respect le me defend, laissant la curiosité au public de s'en enquester.

Discours de l'Accouchée.

Suiuuant donc que Mathurine fut interrogée si monsieur de Bassompierre seroit Marechal, il faut croire qu'elle degoisa de luy plusieurs discours, & les causes qui auoient meule Roy de le qualifier de ce grade honorable: premierement que ses perfections y auoient fort operé, & puis ses agreables seruices, notamment ceux qu'il auoit rendu à sa Majesté au siege de Montauban l'année päsée, quand par son secours il mit en voye de route les ennemis, que souz vn mot feint & non retenu venoient au secours des assiegez.

Hé quoy, dit la dessus la femme de l'Auditeur, il ne faut d'oc plus qu vn acte remarquable pour s'esleuer aupres du Roy? Vrayement si cela à lieu, il y aura d'oresnauât plus de Marechaux que d'asnes à ferrer.

Pardonnez moy madamoiselle dit la maistresse des Requestes, & si ie dis que vous auez vn peu tort, de parler de Monsieur de Bassompierre de la sorte: car il est de fort bô lieu, & puis il y a long temps qu'il vogue en Cour, sans qualité, & d'auantage sa bonne mine ne vaut elle pas quelque chose de plus honorable que d'auoir tousiours des Suisses pendus a sa ceinture.

Sur ce, Mathurine dit tout haut, que ses desseins n'estoient pas limitez à ce seul but,

Discours de l'Accouchée.

mais qu'il le promettoit d'estre Connestable apres la mort de monsieur de Liguieres, & qu'il le voyoit avec tant de certitude, que pour en donner l'impression à toute l'armée tout son déduit estoit attaché aux exercices militaires, & ce avec plus d'affection qu'il n'eut iamais en temps de paix, de faire releuer son moustache.

Hé que deuiendroit monsieur de Crequy, dit la Thresoriere, luy qui est aussi vaillant que son espée, qui est du poil d'un Martial, & qui mesmes en porte les marques honorables sur le visage? ce seroit faire tort à sa generosité, que de le priver de la recompense deuë à un grand courage comme le sien, ou si cela luy manquoit un iour, ie dirois que les Astres voudroient faire la guerre à leur Superieur, qui luy furent tant fauorables pour renuerser Don Philippin sur le Pré: Mathurine, Mathurine, monsieur de Bassompierre est trop mignard pour beaucoup entreprendre dans la fatigue de la guerre, il vaut bien mieux qu'il se cõtienne en la qualité de Marechal de France, & prendre à femme Mademoiselle d'Antrague, que d'esperer pretendre plus haut: car aussi bien les fortunes sont viageres, & aussi fol est celui qui pense y faire prendre pied ferme à ses desseins, comme fut autresfois sot & ma-

Discours de l'Accouchée.

rousse le pauvre Guetin, qui seruoit de plaignant à la Royne Marguerite

Vous vous battez madame, de la Chappe à l'Euésque, dit l'Accouchée, hé qui soit Connestable qui le pourra estre, l'on est aussi bien mordu d'un chien que d'un chat: Nous en auons perdu (graces à Dieu) un qui ne valloit guerres, à present nous en auons un qui ne fera guerres mieux, toutesfois ce que ie trouue de meilleur en luy c'est qu'il est riche (Dieu mercy) des bons coups qu'il a fait aux Eglises du Daulphiné.

Sa richesse, repliqua Mathurine, deuroit ayder beaucoup à le faire homme de bien: mais quoy? ce qu'on doit craindre, c'est qu'un drap retourné ne fait iamais tant de profit, comme s'il estoit à poil, ie vous scay bon gré, dit la maistresse des Requestes, de parler ainsi à cœur ouuert: car il est vray, la hart sent toujours le fagot, & comme disoit un iour le Duc de Rosny, au feu Roy Henry le Grand (que dieu absolue) lors qu'il luy demandoit pourquoy il n'alloit pas à la Messe comme luy, Sire, Sire, di il la Couronne vaut bien une messe: Aussi une espée de Connestable donnee à un vieil routier de guerre, merite bien de desguiser pour un temps sa conscience, & de feindre d'estre grand Catholique.

Discours de l'Accouchée.

Ce discours finy, toutes les Dames prendrent congé de l'Accouchée, avec promesses de la reuoir le lendemain, ou le premier iour que la commodité leur pourroit permettre: ainsi elles sortirent fort satisfaites de leurs entretiens, & aussi tost entrèrent six autres Dames d'une bande, & d'un mesme quartier, lesquelles ayant fait les salutations requises & nécessaires, pour la bien-seance, trouuerent les places toutes chaudes, elles ne firent gueres de façons à s'y asseoir, dont la premiere qui commença le caquet, ce fut vne nouvelle femme de Notaire, de la Paroisse de S. Jacques de la Boucherie, qui dit à l'Accouchée, IESVS, Madame, que vostre tein est changé, depuis que vous estes en couche.

Comment, dit l'Accouchée, trouuez vous que ie sois laide beaucoup? Nenny vrayement, repliqua la Notaire, au contraire, si i'estois que de vous ie tascherois d'estre souuent en couche, tant vous estes deuenue iolie.

Cela vous plaist à dire, dit l'Accouchée, c'est que vous me voulez gratifier car il n'y a plus de gentillesse en mon fait, si c'estoit vous, encores il y aurôit de l'apparence: car outre que vous estes belle de vostre naturel, monsieur vostre mary curieux de vous con-

Discours de l'Accouchée.

seruer, meuroit plustost en gage sa vaisselle d'argent, qu'on vous a donnée le iour de vos nopces, que vostre beau tein & ne fut entretenu.

Aussi il n'y a rien tel que d'estre iolie, dit sur le champ la femme d'un Passemétier de la rue de la vieille monnoye, & sur ceste gentillesse voulant vn peu discourir, & de l'appuy qu'on en tire par fois, elle fut interrompue par la femme d'un Quinquallier, homme d'honneur & grandement a son aise, laquelle ne fut pas honteuse de dire qu'elle auoit cy deuant pratiqué assez d'inuentions pour estre continuée aux bonnes graces d'un Receueur: mais qu'elle auoit recogneu que toutes ces sortes de curiositez n'estoient que folies, qu'il valloit mieux s'associer en l'honneste fortune d'un mary, que d'attacher ses affections à des friuolles, ou l'honneur & l'ame sont ternies.

Ces petits discours d'amourettes durerent presque demie heure en ces caquets de Bourgeoises, & n'eussent estes si tost rompus, sans que la femme d'un Aduocat fort Sage & discrette de son naturel, fit en sorte que de changer de batterie, & pour venir à l'effet de ce dessein, elle fit feinte de se trouuer mal & de s'esuanouir, ce qui les occasionna de prendre garde à elle, & d'apporter

Discours de l'Accouchée.

tous les soulagemens que l'on peut s'imaginer aux foibleses qui arriuent par fois aux femes ençeintes, de maniere qu'apres estre reuenuë en son premier estat elle fut interrogée de la compagnie si elle estoit grosse, ains elle afferme qu'elle n'auoit garde de l'estre.

Cela peut pourtant bien estre, dit la femme d'un pourpointier, jalouse au possible de son mary, vous qui estes à vostre aise, & qui auez vn bon mary qui gaigne bien sa vie, & qui vous ayme comme il faut, qui vous empescheroit de le deuenir.

Le ne mancke point (graces a Dieu) de toutes ces felicitez que vous m'e dictes: mais i'ay vne affliction qui m'empeschera d'auoir des enfans.

Hé qu'elle affliction, luy repliqua la Pourpointiere, Madame, madame, quoy que i'aye vn bon mary, ce n'est pas tout, i'ay perdu ma Mere depuis peu, i'ay vne seur malade sur les bras, & vn frere nouvellement reuenu des Vniuersitez qui se veut faire Aduocat vn de ses matins, & s'il n'est qu'un sot habillé en homme.

Voire Aduocat, les ruës de Paris en sont pauës, si i'estois que de vous madame, ie ferois en sorte de le porter dedans les Finances: car ayant le bien qu'il à, il pourra pa-

Discours de l'Accouchée.

roistre vn temps à ses despens, pour apprendre, & puis assurement il prendra aussi bië que les autres.

Voila vn bon aduis madame, dit vne autre Pourpointiere, qui à quitté sa boutique pour besongner en chambre: aujour d'huy il n'y a que d'en auoir, chacun se moque de la necessité, & le vray moyen de l'euiter pour le iourd'huy c'est d'estre Financier: car infailliblement la guerre ne durera, & pendant le temps il aduient que les vieux se defferont de leurs charges, ou pourront mourir, ce qu'estant les ieunes s'auanceront & empliront leurs bources.

Quelque mestier que ce soit, dit la Notaire, est tres bon quand on y profite, & quand il ne fait point pendre son maistre, ce qui se voit assez rarement, toutesfois si i'auois à choisir, pour me pouruoir ie prendrois plustost vn Financier qu'un Aduocat.

La femme de l'Aduocat s'en sentit vn peu interressée, & comme estant legitimemēt picquée au ieu, elle ne peut s'empescher de dire qu'on n'auoit iamais veu de Financiers deuenir garde des Seaux & Chanceliers: mais bien garde prisons le plus souuent, lequel on pourroit bien encores veoir quelque matin, la paix estant faite, pour les obligations & maluersations qu'ils auroiēt

Discours de l'Accouchée.

cōmis depuis que la guerre est cōmencée. Laissons la les qualitez, Mesdames, dit la Quinqualiere, qui bien fera bien trouuera, si les Financiers ont desrobé l'argēt du roy, comme il y a de l'apparence, le Conseil en sçaura bien faire la recherche, en ce faisant le profit qu'ils auront fait ne sera qu'un emprunt, qu'il faudra rēdre avec les interrests, il semble que vous sçachiez les particularitez de ces Messieurs, dit la belle Pourpointiere.

Ce que j'en sçay, repliqua la Quinqualiere, c'est le R^oueur que j'ay tant aimé, qui m'en a conté vne partie, & le reste ç'a esté le Sieur Gesselin, quand ie discourois avec luy de la belle Angelique, qu'il a tant de peine a marier.

Mais a propos madame, dit la marchande de rassemēt, la fille de laquelle vous parlez, est elle aussi iolie qu'elle estoit lors que le Sieur Aduocat la recherchoit en mariage, ils en faut plus de la moitié luy respondit la gentille marchande Quinqualiere, & si ie doute d'elle, ce que ie ne veux publier, au regard du sexe, ceste parolle acheuée, la femme d'un Procureur de la Cour, demeurant en l'Vniuersité, entra dans la chambre, suivie d'une petite esmerillonné de seruant, qui se douta de ce qu'on vouloit dire de la

Discours de l'Accouchée.

belle Angelique, & ayant prins place le caquet fut renforcé par elle, & ment les autres fort a caqueter, que le meilleur Secretaire n'eut peu rediger le tout par escrit, neantmoins encores que leur babillonne allast bien viste, ie ne laissay d'en profiter, & de remarquer ce que ie iugay pouuoir apporter du contentement aux curieux, entre autre chose j'appris l'inuention qui se pratique parmi les Bourgeoises pour parroistre, quoy qu'elles n'ayent ny rente ny reuenu.

Sçachez donc, suiuant la relation mesme de la Procureuse, que l'inuention de parroistre a esté trouué par des femmes de pratique, depuis quinze ou seize ans en çà, a dessein d'aller au pair avec les Damoiselles de race & d'extraction, & pour faire a croire qu'elles en ont: mais c'est du Con tant, inuention qui est tournée en perfection, si perfection se doit appeller le vice, en sorte que pour le iourd'huy on ne voit plus ny de femme de Notaire, ny de Procureur, ny d'Aduocat, ny mesme de marchand & d'artisan, a qui la Soye ne traîne, depuis les pieds iusques a la teste, & pour entretenir cet estat, que ce fait il, sinon qu'un plan de cornes aux pauures maris, qui froidement vont au Chastelet, ou au Palais, tandis que leurs femmes se donnent carrière, & qu'ainsi ne

Discours de l'Accouchée.

soit demandez à Iouan Procureur, s'il n'est pas genit dans son haut de chauffe, s'il ne vous dit assurement que ouy, ie veux boire vn verre de vin muscat à ieun pour ma penitence. le vous en nommerois assez d'autres s'il estoit besoin: mais ie me contenteray pour le present de celuy là, en consideration qu'vn iour il demanda acte à mōsieur le Lieutenant, de ce qu'il venoit de trouuer vn homme botté & esperonné, couché avec sa femme.

Passons outre, & reuenons à nos marchandes, les cessions & les banqueroutes de leurs maris, qui leurs bastissent vne belle fortune, sans le tour du baston qu'elles font de leur costé, & de la façon qu'elles paroissent en Damoiselles, excepté la coiffure, tesmoing ceste picque de biscaye de la rue S. Denis, qui à fait faire plusieurs fois cession à son mary, & ne laisse pourtant de tenir boutique ouuerte.

Or sus, reuenons au caquet de nos bourgeois, & de nostre Procureuse, si tost donc qu'elle fut assise, elle fit signe à sa seruante de s'approcher d'elle, pour luy dire qu'elle s'en allast querir ce qu'elle auoit oublié, qui estoit vn libelle en vers, contre plusieurs filles & fēmes de ceste ville: aussi tost dit, aussi tost effectué, & à peine auoit elle dit à la cō-

Discours de l'Accouchée.

pagnie ce que c'estoit, que ladicte seruante reuint & apporta ledit libelle, qui fut tout à coup présenté sur le tapis, & la lecture s'en fit par la marchade Passementiere. comme la plus curieuse de toutes, le quel i'ay fait en sorte de copier, pour en conteter ceux a qui la curiosité resueille l'esprit, & à cause de la gentillesse.

Vne petite vendant de clou
Fut aperceue par vn trou
Qui enfilloit à la chandelle,
Vn petit de nom & de fait
S'est delecté dans le caquet
Qu'on a fait depuis de sa belle.

Vn grand lincu de bon minois,
Afin de violer les loix
Du Sacrement de Mariage,
En la maison d'vn Pourpointier,
A fait despriser le mestier
Pour honorer le cocuage.

Vn gros coquin garny d'escus,
Aspre aux plaisirs & aux abus,
Fit tant que Gaumont tout folastre
Luy presta sa femme à minuet,
Afin d'en prendre son deduet,
Puis en a fait l'accariastre.

Sur cecy la Passementiere change de coulleur, & voulut deshirer le papier ou estoient escrits ces vers: à quoy s'opposa formelle-

Discours de l'Accouchée.

ment la Procureuse, promettât a ladite Passementiere que iamais personne n'en auroit la cognoissance de sa part, dont elle en fut coniuurée par l'Accouchée, qui neantmoins auoit dessein d'en rire vne autre fois plus particulièrement, ainsi ce papier fut reserré, & commença-on de iazer & caqueter de la sorte.

A propos madame, dit la femme de l'Advocat, il est vray qu'on doit publier vn Edit pour la reformation des habits, & que Chalange en doit entreprendre l'execution.

L'en ay aucunement entendu parler, respondit la Procureuse: mais pourtant ie ne le puis croire, car il s'est trouué trop empesché à l'Edit des Procureurs, neantmoins repliqua l'Advocate, on en brui& fort par la ville, & dit on plus, qu'il passera plus facilement que nul autre qui ayt passé depuis deux ans, parce que ou les ambitieux pour paroistre donneront de l'argent en forme de rente, si on l'accorde, ou bien chascun sera cogneu selon sa qualité.

Hé, qu'importe d'estre cogneu par sa qualité, pourueu qu'on ayt forces pistoles, dit l'Accouchée.

Non, non, Madame, respondit d'affection nostre Advocate, il est bien necessaire de proceder à ceste reformation, l'argent

Discours de l'Accouchée.

n'est rien au respect des meurs, & certainement il est plus a propos d'honorer l'ame de belles actions, que parer son corps de beaux vestement, qui ne seruent en effect que de desguisement, quand on y apporte tant de fortes d'inuentions.

La marchande Passementiere, qui voyant bien que c'estoit d'elle qu'on parloit particulièrement, fit forme d'auoir affaire a son logis, & sur ce discours print congé de la compagnie, la sortie de laquelle apporta vn grand sujet de parler d'elle, & qui en entama le discours ce fut la Procureuse, qui dit vrayement la marchande qui vient de sortir a bien changé de poil, depuis qu'elle a quitté sa boutique, la cognoissez vous bien particulièrement, mes-Dames.

A ceste demande personne ne voulut respondre, que la petite affectée de Notaire, qui dit que du temps qu'elle estoit fille on en parloit fort, & qu'elle alloit la nuit trouuer vn certain homme pour coucher avec luy, & que afin qu'elle ne fut recogneue, qu'elle prenoit vn habit desguisé. Son mary estoit donc aux champs, quand elle faisoit ce train la, respondit la Procureuse.

Non, non, madame, luy repliqua la Notaire, c'estoit luy mesme qui luy faisoit aller, & ces façons de faire a duré deux ans ou plus,

Discours de l'Accouchée.

& puis le badin en est deuenu jaloux iusques là, que de l'auoir accusé d'adultere.

Madame, madame, soulagez vn peu l'honneur de vostre voisine, luy dit la Quinquahiere, on ne sçait pas ce qui no^d peut arriuer, toutes ces choses estant subiectes aux chagemens, il faut peu de chose pour nous renuerter veritablement la Quinquahiere auoit raison de parler de la sorte: car elle a les talons si courts qu'il ne la faut gueres pousser fort pour la faire choir; & de cecy ie m'en rapporte a ce qui en a esté escrit & produit, ainſi qu'il se voit par le libelle cy dessus extrait des memoires curieux d'vn des plus beaux esprits de ce temps.

Cet entretien commença de desplaire a l'Accouchée, & fit signe a la garde de luy apporter la collation, ce qui occasionna les Bourgeoises de sortir, & de prendre congé d'elle, au moyen dequoy elle print relasche d'vne demie heure, & apres ce temps vne autre compaignie vint la saluer, qui se tint avec elle iusques au soir.

Le discours d'icelle cōpaignie n'ennuyoit pas a l'Accouchée comme les autres car on n'usa iamais de mesdisance, sinon qu'vne merciere de la rue de la Harpe, enquesteuse au possible des affaires d'autruy, comme on parloit de la misere du temps, accusant en

Discours de l'Accouchée.

partie la siene, ne se peut empescher de parler d'vn de la vacation de son mary, qui a quitté sa boutique du Palais, pour faire faire monſtre à ses filles, elle n'eut garde de dire que sa boutique soit réplie de nenny que son mary faisoit passer ces conventions matrimoniales par la forest d'Angoulesme, ny qu'elle tolleroit la desbauche de sa seruante, a cause qu'elle ne pouuoit luy payer ses gages, aussi e'eut esté mal a propos de parler de la maison, & de ce qu'il faict, puis qu'on en parle assez en Bretagne & Normandie.

Or apres qu'vne certaine Gantiere, assez cogneuë, quoy que sa mere soit garde d'Accouchée, voulut mettre son nez au caquet, & commença de parler d'vn procez que son mary auoit contre vn aduocat, la perte duquel elle redoutoit fort, si elle ne s'y employoit de cul & de teste, en craignez vous la perte, luy dit la femme d'vn Commissaire, qui a prins la vache & le veau: vrayement puis que vous auez de l'argent, comme l'on dit: vous auez moyen de gagner.

A la verité, repliqua la Gantiere, si les Conseillers de la Cour sont aussi frians de presens, comme ceux qui ont rendu la sentence dont est appel, ie suis assuree d'auoir gagné la cause.

Madame, madame, luy dit vne grosse pa-

Discours de l'Accouchée,

moiselle en Normandie qui logoit n'agueres chez vn Chirurgien, i'en ay gaigné pour le moins vne douzaine au Parlement, sans que i'aye employé d'autre faueur que mon industrie. C'est pourquoy vous qui estes de bonne grace vous pouuez beaucoup, & qui auez si beau maintien.

Ie m'asseureray donc, respondit la Gantiere, en faueur de vostre bon Conseil, duquel ie vous remercie, & vous en baise bien humblement les mains, vous parlez de procez dit l'Accouchée, s'en est fait, respondit la Damoiselle, & puis c'est vne chose qui est de peu de consequence.

La femme d'un Procureur du Chastelet, qui demeure en la rue S. Martin, suyuant ces entre-propos, cōmença & dist, ie ne sçay quels procez il se fait depuis dix ou douze ans: car ie vous assure qu'encores que mon mary soit des anciens, que son Estude est aussi seiche qu'une langue de Bœuf par fumée, la pluspart du temps il ne fait rien que bayer aux Corneilles, & i'azer avec vn voisin que nous auons, qui fait des Luts, nous auons vn fils aduocat, qui ressemble les tapis que mettent les marchands sur leurs boutiques: car il ne nous sert que de monstre, & ce qui me afflige plus sur mes vieux ans, c'est que i'ay de trop grandes filles qui perdent leurs tēps

Discours de l'Accouchée.

fauté d'ouillage. *Alsb...*
Ie vous plains, ie vous assure Madame, luy dit vne ieune Damoiselle, qui a espousé le fils d'un Medecin, d'autant que mesdames vos filles sont assez aduenantes en mariage, toutes-fois madame, i'estimerois que vous ne feriez point mal d'en mettre quelque vne en Religion.

En Religion, respondit ceste Procureuse, vrayment il faut autant d'argent pour le iourd'huy pour y mettre vne fille, comme à la mettre en son mesnage, ie m'y suis assez employée pour ma grande, lors que ie l'ay veüe reformée en ses habits: mais ie n'ay rien gaigné.

La dessus vne ératée de Perruquiere, de la mesme rue, voulut donner son aduis, & enseigner vn moyen de mettre lesdictes filles en religion, parlant de celles ou sont les Capucines: mais à ceste abiection ladite damoiselle respondit que c'estoient discours, & qu'il y failloit encores auoir de l'argent: aussi bien qu'ailleurs, ou bien de grāds amis qui procurent le moyen d'y entrer.

Vne Bourgeoise de la rue Quincampois, ayant dessein de terminer l'affliction de la Procureuse, luy dit, Madame, ne vous affligez pas tant de vos filles, Dieu y mettra ordre à les pouruoir, & fera que quelques vns

Discours de l'Accouchée.

de ses bons seruices y mettront la main, on parle, ce dit-elle d'une nouvelle Religion, ou les filles de maison seront receuës à peu de fraiz, & dit on d'auantage que nostre Euesque a son aduenement veut faire largesse a ce subiect.

Ce sera vn grand bien pour son ame, dit la femme d'un Greffier, s'il donnoit vne année ou deux de son reuenu, pour pourueoir quelques filles, ou en religion, ou au mesnage, & retranchant vn peu de son rain, obligerait icelles a prier Dieu pour luy.

Ces propos paracheuez & finis, arriuerent encores quelques Bourgeoises d'une mesme compagnie, desireuses d'entretenir Madame l'Accouchée, de plusieurs choses qui courent parmy le monde, & de plusieurs façons de faire qui s'y pratiquent, les autres qui estoient arriuées il y auoit assez longtemps, prindrent honorablement congé, peu de temps après ceste arriuée, & après leur sortie, vne parfumeuse de la rue Saint Honoré, commença de dire, nous faisons vn beau silence pour estre venue visiter vne Accouchée.

Je vous asseure, Madame, luy dit vne de ses voisines, qui est femme d'un Tapissier, j'ay si mal a la teste des discours qu'on tient de nous, que i'en ay les ioues toutes rouges.

Discours de l'Accouchée.

Là, là, luy respondit la Parfumeuse, ce n'est pas la ou le bas vous blesse, c'est que vous faictes la fine pour iouer les deux, la Tapissiere repliqua la dessus qu'il n'appartenoit a iouer les deux qu'à la femme d'un Tailleur, d'aupres la rue des Prouelles, parce qu'elle entretenoit son mary en amitié & sans aucune ialousie, & si vn petit Procureur du Chastelet ne laisse pas de captiuer ses bonnes graces.

Comment dit tout aussi tost vne Frippiere, d'aupres la Tonnelerie, la petite Tailleurse ay ne la chycanerie, vrayement ie ne m'estonne plus s'ils vont si souuent aux champs ensemble, ce n'est pas ou ils font leurs meilleurs coups, dit encores la Tapissiere: mais c'est au logis de Paris: car assez souuent le Procureur prend occasion d'aller iouer au picquet avec le mary, & ainsi il choisit son heure.

Hé, si cela est sçeu à la Cour, dit la Parfumeuse, luy qui veut auoir vn Office chez le Roy, ce sera vne grande incommodité pour le Louure.

Chacune de ses Bourgeoises à ces paroles se prindrent a rire de si grand courage, qu'il sembloit a les entendre que ce fussent des asnes dedans vn pré qui brayassent pour estre couuertes, & moy qui parle, ie fus

Discours de l'Accouchée.

contraint, quoy que caché dans la ruelle du lit, d'en d'estacher mon aiguillette, craignant de passer en mes chausses.

Cecy finy, elles commencerent à caquer & à discourir du Comte de Mansfeld, l'une disoit qu'il estoit vn fort grand Capitaine pour vn Allemand, l'autre soustenoit qu'il n'auoit pas pourtant vn grand courage, vne autre disoit, qui auoit le iugement vn peu plus solide, dit qu'vne bonne fuitte valloit mieux qu'vne mauuaise attente, & qu'il y auoit plus d'honneur à laisser le cháp à ceux qui tiennent en main la victoire, que de receuoir vne perte d'omageable au profit & à l'honneur, & puis qu'ayant les gouttes comme il à, que mal-aysément eust il trouué du secours pour l'en soulager, si ce n'eust esté en perdant la vie.

En fin apres tant de sortes de comptes & de sornettes, la nuit approcha qui fut cause que chascune se retira à son enseigne.



LA SIXIESME IOVRNEE

& plaisante uisitation de
l'Accouchée.

DEsireux de poursuiure ma carrière, & de paruenir à mon but, ie fut d'abondant veoir ma cousine l'Accouchée, & l'entretent selon ma façon accoustumée, ce que i'ay faict, & recognoissant bien l'approche des visites qui luy seroient faictes, ie me rengay à ma cellule ordinaire, ou ie ne fut pas si tost entré qu'il arriua dedans la chambre vne bande de Bourgeoises de Paris, lesquelles apres auoir faict leurs reuerences & pris place, vne commença à dire, la porte est elle fermée, ie vous assure dit-elle à l'Accouchée qu'il y faut prendre bien garde: car pour le iour de maintenant l'on ne prend aucun plaisir à autre chose que de mal parler d'autruy: mais principalement on est bien aise de touchet sur la corde des femmes, & d'auoir prise sur elles, il y a plus d'vn mois entier que dedans Paris on nous

Discours de l'Accouchée.

appelle caquetteuses, on ne parle que du caquet des femmes, jamais le liét de l'Accouchée ne fut mieux remué, il est souuent retourné & feuilleté

Mais il n'y a que de la plaifanterie dedans dit la tante, c'est vostre honneur, respondit l'autre, cela ne tourne du tout sinon qu'a nostre des-advantage, s'il y a quelque bon quolibet, quelque gausserie, quelque risée, ou bien quelque pacquet, c'est toujours sur les femmes qu'il vient tomber, & toujours les pauvres femmes sont chargées, je ne sçay comment elles ont si bon dos: car bien souuent il faut qu'elles portent de petants fardeaux.

Comment ma commere, dit vne autre, c'est vne chose estrange, que soubz pretexte de Madame l'Accouchée on nous en fait payer la folle enchere, on dit mal de l'une, on se mocque de l'autre, on rit, on gausse, ce sont plustost des farces & Comedies qu'autres choses: jamais les femmes ne furent remuées de la sorte, l'une sera trop vieille a l'appetit de son mary, il se voudra mettre a la fraischeur, l'autre sera trop bouillante a l'appetit du sien, qui n'yra qu'a demie voye, l'autre aura cinquante ans, & pourtant on ne la marie pas, de sorte qu'elle sera contraincte de recoudre son pucelage plus de

Discours de l'Accouchée.

cent fois.

Que sçay-je moy, chascun nous donne tels quolibets que l'on veut, & ainsi pour ce iourd'huy en toutes les bonnes compagnies & assemblées on nous couche tousiours sur le tapis, puis apres nous seruons de iouer & d'entretien aux hommes, lesquels sont bien ayfés (pour leurs seruir de passe tēps) d'esplucher nos actions, & de syndiquer nos besongnes.

Madame, à raison, dit alors vne autre: car le temps du iourd'huy n'est plain sinon que de mesdisances & d'inuectiues, principalement a la Cour, ou l'ay de coustume de hanter, l'une aura vn œil trop brun a l'appetit de cestuy-cy, l'autre vn nez camus a l'appetit de l'autre: mais la plus part du monde ne voit point que ceux qui sont camus ont de grands Priuileges & immunités a eux concedez de la nature, sçauoir est, qu'ils sont exemps de porter des lunettes: droit qui est tres-beau, puis qu'il releue de la court des quinze vingtz, ou les aueugles President en Robbes grises, & Fleurdelisées, les autres ont des Robbes qui ne correspondent pas a leur qualité, si vne marchande porte le Satin a fleurs, de velours cramoisi, & en faut il en murmurer, pourtant elles seroient peu discrettes si elles n'auoient des plus riches &

Discours de l'Accouchée.

plus belles estoﬀes de la boutique, puis qu'elles mesmes les vendent & debiter aux autres.

Si auioird huy vne Passementiere porte vn collet monté a cinq estages, elle le fait pour vne consideration qui est tres bonne, sçauoir, afin qu'on ne puisse attaindre à son pucelage qu'elle cōstituë au dernier estage de son collet: Ce qui est bien approuué par toutes les courtisanes: car frottez vostre nez contre leur visage, cueillez les fleurs qui se espanouissent sur le marbre empourpré de leurs iouës, desrobez les roses qui vont eclatant sur le corail de leurs bouches, pillez les Lys qui blanchissent sur la neige yuoirine de leurs gorges, bref, mettez vo^r en quarties pour entendre le bal mesuré de leurs pommes iumelles, & les souspirs contrebalancez de ces deux Hemispheres.

Ce n'est point la ou gist le pucelage, pourueu que vous ne touchiez point au collet, vous estes le plus galand Cavalier du monde: mais si vne fois vous auez rompu vn rãg de passement, vous perdrez toute l'estime qu'on auoit de vous auparauant, elles ont bien raison, & ie soustiendray tousiours leur party en cecy, puis que leur honneur est au cinquiesme estage de leur colet, il nes'y faut iamais prendre.

Discours de l'Accouchée.

Pour moy, dit vne Damoiselle, ie ne sçay commēt on en veut tousiours à ces pauues femmes, c'est la rebute ordinaire de toutes les calomnies des hommes, s'ils ont fait quelque acte auquel ils croyent auoir acquis quelque disgrace, tout aussi tost la femme en à la part, ma femme est cause de cet accident, sans elle i eusse gaigné mon procez, & le plus souuent on trouuera que la femme aura meilleur droiet que son mary, & ainsi c'est nous mespriser.

Vne autre, qui s'entendoit à la Philosophie, & qui auoit choisi ce iour de visite, comme vn Medecin du quartier saint Honoré, qui ne vouloit coucher avec sa femme que par Lune, va dire, ie ne vois aucune raison formelle, qui puisse conduire ma cognoissance, à croire qu'on nous doie tenir en ligne inferieure avec les hommes: car premierement ils disent que nostre remperie est froide & humide, & que nos organes n'estant point bien disposez, il faut par vne consequence Logicienne, que nous ne pouuons exercer nos fonctions, avec l'auantage, dont iusques à maintenant ils se sont preualuz contre nous, & toutes fois ie prouueray tousiours par bonnes, valides, scientifiques & demonstratiues raisons, que nous surpassons de beaucoup le sexe mas-

Discours de l'Accouchée.

culin, ou a tout le moins, que nous ne luy sommes en rien inferieures: lettōs les yeux sur les sciences, ars, mestiers, pratiques & inuentions, la pluspart se trouuera tirée de la teste des femmes: car comme elles pullules en raretez subtilitez, prudence, & autres qualitez infinies qui annoblissent nostre sexe, aussi le peut-on aisément remarquer par des exemples & preuues irreprochables: C'est ce qui à esmeu Platon, a qui nul n'a debatū le tiltre de diuin, & consequemment Socratte son interprete, en bastissant les Loix & reiglemēs fondamentaires pour les Royaumes & Republicques, qui depuis souz icelles ont esté Regies & gouvernées, de les admettre dans les dignitez, charges, & Offices, & de les esleuer aux mesmes degrez d'honneur que les hommes, & bien d'auātage, ces lumieres de l'antiquité maintiennent & assurent auoir veu des femmes qui ont surpassé les hommes de leur patrie, si de cecy nous en voulons scauoir la raison, les Philosophes mesmes (bien que d'un sexe differend du nostre) diront, que comme la pureté du sang concure à la viuacité de l'esprit, que consequemment les femmes ont (ou doiuent auoir) l'esprit plus vif que les hommes, puis qu'elles ont le temperament plus delicat, on en à veu naistre des

Discours de l'Accouchée.

effectz tres certains de ce que ie dit, en Alexandrie, Egypte, Tarce, Rome, Frâce, & autres contrées de l'vniuers, de l'autre costé la femme est en mesme puissance que l'homme de produire des actes genereux, ce n'est faute le plus souuent que de les desfricher, si l'arbre ne porte point de fruit, c'est faute de le cultiuer, esmonder & desbrancher.

Combien y auroit il d'hommes hebestez & grossiers, si depuis le plus tendre de leur ieunesse on ne les iettoit dans les escolles, ou la plus part, le plus souuent apres auoir bien employé du temps, sont aussi scauants que quand ils y ont entré: ou au contraire, si on employoit apres les femmes la centiesme partie du soin & de la cure qu'on prend apres les hommes, on verroit des merueilles: car comme les femmes sont d'un temperament plus tendre, & ont le sang, comme i'ay desia dit, plus subtil, aussi auroient elles en bref les organes disposez à recevoir les especes intromisēs par les sēs interieurs: Combien a on veu de grands cerueaux de femmes regir, maintenir & gouverner ceste Monarchie & vne infinité d'autres Royaumes: C'est ce qui conduisoit iadis Plutarque a dire que les verruz des femmes alloient a l'esgal de celles des hommes, comme de fait on en peut veoir de grandes & irreprocha-

Discours de l'Accouchée.

bles experiences, il me souuient auoir leu dedans Tacite, qu'vn certain estant venu à Rome en grand équipage, pour estre Concitoyen de ladicte ville, & participer aux droits & immunitéz dont iouysoient iadis les Romains, & principalement ceux qui auoient le titre de Noblesse, qu'au commencement il se vantoit estre de la race des Dieux, se disant estre sorty d'vn Hercules, d'vne Thetis, d'vn Iupiter. on ne l'approuua pas pourtant: mais luy changeât de discours il vint dire qu'il descendoit en ligne collaterale d'vne Amalone, alors ce nom reueré & respecté du peuple Romain, le fit entrer au nombre des autres Citoyés, & participer aux mesmes priuileges. Les Lacedemoniens, gens experimenez s'il en fut iamais, ne faisoient rien qu'au parauant ils n'eussent consulté les principales femmes de la ville.

Il n'y à que cela qui me fasche, dit vne ieune mariée d'aupres le Louure, qu'il faut tant donner d'argent quand on se veut marier, c'est vne ruine, puis que vous dictes que les femmes vont de pair avec les hommes.

C'est encorés peu de consideration à nous de nous attacher à la cadene, & nous captiuer de nostre libre arbitre, souz leur Empire, & au bout a porter de l'argent en mariage.

Discours de l'Accouchée.

N'en scauez vous que cela, dit vne esueillee, qui estoit à vn bout, la cause pour laquelle les femmes apportent de l'argét aux hommes en mariage, c'est qu'ils acheptent vn fond pour planter des cornes.

La Philosophie, à ce mot reprit la parole, au rapport (dit elle) de Corneille Tacite, historien fidel des Annales Romaines, les Germains & Allemans, gens indomptables à la guerre, portoient dot à leurs femmes, & non les femmes aux hommes, & les principaux Sieges n'estoient regis & gouuernez que souz leur Sceptre & commandement.

En apres, si nous voulons nous fonder sur les principes, & sur les bases de la Metaphisique, nous trouuerons que la nature humaine est diuisée esgalemment, & de l'homme & de la femme, & par ainsi l'vn ne participe pas d'auantage à la raison que l'autre, Ea autem sunt vnum & idem, quoniam natura nō est diuersa secundū essentiā. Or si l'homme n'est qu'vn avec la femme, il suit necessairement qu'on ne peut calomnier l'vn, sans parler au des auantage de l'autre, de mesme que si on dresse des louanges au premier, elles ne peuuent qu'elles ne resultent & resiaillissent à l'honneur du second.

Te m'estendrois icy sur les Sibilles, qui ont communiqué avec la diuinité par leurs ora-

Discours de l'Accouchée.

cles & Propnéties, si leurs discours admirables, leurs bouches diuines, & leur langage doré ne fermoit la bouche a ceux qui nous veulent calomnier.

Pour leur valeur & adresse a la guerre, n auons no⁹ point ceste genereuse guerriere en Franc Ieanne la Pucelle: qui c'est tant signalée en tant d'affauts & rencontres, sans aller en Trace chercher les antiques Amasones: mais mesme en nos derniers iours ne voit on point des exemples de leur magnanimité courage & valeur, ou leur renom est graué au Temple de memoire a toute la posterité.

Toute la compagnie, qui durant ce haut & releué discours auoit fait vn silence, de peur qu'on ne luy imputast le nom de caqueteuse, fut rau en extase, de veoir leur cause si bien deffendue, & leur sexe si haut monté par l'ascendant que luy auoit donné ceste Docte & scientique Damoiselle: car elle auoit monstré (comme de fait personne ne le peut reuoker en doute) que la femme estoit en mesme ligne parrallele avec l'homme, & qu'il n'y auoit aucune difference entr eux, de maniere que cela estant, si les hommes viennent maintenant a vser de reproche & calomnie en nostre endroit (paracheua-elle) c'est sur eux mesmes que res-

Discours de l'Accouchée.

iaillissent leurs iniures, tout ne peut se faire en fait de calomnies qu'a leurs desauantages.

La compagnie n'en demeura pourtant la, on voulut veoir & examiner les cayers de Madame l'Accouchée, de laquelle on parle tant maintenant dedans Paris, l'vne ditoit que ce n'estoit qu'vne pure fiction inuentee a plaisir, pour la iouialité qui s'y rencontre, l'autre soustenoit que cela auoit esté fait, & qu'il se pouuoit faire, qu'il n'estoit hors de raison. Chascun se debattoit, l'vne tenoit pour faux, l'autre pour veritable.

Pour mon regard, dit la damoiselle du fauxbourg Saint Germain, ie crois que Madame l'Accouchée n'y a iamais songé.

A la verité (dit vne) si on parle mal des femmes, il y en a beaucoup qui en donnent le sujet, on familiarise par fois avec des personnes, qui soubz couleur d'vne feinte amitié font souuent naistre des soupçons en l'esprit de ceux qui regardent, on fait de mauuais rapports, & par ainsi les femmes sont souuent iniuriées à tort.

Voila mon dire, respondit vne fille de chambre, d'aupres S Iacques, depuis a uiourd'huy on voit vn homme pres d'vne femme, on en parle mal. Pour moy, ie suis d'vn naturel dispos & gaillard: I ayme tousiours mieux

Discours de l'Accouchée.

iouer au renuersis qu'au pi'quet, ie ne me picque iamais au ieu (poureu que d'autre part on ne passe trop auant dans les bornes de l'honneur) au reste ie ne suis pas toyeuse quand i entends mal parler de nostre sexe: c'est ce qui me tourmente le plus, & encore qui pis est, on m'à meslée dans les cartes de l'Accouchée, ie ne sçay comment m'en desgager.

Vous n'estes pas seule qui auez eu vostre pacquet (dist la cousine) i'en cognois bien d'autres, & des meilleures Bourgeoises de Paris; qui en ont leur part. Toutesfois, cōme ce sont friuolles, aussi ne nous y deuous point arrester, ny faire aucun semblant que nous nous en sommes formalisez.

Friuolles, ma commere, dit vne autre, S. Iean appelez vous friuolles de calomnier l vn de se rire de l'autre, de se gausser de celle cy: ou de mal parler de celle la, pour moy ie crois qu'on n'en peut inuenter d'auantage pour se mocquer de nous: car le pire que ie remarque en cecy, c'est que la pluspart sont accusées à tort & sans cause.

Vne autre, qui estoit à l'autre bout, prit la parolle pour toutes les autres en general, mes Damoiselles, dit elle, il se faut resoudre en cecy, il y a vn expedient fort propre, il est besoin en choses d'importāces d'appor-

Discours de l'Accouchée.

ter du conseil, il nous faut faire vn reglement en ceste affaire, pour moy ie trouerois bon que nous fissions vne lettre de defadueu, & vne signification pour nous departir de tous ces discours de l'Accouchée, la femme d'un Sergent du faux bourg S. Marcel approuuant son dire, respondit, que son mary ne prendroit rien des significations, & qu'inailliblement il publieroit lesdictes lettres par les carre fours de Paris, n'y ayant personne qui peut mieux tromper, ny trompeter que luy.

La septiesme iournée, & uisitation
de l'Accouchée.

EN vain vous auez veu les commencement des couches de l'Accouchée, & fueilleté ses premiere, ii. iiii. v. & vi. visites, si par mesme moyen vous ne voyez la septiesme, & ne veniez à ietter les yeux sur le progres, suite & aduancement d'icelles: & ce avec autant plus de desir que le uiet le semble requierir; C'est pourquoy, comme tesmoin oculaire de ce que i ay veu ie vous traceray en ces lignes ce que i ay appris en ceste septiesme, esperant, comme nostre puissance intellectuelle n'a des bornes qu'en tant que les cognoissances qu'elle a

uons dans la Sphere d'actiuité de son esprit, & qu'elle peut encores estendre d'auantage que par mesme moyen aussi ie vous en feray veoir d'autres, si l'occasion m'en donne le suiet, ce que ie fais icy. ce n'est qu'en forme d'arrie-faix.

Plusieurs s'arresteront icy sur ce mot d'arrie-faix, qui peut estre n'ayant iamais penetré dans les Cabinets de la Medecine, ignoreront de prime abord ce que ie veux entendre par la superficie de ce discours: mais ayans visité le dedans, & veu ce que i y couche. ils verront qu'à iuste tiltre ie deuois en ce lieu parler de l'arrie-faix de l'Accouchée, puis que iusques icy on en auoit tant & tant fait de ceremonies.

L'arrie-faix, si nous nous voulons rapporter à Madame Perrette, sage femme du Faux-bourg Saint Marcel, n'est autre chose qu'une superfluité de matiere, qui s'esuacue hors de la matrice apres l'enfantement, laquelle superfluité, comme elle est excrementielle, aussi estant retenue dans les concauites de la matrice, & engluée dans les membranes, qui se retrouuent la dedans, cela eut de beaucoup incommodé l'Accouchée, c'est pourquoy il la faut ieter dehors. afin qu'estant reintegrée dans sa premiere santé: que nous aussi ayons l'honneur d'assister au

Baptisme de son enfant: qui se fera à Saint Mederic, si Monsieur Pierre sy rencontre: car il est fort subiect à dire son Breuiaire, & ses sep: Pleaumes, pour Mademoiselle de la Garde.

Et pour entrer en lice, & mettre la lance de ce discours dans l'estrie d'une suite admirable, ou ie puisse courre la carriere de bien dire, & vous faire veoir le fruit d'une naifueté gaye & naturelle, vous deuez scauoir qu'ayant apperceu que tout le monde, tant fols que sages, auoient bandé le rouet de leurs inuentions, pour deslacher quelque coup de mesditance, & s'estoient appliquez à faire des discours, ou plustost des mixtiōs pour faire quelque bouillon à l'Accouchée, que ie pouuois: sinon avec autant de rhyme au moins avec autant de raisons l'aller voir ainsi que i'auois autrefois fait, & comme de vray, Mardy dernier ie m'y acheminay avec bonne intention d'en tirer mes pieces aussi bien que les autres.

Ce fut le matin que ie fis ceste belle entreprise, croyant que ie verrois Madame l'Accouchée en son Pontificat: mais ayant frappé à la porte, qui estoit entrebaillée, ie fus tout estonné de la voir en la salle d'embas, pres du feu, qui faisoit seicher vne coiffe à passément pour l'apresdinée: i'ay sceu que

Discours de l'Accouchée.

toute la matinée elles sont debout, & que l'Après dinée elles se couchent & s'accomodent, se peignans, frilans & encourtinans superbement dans leur lit.

A peine eut-je frappé qu'elle prit la fuitte & gagna au pied, de peur d'estre recogneüe, croyant infailliblement que ce fust quelque Dame qui la vint veoir, la seruante qui vint à la porte, me dit, Monsieur, Madame est vn peu indisposée pour l'heure, reuenez apres-midy (s'il vous plait). Ceste responce me fit retirer aussi froidement que Monsieur de la Garandine, qui estant allé soupper en ville, fut contraint à son retour de coucher à la porte, la femme s'estant r'enfermée avec vn ieune Aduocat, de la rue Sainct Denis. L'attendis pourtant que midy fut sonné & alors entrant & saluant l'Accouchée, ie luy demanday le mesme priuilege du passé, & en obtenant franchement la prerogatiue ie me retiray dans mon Oratoire accoustumé derriere le cheuet du lit.

Or il est à remarquer, qu'en ce iour il n'y auoit que les bourgeois qui faisoient leurs visites: car les iours precedents les grandes Dames & Damoiselles y auoient passé Madame la bruine nouvellement erigée de Rauerniere, en grande & superbe Marchande commença à dire.

Discours de l'Accouchée.

Comment ma cousine, n'avez vous pas ouy parler de la drofferie qui s'est iouée dernièrement en vn Pelerinage, qui se fit à nostre Dame des Vertus?

Aussi vray ma cousine, respondit l'autre, voila les premieres nouvelles que i'en ay encore ouy parler: C'est la plus plaisante Tragedie que vous ouystes iamais, dit vne vieille de la rue de la Harpe:

Pour vous commècer ce discours, ma cousine, dit la premiere, vous deuez sçauoir que pour le iourd huy on en préd ou l'on en peut attraper: Deux ieunes dames, que plusieurs cognoissent, ne sont-elle pas de la Paroisse S. Germain (dit vne fille de Chambre?) il n'importe de quel quartier elles soient, il ne les faut pas nommer?

Elles alloient en fin l'autre iour à nostre Dame des Vertus, accompagnées de deux braues Courtisans, qui dés long temps ayant faict la partie, ne cherchoient que l'occasion de trouuer vn Tripot, afin de paracheuer le ieu en cinq ou six coups de grille, leurs marys qu'on dit n'estre point de Iustice car s'ils eussent eu le droict, peut estre qu'ils n'eussent point encouru l'affront qu'ils encoururent depuis, voulant iouer leur personnage en ceste Tragedie, aussi bien que le Sieur Dermingere, en la rue S. Martin, ou il pen-

Discours de l'Accouchée.

sa se rompre les hypocondrilles & le train de derriere, songerent qu'en ce cas il falloit se desguiser, & que pour ce faire, il n'estoit mal a propos de prendre l'habit de quelque Moyne ou Religieux, les vns disent qu'ils prindrent l'habit de Capucin, les autres tiennent qu'ils estoient habillez en Mathurins: quoy que s'en soit, ils estoient desguisez, & soit de l'autre habit ils auoient de l'auantage: car s'ils estoient accommodez en Capucins, ils eurent ceste prerogatiue qu'en allant ils porteroient la corne derriere, à cause du capuchon, & en reuenant ils en porteroient deux sur le front, s'ils estoient habillez en Mathurins, c'est qu'ils commençoient dessa à se faire receuoir en la grande Confrairie des fols, comme à fait depuis peu vn Passementier de la rue saint Denis: S'estant habillez ils suiuirent de loin nos Pelerines, qui estant arriuez au lieu, prinrent la meilleure hostellerie, nos Religieux ce pendant vont à l'Eglise pour faire bonne mine, ou tout le train arriua, vne entr'autres de ces deux Dames vint s'adresser à son mary, auez-vous celebré, mon Pere? le mary, qui se renfoçoit dans son chapperon, luy respondit comme en reculant, peur d'estre recogneu l'ay celebré des le matin, Ma dame, excusez moy, on en demanda autant à l'au-

Discours de l'Accouchée.

tre: mais on n'eut autre responce de luy, sinon qu'il estoit indisposé: cela les fit tourner d'autre cesté.)

La Messe dicté, nos gens s'en retournerent desieuer, ils demanderent vne châtre escartée, on les conduit en la chambre la plus proche des tuilles, & comme ils estoient en bonne disposition, les religieux qui estoient habillez pour entrer en la Confrairie des Cornards, qui est maintenant si peuplée dās Paris, demanderent vne choppine de bon vin, afin de voir le succez des affaires: on les meine dans vne petite estude, qui respodoit sur les Pellerines, ou par vn petit trou ils aperceurent de quel bois estoient faictes les cornes qu'on leur alloit planter sur le frōt.

Changeons de discours, ma cousine, ceste Histoire est trop ennuyeuse, & si on en parle assez par la ville, icelle ne fut donc pour lors acheuée, ny mesme vne autre assez tost qui fut recommencée par vne de ces cousines, qu'vne de la compagnie, qui n'auoit encores rien dit, sinon qu'escouter les discours de ces deux cousines, & ce pour le respect qu'elle estoit nouvellement mariée, voulut raconter pourtant en passant quelque chose du sien: Qu'vne sienne parentes estoit allée plaindre à vn certain camus des Marais du Temple, que chascun cognois assez, pour sa

Discours de l'Accouchée.

vailance & grandeur de courage, que son Pouruoyeur luy deuoit beaucoup d'argent, il fit fort bien responce en souf-riant, que ce n'estoit pas a luy qu'il failloit s'adresser, & qu'il ne pouuoit que faire a cela: mais l'ay entendu depuis peu de iours que dieu la puny de vingt mille escus, qu'il a perdu au ieu: ce qui afflige fort Madame sa femme, qui ay me l'esclat de l'or, & ne suit en cela l'exemple de son Pere, lequel a mis aux pieds les richesses de ce monde.

C'est le souhait qu'on a d'estre braue, qui cause qu'aucuns ayment les richesses, dit vne cousine, qui s'ennuyoit de ne paracheuer l'histoire de ces Pelerines. Tant y a, dit elle que ces maris, ma cousine, eurent aussi mal & a contrecœur de veoir r'accômoder leurs femmes, que M. Râuille qui eut l'autre iour vn soufflet malgré luy dans le Palais.

Cecy veu, ils s'en retournerent: mais le mal'heur en voulut que les cornes leur commencerent a croistre en la future Coronale, ie veux dire cornale, ils ne peurēt jamais remettre leurs chapperons dedans la teste, ou pour dire. (avec Monsieur du Fresne) la teste dedans leurs chapperons, les bonnes Pellerines reuindrent apres midy, ou nos Religieux leur vouloient donner l'absolution, comme de fait ils leur pardonne-

Discours de l'Accouchée.

rent la coulpe, bien qu'a regret: (car il est impossible de renfoncer les cornes qui ont commencé de paroistre: (mais pour leur peine, ils se resolurent de les porter en ce monde, afin de les delcharger d'autant en Purgatoire, si de fortune leur chemins adonnaot en ces quartiers la, de façon que les Pelerines furēt bien espouffetées de la poudre, que peut estre elles auoient pris le long du chemin.

Cela pouroit il estre vray, ma cousine, chascun en va bien fort a la moustarde, en nostre quartier, dit vne Drappiere, de la rue Saint Honoré, pour mon regard, il me souuient bien de leur auoir vendu de tres-bonnes estoffes, & qui estoient trop releuees a leur qualité.

N'est ce point vne grande impudence, (dit vne autre) de Madame Remonde, qui védoit des confitures il n'y a que trois iours, & auiourd huy soubz l'esperance d'vne tres-bonne succession la voyla Damoiselle, & mariée a vn homme de qualité, & porte les coletz qui sont montez a quatre & a cinq estages, & les corillons de Satin a fleurs, pour moy ie ne scay pas comment l'on tollere cela.

Voila tout comme va le temps d'auiourd' huy, l'on se plaisir a brauer & a piaffer par

Discours de l'Accouchée.

les ruës.

Mais a propos de succession, Madame la Renardiere est bien empesché depuis deux iours, elle esperoit auoir toute la succession de sa sœur, qui depuis vingt ans a esté sterile, elle n'a esté recherchée en mariage, que sur ceste esperance, & sans cela elle eut esté biē empeschée de trouuer seulement vn bon Huissier pour mary, & auourd huy que sa sœur a fait vn enfant, contre l'opinion de tout le monde, la voila priuée de quinze mil escus, qu'elle pouuoit raisonnablement esperer.

Il ne faut iamais conter sans son hoste, ce dit vne Bourgeoise du faux-Bourg S. Honoré, il y a, qui vn certain auoit aupres de nous, à qui vn certain auoit donné & passé par bon contract, tout son bien, durant sa vie, ce qui pouuoit bien reuenir a quarante mil escus, ils seront bien empeschez de l'auoir: car les parens disent que la donation est de nulle valeur, & qu'on ne doit vsurper ainsi nullement le bien des mineurs, au des aduantage de toute vne famille, & comme de fait, à l'appetit d'vn homme qui portera quelque affection particuliere a vn autre, doibt-il pourtant priuer ses enfans, des biens & possessions qui leur sont deubz naturellement, on ne les peut des-heriter

Discours de l'Accouchée.

de la sorte, & en ce y l'Arrest des Berulistes y est formel de façon que ie crois que lesdits Religieux serōt bien esloignez de leurs quarante mil escus

Madame, a raison, dit l'Accouchée, moy qui ay sept enfans, si ie voulois donner mon bien a quelque Religion, ce seroit rendre ma famille pauvre, & reduite a mandier son pain, c'est auoir peu de consideration pour des enfans.

Les enfans en font quelques-fois cause, Madame, dit vne autre, qui estoit au pied du liēt, la plupart d'auourd huy sont si orgueilleux, que mesprisans le lieu d'ou ils sont venus, s'accommodent en Princes & grands Seigneurs, tel qui auouro' huy n'a pas cinq sols vaillant, qui fera autant de parade, comme s'il auoit de grands biens & possessions

Vne qui n'auoit encore parlé, il ne faut, dit elle pas aller si loin, Madame le Doux en peut porter tesmoignage, voulez vous veoir vne chose plus poupine que sa fille, il n'y a que deux iours qu'elle estoit fille de chambre, au logis de monsieur de Cheureuse, & maintenant elle porte autant d'atours que la plus grande Dame de la Cour: mais pourtant elle a beau se parer, ny pour son maſque, ny pour ses Perles, ne luy blan-

Discours de l'Accouchée.

chiront point le teint.

Auiourd huy, dit vne Marchande de perles, les Damoiselles (a ce que ie peux veoir a la vente) obseruent, que plus elles sont blanches, plus les Perles qu'elles achètent sont noires, ou au contraire si vne Dame est vn peu brunette, elle marchandera des perles les plus blanches que l'on pourra trouver.

Voyez vous plus grande superbe & arrogance, que celle de Madame Clairmonde qui depuis vn certain temps s'est faicte Damoiselle, aux despens de son mary, qui porte les cornes, dit vne de son quartier, depuis qu'elle a commencé de porter le masque, elle est si orgueilleuse, que mesme dans l'Eglise elle ne le defferoit point pour tout le monde.

Cela est intollerable & insupportable, ie vous assure qu'elle le fait a cause de sa laideur, dit sa voisine.

Pour mon regard, dit vne ieune esuentée, qui aime bien le haut goult, ie ne trouue point mal a propos, si Madame de qui vous parlez s'accomode bien, il y en a bien d'autres qu'elle entre nous autres qui sont Procureuses du Chastelet, elle ne demeure pas fort loing de la, sans doute, nous plurons la pouille du Villageois, il ne nous en

Discours de l'Accouchée.

chaut de tout le bruiet qu'on fait courir de nous, pourueu que nous ayons dequoy faire gargotter nostre Marmite, c'est le principal.

Ie ne sçay pas comme se manient & gouvernent les autres de nostre qualité: mais pour mon mary, il est le plus heureux homme du monde, tantost on luy fera present d'vn Lieure, tantost d'vne couple de Perdrix, tantost d'vn Pasté de venaison, il ne faut pas mentir que cela nous accomode grandement bien.

Vne vesue qui estoit pres de la porte interrompant son discours, va dire, ie ne sçay pas comment toutes ces affaires se practiquent: mais on me dit l'autre iour qu'on auoit ioué vn plâtant traict à vn Procureur de nostre quartier, chacun commença à dresser les oreilles pour ouir ce traict, c'est, (dit elle, que l'on luy enuoy a vn fort beau Pasté, en forme de venaison: mais quand on vint à l'ouuir, on trouua qu'il n'y auoit que deux cornes dedans: C'estoit vne viande qui estoit de dure digestion, ce ne fut pas à nous à qui ce present fut donné, repliqua l'autre, ce fut à nostre voisin, comme si on ignoroit qu'elle a enchroniqué son mary elle mesme au rang des cornards: mon mary sçait mieux que c'est de viure que cela, d'autât qu'il a des

Discours de l'Accouchée.

affaires pour les Marguilliers de Baignolet, & pour les Manans de Ville juif qui ne sont point ingrats: car mon mary emporte tousiours plume ou aille.

Vne autre, qui auoit autres fois esté fiancée a son mary, & qu'il le cognoissoit, va dire, c'est donc la cause pourquoy on appelle les Procureurs volleurs & larrons, Madame, puis qu'a tort ou a droits ils prennent des deux mains.

Vous n'y estes pas, se fit vne esueillée, la raison pourquoy on dit que les Procureurs sont volleurs, c'est qu'ils n'ont qu'une plume, & si pourtant ils volent mieux que pas vn oyseau qui soit en l'air.

Il y en a assez qui prestent argent à vsure, dit vne des voisines, de la rue S. Anthoine: c'est là ou s'ont les gros vsuriers, il y en a trois qui sont en chambre garnie, qui sont de Rennes en Bretagne, & qui ne se communiquent qu'avec beaucoup de difficultez, l'un est rousseau, & les deux autres noirs: mais ce sont les gens les mieux entendus qui se peuuent remarquer.

Monfieur Gratio Italien, & Monfieur de Verdure les cognoissent bien, ce sont leurs partisans, tout passe par leurs mains: mais s'il faut faire quelque chose d'importance, attraper quelque ieunes gens, les suborner

Discours de l'Accouchée.

& seduire, ce sont ces Messieurs, s'il faut bailler cent escus pour en auoir cent cinquante au bout de trois mois, ils y sont les premiers, il n'en faut demander auis qu'à monfieur de la Tour, ce Fermier tant renommé, qui à esté englué assez bien, depuis huit mois en ça, quand il alla emprunter de l'argent à ses Maistres affronteurs, pour marier sa fille.

Vne vielle de la rue Saint Victor, y voulant mettre son nez, ne sont ce pas, dit-elle, ser receleurs de la ieunesse, qui prestent de l'argent à rendre, Prestre mort ou marié, il y en eut vn de nostre quartier l'autre iour le plus vilainement affronteur du monde: il n'y a point de danger pour dire son nom, c'est Monfieur de la Croisette, lequel auoit presté à diuerses fois quinze cent liures, à vn ieune Aduocat, de la rue Saint Jacques, le Pere duquel est mort depuis six mois en ça, esperant retirer au double quand il se marieroit.

Or il est arriué, que ledict Aduocat est mort ces iours passez, de façon que mon drosle vint faire bien sceller vn coffre: mais en fin, soit que les parens eussent soustrait ce qui estoit dedans, soit que les Sergents eussent quelque intelligence la dessoubs, & qu'ad on vint a ouuir le coffre pour faire in-

uentaire de la argenterie, meubles, chaisnes, & ioyaux qu'on croyoit estre de la dedans, on n'y trouua que des pierres.

C'est la façon d'Vlepiegle, dit vne, qui auoit leu les Romains.

Sur ce mot on couppa le discours, pour entretenir Madame l'Accouchée de tout ce qui s'estoit passé en ses dernières visites.

Pour l'heure, dit elle, ie me porte bien, ie voudrois qu'il me fust permis de sortir, ie serois bien aise de prendre de l'air, aussi il y a long temps que ie suis icy renfermée.

L'Accouchée estant battue de tant & tant de discours & rapports qu'on luy venoit faire de iour à autre, pria sa mere de congedier la compagnie, & de ne prendre en mauuaise part tout ce qui auoit esté dit chez elle.

Sur cecy Adieu, toutes les Bourgeoises prindrent congé d'elle, avec toutes sortes de reuerences & de courtoisies, moy particulièrement qui sortit le dernier, & eut ce bonheur que de baiser l'Accouchée, en prenant congé d'elle iusques au reueoir.

La huitiesme iournée, & derniere visitation, au releuement de l'Accouchée.

PVif que par l'ordre le mieux réperé de la nature, chacun est obligé de suiure les traces & les vestiges de son naturel, on ne doit s'estonner si pour le iourd'huy ie ne sçay quel croquant de ce siecle à voulu quitter le plus specieux de son exercice, pour s'auillir dans vne intemperance aussi legere que la pouldre, & autant inconstante que les vents & les fumées: toutes fois ses années & sa qualité deuant faire rougir toute insoléce, dans vn silence de discretion, c'est ce qui à faict cognoistre aux ames plus grossieres que toutes choses sont suiettes à faire ioug à l'inconstance, & qu'il n'y à rien de si stable & de si permanent, qui ne reçoie des diuertissemens tres importās à la police des bones mœurs.

Excusons-le, il est sur l'âge, il est chargé de beaucoup d'enfans, & sur tout d'une grande fille à laquelle il ne peut trouuer vn bon party faute d'escus, & puis il est nouvellement releué de maladie, qui faict que ses esprits sont alienez, ou du moins fort enga-

Discours de l'Accouchée.

gez dans la diuersité des choses, ne considerant pas qu'en se gauffant de la Comedie, on rit de luy, dece que la volupté s'exerce fort frequemment en son logis, par le concert ordinaire d'une douce Musique, qu'il semble vouloir excuser, neantmoins comme l'ay appris d'un Escolier, nouvellement reuenu de l'Vniuersité de Poictiers.

La Comedie & la Musique estant d'une mesme cathégorie, d'une mesme trempe, & d'une mesme composition: car si la Comedie imprime des dissolutions dedans les esprits, la Musique n'en fait pas moins, & si l'une refuseille les sens, l'autre les iette à la renuerse.

A bon Chat bon Rat, il n'appartient qu'au Sauetier à parler de sa Serpente, à l'hyurongue de sa bouteille, au petit Mercier de son filet & de ses allumettes, aux femmes de caqueter à double raree, & aux Oysons de chier par tout, il est vray selon le dire de la garde, de Madame l'Accouchée, qui à le fessier plus gros que n'eut iamais la Hague-nee de Gargantua: car il faut grandement s'estonner comme un homme de merite & de qualité s'est amusé en la ruelle d'un lit, pour entendre & escrire tant de sottises.

Surquoy la seruante de chambre du logis esmerillonnee au possible, autant desireuse

Discours de l'Accouchée.

de scauoir & de gouster de tout, comme peut estre sa Maistresse, remonstra en ma faueur qu'il valloit mieux mentir vn peu, pour contenter le monde, que de laisser son esprit enrouillé, & qu'estant de la Confrarie de ceux qui vont à pied pour le present, qu'il n'estoit pas mal-seant de faire telles fortes d'escritures, puis qu'on ne faisoit plus de consultations.

Il est tres-certain, & n'est rien plus vray, que c'est vne pauvre chose que l'oyfueré, respond la femme de l'Aduocat: mais aussi quel profit luy reuiét il de discourir de plusieurs honnestes Dames, qui ne luy scauent point de gré, & qui sont les capitalles ennemies maintenant, & lesquelles au besoing l'ayant rencontré sur pareilles entrefaictes luy feroient vider le pot à piffer pour sa penitence.

Sur ces entrefaictes arriua la cuisiniere, laquelle pour mettre la femme de l'Aduocat & la fille de chambre d'accord, leur dit, il n'est pas vray ce qui a esté escript ses iours passez, la mere de Madame ne se plaignoit elle pas de tant d'enfans que sa fille à eu depuis sept ans en ça qu'elle est mariée, par Saint Iean cela est vray, & mesme que ie scay fort bien pourquoy elle faisoit tant de plainctes: car la gallande encores qu'elle

Discours de l'Accouchée.

le soit assez incommodée, l'appetit de paroistre ne la peut quitter, & toute surannée qu'elle puisse estre, elle ne laisse pas de dire par fois, qu'elle est grandement obligée à Tabarin, aux bons entendeurs salut

Ce discours ne fut pas si tost finy, qu'une petite muguette de la rue Sainct Martin entra dans le logis, pour sçavoir de la disposition de Madame l'Accouchée. & pour avoir cet honneur que de s'offrir à son service, pour le iour de son releuement, ou elle ne fut pas si tost entrée, qu'un certain Clerc qui va tantost au pair avec son Maistre, à cause de quelque gentillesse dont il est pourueu, luy demanda, hé bien Madame, que dit on du caquet de l'Accouchée que l'on a fait Imprimer ces iours passez, n'avez vous point encores eu la lecture, vraiment respondit elle, c'est vn discours qui est assez ioly, & duquel j'ay receu vn infiny contentement, & principalement sur ce qui est recité d'une damoiselle qui iettoit des souspirs gros comme des boulets de Canon, de ce qu'il y a tant de peine pour se garantir des malheurs & accidens qui arriuent aux Financiers, faute d'estre alliez à quelque Gentilhomme de remarque: car son mary à fait perdre plus de pas à vn mien amy, pour le payer de la pension que le Roy luy donne, qu'il n'y a

Discours de l'Accouchée.

presque de iours en l'an.

Comment, luy respondit ce mignon de Clerc, vous la cognoissez bien, ouy assurement ie la cognois, & à mon grand dommage, mais n'en parlons plus: A Dieu Monsieur, ie m'en vais sçavoir la disposition de Madame: ainsi elle monta en la chambre, & laissa cheoir de sa pochette, sans y songer, vn certain papier enueloppé, ou estoit escrit que la fille d'un Sergent à verge, auoit abandonné il y a quelque temps son Pere, vieil qu'il estoit, pour suiure par tout Mademoiselle, a cause qu'elle luy faisoit porter l'attour, & d'autres petits secretz qui estoient interez dedans ledit papier.

En suite de ce discours, il y auoit vne reprimande contre l'Autheur du Cacquet de l'Accouchée, en consideration de ce qu'il auoit recité d'une Marchande de Soye, de ceste ville, qui disoit auoir vendu pour douze cent liures d'estoffes, pour la fiancée d'un Thresorier de Picardie.

Aussi qu'elle apparence de se gauffer, ou de dire que l'on c'est gauzé d'un homme de ceste qualité, pour auoir fait vne si petite despence: car encores qu'il n'ayt que douze cent liures de gages, n'y a il pas le tour du baston qui vaut mieux que tout, & qui peut entretenir le Carrosse & les Lacquais, outre

Discours de l'Accouchée.

l'ordinaire du logis.

Laiſſons là les Threſoriers, c'eſt vn crime d'en parler en temps de guerre, le trouble du temps & leur bel eſprit les licentie, bref, il n'eſt pas temps d'en faire la recherche, nous ſommes en vn temps d'eſtat, auquel les armes ſont plus de requeſte, & le conſeil des anciens guerriers, que celuy des Magiſtrats, ſi ce n'eſt dans les villes bien poli- cées, ou la rebellion eſt en meſpris, dedans leſquelles il n'y a difficulté queleconque que les femmes des notaires n'alloient au traque- nar de l'ambition & des braueries, puis que la continuation de la guerre faiſt engager toute la Nobleſſe de France, & iuſques au moule du pœurpoint pour trouuer de l'ar- gent a rente.

Pour moy i'en cognois vne aſſez familie- rement, que ſur ce point aymeroit mieux cent fois mourir, que ſi quelques vnes de ſes compagnes la turpaſſoit, & auſſi a elle le maintien aſſez beau & venerable, le diſ- cours aſſez affilé, & pour eſtre vn peu noire de viſage, elle n'eſt pas pourtant laide ſouz le linge.

Jeſtimerois que ce papier eſtoit vne eſ- pece de reſponce a ce pretendu caquet de l'Accouchée: car il y auoit outre ce que deſ- ſus, l'Apologie de la femme d'un Aduocat

Discours de l'Accouchée.

du Chaſtelet, que l'on diſoit auoir mis ſon nez en ce petit diſcours de brauerie, de la- quelle eſtoient eſcrits ces mots.

Si les Empereurs par leurs Conſtitutiōs & par leurs Nouuelles, ont entendu declarer Nobles les Aduocats, quoy qu'ils fuſſent de baſſe extraction, pourquoy voudroit on au- iourd huy corriger leurs actiōs, apres s'eſtre aduancez par leurs vertuz.

Aux Nobles, tout ce qui eſt de noble doit eſtre permis & toléré, & rien ne doit borner leurs actions, que leurs propres volontez, qui ſont d'ordinaire leur refuge dans la biē- ſeance, & non dans les opiniōs d'un ingrat & d'un insolent vulgaire, qui ratche de s'eſ- leuer au preiudice d'autrui, quoy que le plus ſouuent il n'aye des ailles que de cire.

Donc ſi les Aduocats portent en ce temps des Souſtanes de Damas au lieu de Sayes, il n'eſt point ſi mal à propos qu'à vn ſimple Procureur, qui n'aura que deux ou trois pre- ſentations tout le long de l'année: qui ne ſe- ra pas honteux d'en faire de meſme, & puis le regne de la confulion eſtant en luſtre, ce n'eſt point a ceſte corde là qu'il faut tou- cher.

Le Roy eſtant de retour dedans Paris. il donnera (Dieu aydant) ſi bon ordre aux de- ſordres qui ſe ſont coulez parmy le peuple,

Discours de l'Accouchée.

qu'à l'imitation de ses ancestres, la police qu'il introduira, fera que chacun sera cogneu pour tel qu'il est: alors le petit courtant de boutique ne portera plus le Castor, à l'enuie de la Noblesse, & des hommes de qualité, il sera bien heureux de porter le petit bonnet à l'antique, & Madam. e la Bourgeoise sa femme sera toute gogelue d'estre habillée de bon gros drap, au lieu de vestement de Soye (ainsi qu'une trop grande licence a tolléré depuis quelque temps) ce sera lors qu'on ne tiendra plus le cacquet des maris, comme l'on fait, on ne parlera plus de leurs aydes, ny des offres de courtoisie, qui se font par fois, pour soulager le bonhomme, bref, tout sera remis en si bon ordre, & en si bonne cadence, que les lieux destinez pour l'impudicité (quoy qu'ils soient abolis depuis vn long-temps en ça) seront neant moins retenuz & conseruez pour celles qui font banqueroutte à leur honneur.

A grands Seigneurs peu de parolles, j'ay appris par le Cacquet, que l'assistance de l'Accouchée estoit composee de plusieurs femmes, & de diuerses qualitez, lesquelles disoient chascune leur ratelée, & ainsi que leur conception ou leur enuie les prouuoit: ce que le suis d'aduis de croire, si la-

Discours de l'Accouchée.

diste Accouchée estoit quelque femme à l'occasion: toutes fois estant certain qu'il ny a reigle si certaine qui ne reçoie ion exception, ceste Accouchée estant quelque peu releuée en qualité, il est a presupposer qu'il ny auoit point tant de sortes de femmes comme l'on dit, & pour le iourd huy si vne femme a vaillât cinq ou six mille liures, il faudra tapisser la maison par tout, & mesme parroistre en vaisselle d'argent, & quand elle ne seroit que la femme d'un petit Commissaire du Chastelet, il faut que le Sarin marche à toute reste, sans auoir aucun soucy de debte.

Il y en a beaucoup qui s'en font a croire, tesmoing ce qu'a fait vn certain Gantier, qui depuis quelque temps en ça, afin de faire le Galand en son quartier, au preiudice d'un disciple de Saint Yues.

Et puis on parle du Sieur d'Ambray, qui fit vn don a l'Hostel Dieu de trois pains de sucre, pour soulager sa conscience, veritablement qui voudroit parler de tout le monde, & comme il se gouuerne, on feroit vn beau libelle, les honnestes hommes ce sont ceux qui vont bien couverts, & quoy que l'on ayt vn grand esprit, & accompli des plus rares pertections, ce n'est plus rien, il en faut auoir a quelque prix que ce soit, faut chasser

Discours de l'Accouchée.

au loing la necessité, aussi bien quand on à plumé la poulle & le pouffin, les Peres de la Societé absoudent tout ce qui m'occasionne de dire ce que disoit ce Poëte.

Impia sub dulci melle venena latent.

Ouy, soubz les herbes plus fueillues & plus espoisses, les Serpens & couleuures font leur retraicte, & soubz les honnestes apparances des vestemens de ce siecle, font les plus pernicieuses conspirations & y prennent leur estre & naissance: tellement qu'il est mal a propos de se plaindre des Escheuins de nostre siecle, qui par fas & nefas emplissent leurs bourses, a la sortie de leurs charges, si l'on ne dit qu'il y a vn grand abus aussi a la distribution des deniers prouenâs de la succession de la feu Royne Marguerite: car si Malsey se gause de sa part du procez par luy intenté au Parlement, il y en a d'autres qui font bien leurs affaires, les vns entretiennent le Carrosse, & les autres font bonne chere.

Hé bien, l'on à grandement rompu la teste de Madame l'Accouchée, par la grande diuersité des discours, qui se sont tenus au cheuet de son liest, quiconques s'est trouuë en ceste assemblée n'a pas eu le filet a la langue, bref, le silence a esté si peu obserué en

Discours de l'Accouchée.

toutes les aspres dinées que la plus part de Paris y à eu son lardon, attendant que le reste fust preparé pour le Releuement.

Surquoy ceste grosse vesse de garde de l'Accouchée voulut auparauant que de prendre congé, dire quelque chose, & mettant les mains sur les Roignons, dit assez affrontément.

Par ma foy, mes Dames vous en auez bien dit entre vous: mais ie desire, si il vous plaist, vous en dire vn en passant, c'est qu vn Procureur du Chastelet, de qui la fortune est fort petite, il faut que vous sçachiez que luy se voyant ainsi reduict au petit pas, il trouua vne tres-bonne inuention de paruenir en bien peu de temps, c'est qu'estant procureur d'une partie qui contestoit au Presidial vn grand fond, & de tres-grande importance, dequoy elle se trouuoit fort empeschée, à cause des chycaneries ou on desiroit de l'embrouiller: la partie aduersé, sçachant la grande necessité dudit Procureur, courtoisement s'adressa à luy, & luy representa que s'il y auoit moyen de passer vne Sentence en sa faueur, qu'il y auoit dix mille liures a gaigner, ce qui ne fut pas si tost proposé qu'il fut effectué, & par ainsi le dit Procureur commença de bastir sa fortune, qu du depuis s'est bien accruë: car en

Discours de l'Accouchée.

retour de ceste affaire, la femme luy fit vne bonne chere de resiouyffance qu'elle auoit, tant que l'appetit luy en vint de faire souuent telles expéditions: & est maintenant si riche qu'il ne se soucie plus de sa pratique.

Sur ce discours, la femme d'un Aduocat dit tout haut, qu'il ne failloit point trouuer estrange, si vn Procureur s'estoit laissé corrompre pour bastir sa fortune, d'autant que les gens de bien n'amassent rien, & quelle en voyoit vn tesmoignage tres-certain en la personne de son mary, & que pour auoir refusé de preuariquer en sa charge, & auoir esconduit vn sollicitueur, qui l'auoit pressé de ce faire, & depuis a esté contrainct d'emprunter de l'argent a rente.

Hé quoy, ce dit vne Damoiselle, de la ruë Saint Martin, s'est il tant engagé comme vous dictes, ouy, respondit vne Marchande du Palais, ie vous assure Madamoiselle, qu'il m'en doit de beau & de bon: mais i'ay patience qu'il ayt la fortune meilleure.

Sur cecy, la femme d'un Chirurgien commença de dire, ie ne sçay pour moy quel mal me talonne: car i'ay marié ma fille a vn ieune homme Conseiller, & luy ay fait vn honneste aduance, pensant qu'il deult faire merueilles avec elle, & neantmoins ie n'ay eu

Discours de l'Accouchée.

aucun contentement de ce mariage, ayant esté contraincte, apres les auoir nourry deux ans, de retirer ma fille avec si peu de reste qu'elle auoit.

Madame, vous auez tort de vous plaindre de vostre gendre, dit la vesue d'un autre Chirurgien, qui ne manque point d'appetit au faict d'amour, le moyen que Madame vostre fille puisse estre bien satis-faite de luy, maintenant qu'il prend le frein aux dets en taschant de se rendre capable en sa charge, car vous sçaez qu'il a fait ses estudes en trois ans, tant en Grammaire, Rhetorique, Philosophie, que droict Civil: c'est pourquoy il failloit le laisser estudier encores quatre ou cinq années, pour estre plus parfait en toutes sortes de sciences.

Vous auez aucunement raison, repliqua ceste bonne femme: mais les arerages d'amour sont bien difficiles à payer, & principalement par les hommes d'Estude: voila pourquoy i'ay esté bien contraincte d'y prouoir, nous en plaidons maintenant au Parlement.

Voila pourtant qui n'est gueres honneste, dit la femme d'un petit Procureur du Chastelet, qui s'estoit foullé la verge le iour de ses espousailles: vrayement si i'eusse voulu faire de mesme pendant deux années que

Discours de l'Accouchée.

J'ay ieufné, se seroit de belles merueilles, mon mary m'en à fort afectionnée. à cause qu'on n'en peut caqueter comme des autres.

Quoy Madame, dit vne Marchande, de la rue Saint Denis, vous estes si sage & si retenuë, que de laisser passer vostre ieunesse de la sorte, pour moy ie vous assure que ie desire passer mon temps; & paroistre, quand mon mary deuroit encore vne fois faire confession?

Hé, que ne doiuent point faire les femmes, puis que les filles s'emancipent bien, si on attend trop a les marier, i en cognois vne de nos quartiers estre assez aduisee.

Cela esmeut Madame la Releuée, de scauoir qui estoit ceste fille, & ce qu'elle auoit fait, & pour le scauoir, dit a Madame la marchande; Madame, obligez moy que de cognoistre ceste fille que vous dictes s'estre elle me sme pourueue, a quoy respondi ladicte Marchande, que c'estoit la fille d'un Pourpointier, qui auoit si bien pratiqué sa Mere de l'habiller a l'auantage, qu'elle faisoit comme le Poan, qui se mire a sa queuë, elle s'en orgueillit si fort, qu'elle auroit desdaigné d'estre pourueue a vn garçon du mestie de son Pere, pour aller querir ses Estrennes chez le fil d'un President.

Discours de l'Accouchée.

Il ne se faut point estonner, dit la Releuée si ceste fille a laissé aller le chat au fromage: car elle a desia de l'âge, & ne manque aucunement de courage, & puis voyant qu'une sienne voisine auoit trouué vn bon party, qui luy fait porter le Satin & le Damas.

Veritablement, respondi la femme d'un Confiturier, qui s'est efforcee d'enuoyer son mary en Paradis par eschelle si ie pouuois trouuer d'aussi bonnes fortunes, Dieu seayt si ie ferois l'amour a si bon marché comme ie fais: car estant soustenue par des enfans de bonne maison, il n'y auroit personne qui osast me regarder de trauers, ny me dire pis que mon nom.


Sur ce discours, la garde de l'Accouchée, de laquelle a esté parlé cy deuant, estant ennuyée de tant de forneries, ioint que l'appetit la tenoit autant au gosier, comme il luy tient par fois au cul, ne fut honteuse de dire tout haut, ne vous desplaie, mes Dames, si ie vous interromps, il vaut mieux goster a bon escient, puis que la collation est preste, que de parler tant d'amour, comme vous f. ides, par ma foy il vaut mieux n'en guere dire, & en faire d'auantage, beuons les vnes aux autres au parauant que partir, & de prendre congé de Madame la Releuée.

Discours de l'Accouchée.

33 Ce qui occasionna la compagnie, de faire la collation, aussi tost ces Dames commencerent d'escrimer du verre, & d'articuler des mascheoires a bon escient, obseruant chacunes d'elles vn silence, ne voulant plus traicter des discours de l'Accouchée ny de Releuée, & apres laquelle collation faicte, on print congé de la Releuée fort honnestement, se promettant les vnés aux autres, d'vn vif courage de se reuoir à leurs autres Accouchemens.

F I N.





615

